

नेवाः तजिलजिया त्वखँमुना

चवमि

डा. चुन्दा वज्राचार्य



पिकाक.

नेपालमण्डल घःचाःधुक्छू

यलधवखा, यल

नेपालमण्डल पिथना -९

नेवाः तजिलजिया चवखँमुना

चवमि

डा. चुन्दा वज्राचार्य



पिकाकः

नेपालमण्डल घःचाःधुकू

यलधवखा, यल

ने.सं. ११२१

सफूया नं नेवाः तजिलजिया टवस्वंगुना
च्वमि डा. चुन्दा बज्जाचार्य
पिकाक नेपालमण्डल घःचाःधुकू
पिदंगु दँ ने. सं. ११२१ दिल्ली
मू ७०/-
पिधंगु : ५०० प्रति
कम्प्युटर स्टार कम्प्युटर सर्भिस, लगं, यें । फोन : २६०२१७
थाकू बी. एस्. प्रिन्टिङ्ग प्रेस, लगं दलाछि, यें । फोन : २६१०८४
ISBN : 99933.567-1-9

थःगु ख्वं

नेवाः तजिलजिया अपार भण्डार दुनेमा छुं छुं च्वसु मध्ययनं थःम्हं इलय् ब्यलय् च्वसा न्ह्याका तयागु छुं छुं च्वसु मुनाः पिथनागु सफू खः “नेवाः तजिलजिया च्वखँमुना” । ध्व सफूया रूप्य पिथनेगु प्रेरणाया स्रोत धयागु हे नेपालमण्डल घःचाःधुकू पिथना खः । संघ संस्थायात जीवन्त बीपिं धयागु हे संस्थाया ज्या सनाच्चनादीपिं व्यक्तिपिं खः । अथेतुं नेपालमण्डल घःचाःधुकूया छम्ह सक्रिय दुजः मयजु इश्वरी मैयां श्रेष्ठ नं खः । वय्कलं जितः मिसया छुं सफू च्वयातयादीयागु मदुला पिथनेत धका न्यना दिल । नेपालमण्डल घःचाःधुकू पाखें इलय् ब्यलय् सफू पिदनीबलय् थःगु सफू नं पिथने मास्ति मवःगु मखु । व खँ ध्व सफुतिं पूर्वकूगु दु ।

“नेवाः तजिलजिया च्वखँमुना” सफुतिइ जिगु नेपालभाषा क्षेत्रय् दक्कले न्हापां च्वयागु नेवाः तजिलजिया च्वसु “नसा त्वँसा रितिथितिइ जातिय विभाजन” निसें ने.सं. १९२० दँया सिनाज्या ज्वछि सोमवार पतिं मेट्रो एफ.एमय् भाजु धर्ममुनिकारं थीथी च्वमिपिन्त सिनाज्याया बारे थःगु च्वसु वा विचार प्रस्तुत यायेगु इवल्य प्रसारित जूगु जिगु ‘सिनाज्याय् मिसा’ तक्क दुध्याकागु दु । नेपाःया न्हापांगु नेवाः शासक गोपाली जातिया ऐतिहासिक पृष्ठभूमि निसें यें, ख्वप व मकवानपुरया नेवाःतय्गु तजिलजि तक्क दुध्यानाच्चंगु दु । नेवाः तजिलजिया जात, जात्रा, प्याखं, गुथिया विषयवस्तुया च्वसु जकं मखु नेवाः तजिलजि दुने मिसातय्गु थाय् तक्क दुध्यानाच्चंगु च्वसु तक्क दुध्याकागु दु । फुक्क धयाथें लेख थःहे वनाः स्वयाः थःगु हे चिन्तनं अभिव्यक्त यानागु खः । थःम्हं स्वयाःगु जात्रा रितिथिति, परंपरायात गुगुं साधारण लेख कथं प्रस्तुत जूगु दुसा गुगुं लेख विशेष कथं अध्ययन अनुसन्धानया इवल्य च्वयागु च्वसु खः । अथे जूगुलिं दक्क च्वसु छगू हे इलय् च्वयागु मखु ।

“नेवाः तजिलजिया च्वखँमुना” सफुतिइ दुध्याःगु च्वसुल्य नेवाः तजिलजि दुने मिसातय्गु छु थाय् ? मिसा समानता, मिसा स्वतन्त्रताया नापनापं मिसा सशक्तिकरण नेवाः समाजय् गुकथं जुयाच्चन धयागु वाः

चायेकेगु च्वसु नं दुथ्यानाच्चंगु दु । नेवाः तजिलजिइ मिसा धाल धाय्वं जितः
 न्ह्याब्ले नेपाःया सुप्रसिद्ध नाटककार स्व. भाजु विजयबहादुर मल्लया
 नेपालभाषाया नारक “कुलां चकनी तिनि” व “किपालुं लिनाः च्वम्ह मनू”
 लुमना वड्गु खः । वय्कःया ध्व निगुलिं नाटक्या मू सि धयागु नेवाः
 मिसातय्गु मिसा स्वतन्त्रता, मिसा समानता व मिसा सशक्तिकरण धकाः
 हाला च्वपिनिगु बारे खः । तर अमिसं थःहे पुर्खापिसं न्ह्याका थकूगु तजिलजि
 दुने थःत दुवाला मस्वस्य पिनें आयातित समानता स्वतन्त्रता सशक्तिकरणया
 प्राप्तिया लागि हालाच्चंगु दु । ध्व फुक्कं भीगु हे तजिलजि दुने न्ह्यानाच्चंगु
 दु । थौया मिसातय्सं उगु तनावंगु मूल्ययात हानं पुनरस्थापना यानाः समाज
 न्ह्याके माः धयागु विचाः खः । नेवाः तजिलजिइ दुने धार्थे दुवाले सल
 धाःसा भीपिं धार्थे समाज दुपिं, स्वतन्त्र दुपिं ~~सि~~ सशक्तिकरण दुपिं मिसात
 खः ।

नेवाः तजिलजिया च्वखँमुना सफुतिइ दुथ्यागु च्वखँ मध्यय न्हापा
 पिदनाबल्य् स्वयां छुं खँ तनागुनं दु । अज्यागु च्वखँय् धाःसा न्हापा पिदंनगु
 पत्रिकाया नां बीगु यानागु मदु । गुगुं च्वखँय् न्हापा पिदनागु इलय् स्वयां
 क्वपालाः माःथें च्वंगु जक दुथ्याकागु दु । ध्व सफुतिइ दुथ्यागु च्वखँ नेवाः
 तजिलजिपाखे मन क्वसाःपिं सकसितं उपयोगी जुइ धयागु भलसा कया ।

“नेवाः तजिलजिया च्वखँमुना” पिदनेगुया लागी ग्वहालि यानादीपिं
 प्रफ स्वयादीम्ह कुमार रञ्जित, कम्प्युरटया ज्या यानाबियादीम्ह कृष्णमान
 डंगोल व सफू घ्वानाब्यूम्ह अष्टमुनि गुभाजुयात सुभाय् ।

चुन्दा वज्राचार्य

मरु, ख्यःक्यब, यें ।

ने.सं. ११२१ दिल्लाध्व गुरुपुन्हि

छलः

१. नेवाः संस्कृति दुने मिसा	१-१७
२. गोपाली जातिया ऐतिहासिक पृष्ठभूमिइ - छपुलु	१८-२९
३. कमवानपुरया बज्रबाराही जात्रा	३०-४६
४. यैयाःबलय् पिदनीगु प्याखं	४७-४९
५. मजिपाः लाख्य्	५०-६२
६. यैयाःया महाकाली प्याखं	६३-६७
७. खुपया सम्यकय् छपुलु	६८-७२
८. नसा, त्वँसा, रितिथितिइ भीगु जातीय विभाजन	७३-८०
९. मिजंयात बियाछ्वयेगु छगू परम्परा - दोलाजी	८१-८५
१०. बौद्धमार्गीय नेवाःतय् इहिपा प्रथाय् सँ प्याकेगु रीति	८६-९१
११. नेपालय् पारपाचुके (सम्बन्ध विच्छेद) - छपुलु	९२-९६
१२. च्वभाःद्यःया माय्अपसं व पारपाचुके	९७-१०२
१३. भीगु सिनाज्या म्येय् मिसा	१०३-१११

नेवाः संस्कृति दुने मिसा

विश्व न्त्यःनेँ नेपाः म्हसिक्यगु धयागु विश्वया दक्कले तःजाःगु हिमाल सगरमाथा, लुम्बिनीइ जन्म जुयाः विश्वप्रख्यात जुयावःम्ह एशियाया दीप गौतम बुद्ध व थी थी आदिवासी जनजातिया संस्कृति व कलाकौशलता खः । नेपाः छगू बहुभाषा, बहुसंस्कृति, बहुधर्म व बहुजातया एकता दुगु देश खः । नेपाःगाः दुने न्हापानिसँ बसोबास यानावःपिं नेवाःतय्गु संस्कृति, कलाकौशलं राजधानीयात हे भःभः धायेकाच्चंगु दु । नेपाःया परिचय दुने लाःगु संस्कृति व कलाकौशलता खः । देशया केन्द्रविन्दु धयागु राजधानी खः । उकिं राजधानी दुने च्वंगु कलाकौशल व संस्कृति च्वन्ह्याइगु स्वाभाविक खः । नेवाःतय्गु कलाकौशलता व संस्कृति अति वैज्ञानिक कथं सुसंस्कृति व सभ्यताया चिं खः । विश्वया न्ह्यागु समुदायया नं थःथःगु संस्कृति दु, संस्कार दु, गुकिं समाजयात न्ह्याका च्वंगु दु । समाजय् म्वानाच्चपिनिगु विकासया चिं धयागु समाजं हनावयाच्चंगु नखः चखः रीतिथिति कलाकौशलया मू व मान्यता खः । समाजय् वःगु ह्यूपालं अभिसं हना वयाच्चंगु संस्कृतिइ नं ज्यू कथं परिस्थिति कथं ह्यूपाः वइगु स्वभाविक खः । समाजयात न्ह्याकीपिं धयागु मचा, ल्याय्म्ह, ल्यासे, बुरा बुरी सकलें खः । समाज न्ह्याकीपिं मूल रुपं मिसा-मिजं जक जूसानं बुरा-बुरी, ल्यासे-ल्याय्म्ह, मिसा मचा मिजं जक जूसान बुद्धा बुद्धी ल्यासे-ल्याय्म्ह, मिसा-मचा मिजं मचाया थाय् उलि हे महत्त्वपूर्ण जू । जीवनया थ्व ह्यूपाः नापनापं मनूया उमेरय् वइगु ह्यूपाःयात कथं हंक महत्त्व बिद्याः संस्कारगत ज्या यायेगु भी नेवाःतय्गु संस्कृति दुने लाःगु ज्याखँ खः । संस्कारगत कार्य व धर्म धाःसा छगू हे धाये मज्यू । धर्मया मू आसय समाजं दयेकातःगु मूल्य व मान्यताया पालना यायेगु खः । करपिन्त मज्यूगु भभिंगु मयायेगु न धर्म दुने लाःगु खँ हे खः । तर संस्कार धयागु मनूया जीवनय् वःगु प्राकृतिक ह्यूपाःयात सामाजिक मान्यता, बीगु छगू पद्धति खः ।

नेवाःतय्गु संस्कृति गुलि पुलां धकाः प्रमाणिक कथं आः तक्क बांलाक सी मद्दु । नेवाःतय्सं न्ह्याका वयाच्चंगु जल प्याख्यात हे कायेगु खःसा विक्रम सम्बत् सुरु जुइ १४ दै स्वयां न्ह्यो निसँ खः । (प्रेमबहादुर कसाः, रत्नेश्वर

प्रादुर्भाव पृ. ६-७) अथें तुं नेपाः तयगु इतिहास मामां वनेबलय नेपाः या न्हापां राज्य याः पिं गोपाली जाति नेपाः हे खः । उकिं गोपालीतयगु संस्कृति हे नेपाः या दक्कले पुलांगु संस्कृति धायेमाः । गोपाली जाति थौं तक्कनं नेपाः हे जुया च्वनाच्चंगु दु । नेपाः देया नां हे थ्व हे न्हापां राज्य याः पिं गोपालीतयगु नामं नामाकरण जूगु खः । अथे जूगुलिं नेपाः या न्हापांगु वंशावली गोपालराज वंशावली धकाः गोपालीतयगु नामं नामाकरण यानातः गु खः । गोपालराज वंशावली कथं गोपालीतयगु प्रादुर्भाव पशुपतिया नापनापं जूगु उल्लेख जुयाच्चंगु द ।

(धनवज्र बज्राचार्य व कमल प्रकाश मल्ल, ।। गोपालराज वंशावली, पृ. ७३) वंशावलीइ साजवाः यात 'नेप' धका नामाकरण यानातः गु खनेदु । वास्तवय् उम्ह साजवाः या नां 'नेप' पाखें नेपाः देया नां जूगु खः । इतिहासकार भाजु धनवज्र बज्राचार्यया धापू कथं गोपालराज वंशावलिइ उल्लेख जूगु 'नेप' आखल्य् "आल" प्रत्यय छ्यलाः नेपाल शब्द जू वंगु खः । संस्कृत भाषां सुयात गोपाल वा आभीर धायेगु यानातः गु खः अमित उत्तर वा पूर्वपाखें वः पिं किरातीतयसं "डहेपा" धायेगु याइगु खः । "डहेपा" धयागु 'ड' या अर्थ सा, 'हे' या अर्थ म्ये व 'पा' या अर्थ जवाः अथे धयागु साम्येजवाः खः । उकिं नेपाः या इतिहासय् न्हापां राज्य याः पिं सापुम्येपू खः ।

लिच्छविकालय् पलिस्था यानातः गु थीथी अभिलेख संस्कृत भाषां तयेगु जुल । उगु ईया स्थानीय भाषां तयातः गु नां समेत संस्कृत भाषां अनुवाद यानाः तयेगु परम्परा न्ह्यात व हे इबलय् 'डहेपा' यात संस्कृत भाषां "नेपाल" खंग्वः छ्यलेगु जुल । (चुन्दा बज्राचार्य, मकवानपुरया गोपाली जाति चन्द्रागिरि पृ. १५) गोपाली जातिया मू बस्ति धयागु थौंकन्हय् चन्द्रागिरि पहाडया जः खः थानकोट, तः ख्यः, कुन्छाल, कुगां, शिखरगोठ, पालुङ्ग आदि खः ।

गोपाली मिसा

बौद्ध धर्म व शैव धर्म निगुलिं धर्मया छगू धर्म कथं हनेगु याइपिं गोपाली जातिया समाजय् मिसातयगु थाय् विस्कगु कथं दु । मिसापिन्सं मू रूप समाज न्ह्याका वयाच्चंगु गोपाली समाजय् संस्कृति, धर्म, विधि व्यवहारया संरक्षण विशेष यानाः मिसापिन्सं याना वयाच्चंगु द । छज्याया सुसाः कुसाः निसें च पुजा यायेगु, बुज्या यायेगु साम्येयात सरसफाई यायेगु नखः, चखः हनेगुली विशेष महत्त्वपूर्ण ज्या यायेगु खः ।

गोपाली मिसातय्त मेमेपिं नेवा: मिसातय्त थें 'इही' यायेगु बाह्रा: तयेगु परम्परा मदुसां मिसामचातय्त ७ दँ निसें ११ दँया दुने 'पर्सि बीगु' धका इही याइबलय् थें दकल न्हापां छलंचां लुसि ध्यंकेगु ज्या यायेगु क्रियाय् निनिम्ह भुइ (देमाय्) लुसि फया: खुसि वाये यंकेगु ज्या याइगु अनं लिपा निसें तःधिक जूम्ह सरह विधि व्यवहार क्रिया यायेगु परम्परा दु । थ्व 'पर्सि बीगु' क्रिया मिसामचायात पिखालखुइ तया: पर्सि बीगु व थ्व इलय् निसें मिसातय्सं पर्सि सिनेगु याइगु खः । मिसातय्सं पर्सि सिनेगु धयागु तःधिक जूगुया चिं खः । गोली मिसातय् मेमेपिं नेवा: मिसातय् मेमेपिं नेवा: मिसातय्त थें बाह्रा तयेगु परम्परा मदु । नेवा: मिसातय्त बाह्रा: तयेगु धयागु मिसामचातय्त यौन शिक्षा बीगु तात्पर्य खः । अथें जूगुलिं याना: हे नेवा: मिसातय् बाह्रा तयेगु स्वयां न्ह्यो इहिपा: याना ब्यूसां इहिपा जूपिं कला: भातःयात क्वथा बीगु धा:सा चलन मदु । अथें धयागु यौन कार्य सक्रिय जुइ मज्यूगु खँ खः । अथेंतुं गोपाली मिसातय् बाह्रा: तयेगु परम्परा मदुसां न्हापागु मिसा धर्मया इलय् १५ न्हु तक बारे याका तयेगु चलन दु । थ्व इलय् दुने हे यौन शिक्षाया ज्ञान बीगु जुइमा: । तर नेवा:तय्गु मेमेगु जातिया प्रभाव थौकन्हय् गोपाली गुम्हं गुम्हं मिसामचातय्त इही यायेगु यानाहःगु दु ।

गोपाली मिसातय्गु छगू विशेषता धयागु इहिपा न्ह्यो थःगु छँयात दयेकेगुलिइ तच्चकं मिहिनेत याना ज्या सनेगु जुसा इहिपा लिपा थःगु छँया ज्यायात उलि महत्त्व बीगु याइमखु । थः इहिपा याना:वःगु छँया ज्यायात उलि महत्त्व बीगु याइमखु थःइहिपा याना:वःगु छँ दयेकेगुया लागिं छँज्या बुँज्या दक्व हे ज्या यायेगु याइ । बहु विवाहया प्रचलन उलि मदुसां छम्ह निम्ह दुसां नं बहुविवाह जुल धा:सा मिज्या नामय् बुँ सम्पत्ति समाजं निम्ह कला:पिनिगु नामय् याना बिया वयाच्चंगु दु । अमिगु बिचा: कथं छँज्या बुँज्या याइपिं धयापिं मिसात खः, उकिं मिज्या नामय् मतसैं मिसातय्गु नामय् याइगु खः । मिजंम्हसिया सुयाथाय् न्हचा: वयाथाय् वना: च्वने दु, नये दु । मिजंत धयापिं छँज्या व बुँज्याया लागिं गुहाली जक याइपिं खः । थ्वयात मेमेगु समाज नं अनुकरण यायेमा:थें च्वं । अले जक बहुविवाह याइपिं मिजंत चेतय् जुइ । .

लिच्छविकालय् मिसातय्गु थाय्

लिच्छविकालय् मिसातय्त शोषण या:गु खँ लिच्छवि अभिलेख अध्ययन यायेबलय् खने मदु । मानदेवं थः रानी भोगिनीया नां हे तया: ध्यबा प्रचलनय् हःगु खनेदु अथेंतुं मिसापिन्त शिक्षा बीगु प्याखं स्यनेगु, वाद्यवादन स्यनेगु, विभिन्न कलाकौशलता स्यनेगु परम्परा दुगु खँ मानदेवया म्हचाय् विजयवतीया नेवा: तखिबतिया प्यत्तंगुबा

चरित्र वर्णन यानातः गुली विविध कला, सः गु नृत्य, वादय् निपुणम्ह जक मखु छम्ह विदुषी धकाः हे उल्लेख यानातः गु दु । (धनवज्र बज्राचार्य, लिच्छवीकालीन अभिलेख पृ. ८७) लिच्छविकालय् मिसा स्वतन्त्रता दुगु हे खनेदु । ध्व इलय् मिसातयसुं थः भाःत अबुया नामय् शिवलिङ्ग स्थापना यानावंगु उगु ईया अभिलेखय् खनेदु । उगु सम्बत आभीरी गोमिनी पशुपतिङ्ग स्थापना याः गु दुसा मानदेवया कान्छीम्ह कलाः गुणवती नं थः अबुया नामय् लाजिम्पातय् शिवलिङ्ग स्थापना याः गु दु । ध्व इलय् सतिप्रथा दुसा सति वनेगु मिसा स्वयम् निर्णय यायेगु यानातः गु दु । लिच्छवीतयत् लिपा वैश्यत वयाः अमिगु राज्य त्याका कयाः अमित राजकाजया छुं ज्या मबिसे ज्यापु याना बिल । (बाबुराम आचार्य, स्वयम्भूलाल श्रेष्ठ अनु. “नेवा, नेवाः भाय् व संस्कृति” पृ. १२) उकिं गोपाली जक नेवाःत मखु नेपाःया इतिहासय् अभिलेख तयाः इतिहासया सामग्री स्थापना याःपि लिच्छविपिं नं नेवाः हे जुया वन ।

अशोकया म्हाय् चारुमति वयाः ‘चारुमति बिहार’ धकाः स्थापना यानावन । अथेतुं अंशुवर्माया पालय् भृकुटी ल्हासाया जुजु स्याङ्गचाङ्ग गम्पोनापं इहिपा यानाः ल्हासा वनाः बुद्धया मूर्ति पलिस्था यानाः अन बुद्धधर्मया प्रचार-प्रसार यायेगु ज्या जक मखु नेपाः वं ल्हासाया सम्बन्ध ब्वातुका वन ।

मल्लकाल

मल्लकालय् हे मिसापिनिगु योगदानयात दुवासा वन धाःसा थः गु वंशजया राज्य सुरक्षा यायेगुया लागिं सती वनेमाः गु परम्परायात हाकुत्यना राज्य स्थिरता बीगु ख्यं पदुमल देवी व देवलदेवीया हिम्मत योगदानयात चाछाय्वहःजू । देवलदेवी थः छय् राजल्लदेवीयात जयस्थिति मल्ल नामं इहिपा यानाः छय्या पाखें तक्क नं मल्ल वंश परम्परा न्ह्याकल (Kamal P.mall: contribution to Nepalese studies vol. 12 No. 2 April 1985 p. 78) अथेतुं मिजंत जक मखु ऋद्धिलक्ष्मी, जयलक्ष्मी, भवनलक्ष्मी, कुमुदिनी देवी, वृद्धिलक्ष्मी, दयालक्ष्मी आदि मिसा कवयित्रीपिं नं जन्म जुयाः साहित्यिक योगदान बियावन । अथे धयागु मिसातयत् शिक्षा ब्यूगु कारणं हे कवयित्री जुयाः थः गु नां अमर याना वने फुगु खः । (प्रेमशान्ति तुलाधर, नेपालभाषा साहित्यया इतिहास, पृ. ५३-५४)

मल्लकालय् मिसास्वतन्त्रता दुगु खं इहिपा धुकूम्ह नायक देवी थः यःम्ह जगत सिंहदेव नाप इहिपा याना क्यन । थज्यागु परम्परा दरवार दुने जुजु खलःयापिं जकमखु सर्वसाधारण मिसापिस नं याना च्वंगु इतिहासं प्रष्ट याः ।

पृथ्वीनारायण शाहं कीर्तिपूर हमला याः बल्य अनया मिसापिं जाना ल्वानाः बुकाहः गु नं इतिहासं कनाच्वंगु दु ।

धार्मिक परम्पराय् मिसा

नेवाः समाजं माने यान्नावः गु धर्म धयागु बौद्ध धर्म, शैव धर्म व हिन्दू धर्म खः । पुराण, जातक, अवदान आदि धार्मिक ग्रन्थ अध्ययन याये बल्य मिसातयत् छगू कथं संरक्षकया रूप्य प्रस्तुत यानातः गु दु । धार्मिक ग्रन्थय् उल्लेख यानातः गु खँया प्रभाव समाजय् लाइगु स्वाभाविक खः । गथेकि भस्मासुरं थम्हं थिक्व थिक्व भष्म जुइमा धकाः महादेवया तपस्या च्वन । महादेवं तपस्या च्वंम्ह भस्मासुरयात वरदाननं बिल तर वरदान प्राप्त जूम्ह भस्मासुरं दक्कले न्हापां महाद्यः यात हे थीत स्वः बल्य महाद्यः बिस्युं बिस्युं वने माल । लिपा पार्वती वयाः महाद्यः यात बच्य जक याः गु मखु थः गु छयनय् थः म्हं थिया ब्यूबल्य भस्मासुर थः हे भस्म जुया वन । थुकथं मिसायात विनासकार पाखें वच्य याइम्ह रक्षक कथं प्रस्तुत यानातः गु खः ।

यँया न्यतमरु अजिमाया बाखनय् हे दुवाला स्वयेगु खः सां न्यतमरु अजिमाया म्ह्याय् कुमारी मयुरासुर दैत्यनाप मतिना जुयाच्वन । अथे जूसां मयुरासुर व वया खलः या दैत्यतय्सं जनतायात दुःख बियाः कसाः नकाच्वन । थः गु देशय् च्वंपिं जनतायात दुःख सास्ना बिया च्वंगु खँ मयुरासुरनाप मतिना जुयाच्वंम्ह कुमारी मस्यु । लिपा यँदेय् रक्षा यानाच्वंपिं मध्यय् खुम्ह अजिमापिं मुनाः सरसल्लाह यानाः म्ह्याय्यात जनताया दुःख क्यनाः अजिमापिनिगु शक्ति समेत कुमारीयात लःल्हानाः जनतायात दुःख बियाच्वंपिं राक्षसया जुजु मयुरासुरयात स्यानाः जनताया रक्षा याः गु जक मखु उम्ह कुमारी आजीवन कुमारी जुया च्वन धका स्त्रीशक्ति, जनताया लागि मतिनामि तक्क स्यानाः छुखे इहिपा मयासे आजीवन च्वनाः मतिनायात अमर यांनाः जनतायात रक्षा याः गु बाखनं समाजय् च्वंपिनिगु मानसिकताय् प्रभाव मलाकी धका धाये मफु । अथे जूगुलिं यानाः हे भी नेवाः तय्गु प्रत्येक बस्ती बस्तीइ कुमारीया स्थापना यानाः रक्षा यायेगु परम्परा दयाच्वंगु खः । लाय्कुलिइ च्वंम्ह कुमारी जुजुपिनि आगंया कुमारी खः । अथेतुं मूवाहाया कुमारी मूबः हाः या आगंया कुमारी खः । लाय्कूया कुमारी छुं जूसा पूजा यायेमाः म्ह कुमारी खः । अथे जूगुलिं यानाः थाय् थासय् मिसामचायात कुमारी यानाः हे स्वनेगु भीगु परम्परा धयागु मिसापिन्त मू ब्यूगुया परिचय खः । नेवाः संस्कृतियात धार्मिक दृष्टिं स्वयेगु खः सा विद्याया द्यः सरस्वती मिसा, धनया द्यः लक्ष्मी मिसा, तान्त्रिक द्यः जोगिनी मिसा,, असत्ययात बेयाः तखिबजिया च्पन्नीगुबा

संहार याइम्ह महाकाली, भगवती आदि मिसा हे खः । थुकथं भीगु नेवाः संस्कृति न्हयाना वयाच्वंगुली आधारभूत धर्मय् मिसापिनिगु थाय् विस्क दु ।

धार्मिक ज्याखँ निर्देशित जुयाच्वंगु भीगु समाजय् मचा बुयाः मब्यंकुतले वयात रक्षा याइम्ह छः धयागु छ्वास अजिमा धका धायेगु जक मखु मानेयायेगु चलन दु । अथे जूगु कारणं यानाः मचा बूसां मनूत सीसां छ्वासय् वायेगु याना वयाच्वंगु खः । संस्कारगत न्हयाःगु छ्गू जक ज्या यानाः थाय्भू नकेगु जुल धाःसा थाय्भू वायेगु थाय् नं छ्वास हे खः । गथे इही, बाहा, ब्रतबन्ध, विवाह, बुरा, बुरी जंकु आदि संस्कारगत ज्या यानाः नये धुंकूगु थाय्भू वायेगु थाय् धयागु छ्वास अजिमाया थाय् खः । अथेतुं इही वा ब्रतबन्ध याये न्ह्यो तक्क्या मचातय्त हारती मां धकाः अजिमा छवं रक्षा याइ धायेगु भीगु नेवाःतय्गु चलन दु । हारती मां वा अजिमा छःनं मिसाम्ह हे छः खः । मिसा-मिजंया दथुइ निम्हत्पू जुयाः पारिवारिक जीवन हनेगुया लागिं इहिपाः याइगु मिसाम्ह छःया न्ह्यःने यायेगु नं चलन दु । गथेकि गुहेश्वरी भगवती अजिमा, सरस्वती, भद्रकाली, बिजयश्वरी, बज्रजोगिनी आदि छःपिं साक्षी तयाः स्वयम्बर यायेगु चलन दु । अथे धकाः मिजंपिं छःतय्थाय् यायेगु चलन मदु धयागु मखु । मिजंपिं छःतय्थाय् नं स्वयम्बर यायेगु चलन दु । गथेकि पचली भैरव, बाहा बहीया क्वापाः छःयाथाय् नं यायेगु याः ।

भीगु नेवाः संस्कृति मनूतय्के वइगु ह्यूपाः व प्रकृतिं वइगु ह्यूपाःयात विचाः यानाः न्हयाका तःगु खः । चाहे व संस्कारगत ज्या जुइमा वा चाहे व नखःचखः जुइमा । अथे जूगुलिं यानाः हे धार्मिक रुपं हे मिसा व मिजंतय्त फरक फरक यानातःगु दु । गनं मिसायात च्वछायातःगु दुसा गनं मिजंयात च्वछायातःगु दु । थथे जुइगु नं स्वाभाविक खः । मिसाया थासय् मिसा च्वथें मिजंया थासय् मिजं वास्तवय् छ्गू वर्ग (मिसावर्ग) मेगु वर्ग (मिजं वर्ग) यात गुहालीया भावना न्हयाये माःगु खः ।

जातिय पेशाय् मिसा

नेवातय् अमिसं परम्परा निसें याना वइगु ज्याया आधारय् जातय् विभाजन जुयाच्वंगु खः । विष्णुभगवानया थी थी अङ्गं सृष्टि जूपिं धकाः जातया विभाजन यानातःगु नेवाः समाजया मखु । नेवाः समाजया जात धयागु अमिसं याना वयाच्वंगु ज्याया विशेषतायात ज्याय् विशेषज्ञया रुपय् जातिय विभाजन जुयाच्वंगु खः । नेवाः समाज मिसा व मिजं निगुलिं वर्ग नाप नापं छ्महं मेम्हसिनं गुहालीया आधारय् न्हयाना वःगु समाज खः । प्रत्येक जातितय्सं याइगु ज्याय् मिजंत नापनापं मिसातय्सं गुहाली याना छुं

नं वस्तु उत्पादन याइपिं वा दयेकीपिं जाति खः । नकःमितय्सं याइगु ज्या धयागु नँया माल सामान दयेकीगु जातिय् ज्या खः । ज्यासलय् ह्याउँक मि ख्वानाः भौचा संका बीम्ह मिसा जूसा भौचां क्वाःगु नकःमि मिजंम्ह भौचा संकाःबीम्ह मिसा जूसाः भौचां क्वाःगु नकःमि मिजंम्ह कौ (नकःमि) क्वाःगु न चिम्तां लिक्कायाः आकार बीगु ज्या यायेगु याःसा मिसाम्ह कौनीनं क्वाःगु नयात टुक्रा याये माल धाय्वं मुगः ल्हवनाः दायेगु ज्या याइ । कौतय्सं याना च्वनीगु ज्या स्वयेबलय् अःपुगु याउँगु ज्या मिसातय्सं याइगु धयागु पाय्छि मजू । तग्वःगु झ्यातुगु मुगः ल्हवनीपिं धाःसा मिसात हे खः । अथेतुं बुँज्या याइपिं ज्यापुतय्गु बुँज्या याइगु थासय् स्वःवन धाःसा बुँ पालेगु ज्या मिजपिसं यायेगु जूसां धिक्कागु चापाँय्यात खतांमुगलं चा छूयायेगु ज्या मिसातय्सं याइगु खः । लुँ वहःया ज्या याइपिं शाक्य जातियात स्वः वन धाःसा नं लुँ वहःया मालसामान दयेकेगु ज्या मिजपिन्सं यायेगु जूसां मिसापिन्सं लुँ वहःया तिसा मालसामानय् लसां बुइगु ज्या मिसापिसं यायेगु याना वयाच्चंगु दु । ल्वंह कःमिया थाय् वन धाःसा मिजंम्हसिनं तग्वःगुल्वहँ पालाः मूर्ति कीगु याःसा मूर्तियात सफा यानाः चिचीधंगु ज्या मिसातय्सं यायेगु याना वयाच्चंगु दु । चित्र च्वइपिन्तय्थाय् हे स्वल धाःसा मूर्ति च्वंयेगु ज्या मिजपिसं यायेगु जूसां मिसापिसं चित्र च्वयेत माःगु रङ्गया लागि ल्वहँ, चा, मोति भिंपु यं आदि निना बीगु ज्या याना बीगु चलन दु । अथेतुं पूजा आजाय् जुइपिं बज्राचार्य वा गुभाजु जातिइ हे स्वल धाःसां पूजा याइम्ह गुभाजु जूसा पूजाया सरसामान दयेकीपिं गथे दवह सुइगु, जजंका कायेगु, इताः निलेगु, ग्वजा दयेकेगु, पूजा तयेगु ज्या मिसापिसं याना बीगु याः । ला मीगु थसय् स्वः वन धाःसा नं मे स्याना ला मीगु ज्या मिजं नं यायेगु जूसा मिसाम्ह लंगु ला सुइ प्वःचिना बीगु, हि मीगु आदि ज्या यायेगु याः । थज्याःगुलिं यानाः नेवातय् दुने मिसा मिजंतय् दथुइ क्वातुगु स्वापू दुगु खः । नापनापं छम्ह मेम्हसिनं बालाक जुइगु गूगुलिं यानाः हे ध्व जाति अप्पो धयाथें संयुक्त परिवार दुने च्वपिं जूगु खः । खय्तला थौकन्हय् थःगु जात कथंया ज्या सकसिनं न्ह्याका च्वंगु मदु । नापनापं ई कथं विज्ञानं न्हू न्हूगु प्रविधि विकास याना हःगुया प्रभाव जातिकथं ज्या यानाः च्वंगु समाजय् नं प्रभाव लानाः ध्व ज्या मिसां यायेगु व ध्व ज्या मिजंतसें यायेगु धका मदय धुकल । अथे जूसां जातिय ज्या याना च्वंगु खपिन्त उकिं वयागु मानसिकताय् प्रभाव मलाकी धकाः धाये मछिं । मिसातय्सं नं मिजंतय्सं याइगु ज्या याना हये धुकल ध्व समय व परिस्थिति माग याःगु

खः ।

सम्पत्तिया अधिकार

नेवातयगु जातिय पेशाया व्यवस्था विशेष यानाः विविधता जुजु जयस्थिति मल्लया पालय् दयेकल । नं.सं. ५०१ य् नेपालभाषां पिदंगु मानव न्याय शास्त्रय् म्हायम्चा व काय् चायात सम्पत्तिया अधिकार बराबर रुपं बियातःगु खनेदु । मानवशास्त्रय् उल्लेख यानातःगु कथं अबुया सम्पत्ति काय्यात व मां सम्पत्ति म्हायम्चातय् वनीगु धकाः स्पष्ट उल्लेख यानातःगु दु । मांया गुलि सम्पत्ति दु अबुया गुलि सम्पत्ति दु धकाः अप्पो व म्होया खं मखु, मां व अबुया सम्पत्तिया खं खः । नेवातयगु परम्परा कथं थः म्हाय् बिया छ्वइबलय् साधारण छुं मखुसां छेंया लागिं माःगु छज्वलं माल-सामानया नापनापं भव्य नःवःपिसं बीगु क्वसः दैगु स्वभाविक खः । अथेतुं छज्वलं तिसा दयेका बीगु साधारण चलन खः । फुपिसं छें-बुं तक्कं बीपिं मदुगु मखु । मांया सम्पत्ति म्हाय्यात वनी धकाः धाइबलय् मामं मुंकातःगु सम्पत्ति फुककं तिसा-वसः म्हाय्यपिन्त वनीगु खः । समाजया परम्परा कथं म्हाय्यमचा बिया छ्वइबलय् बसुजा बिया छ्ववये धुंकीगु जूगुलिं मांया बसुजात मांया चिं कथं काय्मचातयतं वनीगु जुसांनं तिसाः वसः बुं छें आदि सकतां म्हाय्यपिन्त वनीगु खः । थ्व हे मनस्थितिइ लाःपिं भी नेवाः मिसातय्सं मिसातय्त नं सम्पत्तिया अधिकार सम्बन्धी विधयेक संसदय् वंसां मेमेगु जातिथें चरमताय् वनाः जिमित नं सम्पत्तिया अधिकार माः धका सःतसः याये मफु । नेवाः मिसातय्के जयस्थिति मल्लं प्रचलनय् हःगु मानसिकता दु । थौं मखुसां छुं पुर्खा न्ह्यो तक्कं थ्व पद्धति माने यानाच्चंगु समाजं मखुसां खं न्यंगु दु । वि.सं २०४७ स पिदंगु सम्बिधानय् मिसा-मिजं समान धयातःसां नं २०४७ स्वयां न्हापांया सम्बिधान अनुरूप दयेकातःगु नेपाःया कानूनय् जयस्थिति मल्लया पालय्या मानव न्याय शास्त्र थज्याःगु विधान मंजुसे म्हाय्यमचातय्त छुं अधिकार बियातःगु मदु । (३५ वर्ष तक्कं इहिपा मयासे च्वंवन धाःसा दइगु सम्पत्तिया अधिकार वाहेक) अथे जूगुलिं थौं वयाः म्हाय्यात मांया सम्पत्तिनं मन्त अबुया सम्पत्तिनं मन्त । नेवाः परम्पराव संस्कृतियात मनन यानाः वयाच्चपिं नेवातय्सं थौं तक्कं नं थःगु चित्तय् दयेकाः मां मदयेकाः मांया छें-बुं मखुसां तिसा वसः बियाछ्ववये धुंकीपिं म्हाय्य मचातय्त बीगु याना वयाच्चंगु दनी । तर आपाः धयाथें नेवाःतय्सं थ्वयात मनन यायेगु मजुइ धुंकल ।

नेवाःतय्सं थौं नं नेवाः परम्परायात हे माने याना वःगु खः । शिक्षित मां अबु निम्हसिनं थःथः कथं कमय् यायेगु याइ । मा नं कमय् याःगु फुककं

मह्याय्यात जूसा अबुं कमय् या:गु काय्यात जुइगु खः । खय्त ला मह्याय् व काय्यात गामय् मखुसां शहर क्षेत्रय् काय् व मह्याय्यात समान शिक्षा वीगु जुयाचवंगु दु । थुकथं स्वयेगु खःसा समान खः । अथे जूगुलिं याना: छेंय् च्वपिनि नखः न्यायेका: भवय् नयेगु याना च्ववसां मह्याय्मचां भा:तृपिंथाय् च्वना: ज्या याना: न्यल जुइ धका आरामं तयेत थ:छें नखत्या स:ता: भवय् नकेगु चलन खः । समाजं यानात:गु काय्मचा व मह्याय् मचाया समान व्यवहार खः । थ्व हे कारणं याना: छें परिवार दुने मह्याय् मचाया महत्त्व विया: छखें मह्याय्मचां थ: भा:तयागु छेंय् बांलाक ययेका: जूसां मेखे दाजु-किजा, तता:जु भउपिन्सं हनावना याना: समाजया संरचना जुयाचवंगु खः । तर थौं नेवा:तय्गु मनय् नं संस्कृति व समाजयात उलि वास्ता मया:गु कारणं याना: थज्या:गु बांलागु नेवा: समाजया संरचना स्यना वनाचवंगु दु । थ:म्ह मह्याय् मचायात हने वने या:सा हे जक थ: नं मह्याय्मचा जुया थ:छें वनीबलय् नं हनावना दइ मखुसा थम्हं याये मफत धा:सा थ:त दइमखु । उकिं भीसं नेवा: समाजया संरचनाया मूयात थुइका परम्परायात न्ह्याका यंकेमा:गु दु ।

परम्पराय् मिसा

सुया ल्हा:तय् सम्पत्ति दु व मनू व: नं लाइ व्वानंतुइ अले शक्तिशाली नं जुइ । आर्थिक पक्ष सुथां लाकेगुया लागिं हे मनूतय्सं लक्ष्मी द:या उपासना याना: पूजा याइगु खः । दच्छिइ छक्व: कार्तिक कृष्ण औसी कुन्हु लक्ष्मीपूजा धका: विशेष सरसफाइ याना: लक्ष्मी द: पूजा याइपिं नेवा:तय् मह्याय्मचायात बाह्य: तया: पिया: ज्वलान्हाय्कं, सिन्ह:मू ज्वंका: गणेद्य:याथाय् यंका: लक्ष्मीद्य: रुपी मह्याय्मचायात मांगलिक आशिर्वाद बिइकीगु प्रकृया खः । व हे मह्याय्मचायात इहिपा: याना: कत:या छेंय् छ्वइबलय् माजु जुइम्हसिनं दक्कले न्हापां थ:गु परिचय वीकथं भम्चायात छेंया पिखालखुइ तया: हचाउंथ्वं तुति सिइका: छेंया ता:चा ल:ल्हाना:अभ्र ता:चाहे ज्वंका: छेंय् न्हापां दुत यंकेगु याइगु खः । माजुम्हं ता:चा ल:ल्हाना: छेंय् दुत यंकीगुया मू हनि धयागु विवाह न्ह्यो थ:गु छेंय् लक्ष्मी द: जुयाचवम्ह मह्याय्मचा थ:गु छेंय् अले भा:तया छेंय् नं लक्ष्मीया रुप कया: छें स्थीर याये फयेमा: धका खः नेवा: समाजय् छेंय् मू नकिंया: जिम्माय् धुकू पिक्क जुया च्वनीगु खः । मिसामचातय्त थ:छेंय् मह्याय्मचाबलय् नं लक्ष्मी धका: आदर याना: हुकें याइगु जूगुलिं व छें व श्री सम्पत्तिया अभिवृद्धि यायेगुलिइ मा:गु फुगु कुत: याके बीगु खः । अथे जूगुलिं

याना: हे आम्दानी म्हायमचायात लःल्हाना: धुकुतिइ स्वथंके बीगु चलन नं दु । अथे जुल धायेवं मा:मा:थाय् मा:मा:थें जक खर्च याना: म्हं चायेकेगु याइगु खः । अज्या:म्ह म्हायमचायात भा:तपिन्थाय् नं व हे स्तरम् तया: श्रद्धा सद्भाव यात धायेवं थ:छेंय् श्री सम्पत्ति अभिवृद्धि यायेगुलिइ गुकथं न्हाय:गु खः, भा:तया छेंय् नं उकथं याइ धयाकथं नेवा:तय् म्हायमचायात लक्ष्मीया रुप बिया: आर्थिक पक्ष क्वातुकेगु नेवा:तय्गु महत्त्वपूर्णगु दर्शन खः । धन हे म्वायेगु आधार खः । समाज न्हायकेगु प्रक्या खः । धनया महत्त्व थूगुलिं याना हे नेवा: समाजय् म्हायमचा तं चाल धायेवं लक्ष्मी छ: तंचाइ धका: फछिं फतले म्हाय् मचातयत् सुख बियातइगु खः । सुख सम्बृद्धिइ हुकें जूम्ह म्हायमचाया व्यवहार नं उतिकं बांला:गु स्वभाविक जुल । बांला:गु स्वभाव छेंया वातावरण बांलाइगु नं स्वभाविक खः । गन शान्त वातावरण जुइ अन ज्या यायेगु वातावरण दइगु व छूम्हसिनं मेम्हसित मा:मा:गु गुहाली जुइगुया नापनापं थ:थ:गु छेंया भूमिका म्हसी । अज्यागु थासय् लक्ष्मी नं दुस्व:वइगु खः व उकिं हे शहीद शुक्रराज शास्त्री उगु इलय् हे “स्वर्गको दरवार” च्वया: स्वर्ग धयागु गनं द:सा छेंय् दु । उगु छेंयात दरवार याइम्ह धयागु भिंम्ह मिसां खः । भिंम्ह मिसा धयागु शिक्षां बिइ धका: मिसातयत् छें दयेकेगुली त:धंगु ल्हा:दुगु खँ न्हायथना दीगु धयागु नं नेवा: समाजया मिसातय्गु भूमिका थुइका: छें दयेकेगु वा छें याइम्ह धयाम्ह मिसा धका: धयावयाच्वंगु खः । न्हूगु छें दयेका: दकले न्हापां म्हायमचां मि च्याका: नसा ज्वरे याना: छ: पूजा याना: छें ज:यात नकेगु नेवा: परम्परा खः । न्हायमचायात थ:छेंया: मू बियात:गु खः ।

म्हायमचां गुवले भौमचा जुइ अले वयागु जिम्माय् छेंया परम्परा न्हायकेगु निंतिं समाजया रीतिथिति आदि व्यवहार न्हायकेगु व संरक्षणया व सम्बर्धन यायेगु जिम्मा नं वयाके हे वयेगु याइगु खः । अज्या:म्ह व्यक्तियात विवाह याना: दुकाइबलय् पिखालखुइ सुकुन्दा मत च्याका: पूर्णकलश तया: माङ्गलिक रुपं दुकाइगु नं स्वभाविक खः । उलि जक मखु भम्चा दुकाइगु लुखाय् अष्टमंगल च्वया: वा पञ्चबुद्ध च्वया: पञ्चबुद्धया आशिर्वाद फया: छें दुतयंकीगु खः । इहिपाबलय् मिजंम्हसिनं न्याग: सप:हिंकीगु दर्शनय् भूत, वर्तमान, व भविष्यया दर्शन दुध्या:गु वंश कायम यायेगु खः ।

म्हायमचा भौमचा निम्हेसितं समान रुपं हनेगु भीगु नेवा: समाजया परम्परा खः । म्हायमचां भौमचा व भौमचां म्हायमचायात सह-भावनां माया मतिना, हनाबना दयाच्वंगु छें धाथेंगु नवा: परम्पराया छें खः । भीगु

नेवाः संस्कृतिया परम्पाय् बुसानिसें सीबल्य् तक याइगु कर्म काण्डय् तकनं म्हाय्यमचां व भौमचाया थःथःगु हे थाय् बियातःगु दु । गनं ज्याय् म्हाय्यमचाया आवश्यक जुसा गनं भौमचाया जुइ । निम्हं मिसामचा गनं म्हाय्यमचा जुसा गनं भौमचा खः । यदि निम्हसितं छुगू हे ज्या बियातःगु खःसा म्हाय्यमचा व भौमचा दथुइ हनाबना मतिना दइमखु जुइमाः । म्हाय्यमचां याइगु ज्या भौमचां यायेगु जुल धाःसा म्हाय्यमचाया महत्त्व हे दइमखु जुइ । मानव स्वभाव प्रवृत्तिं हे व्यक्तिवादी अहम्वादी जूगुलिं अथे मजुइमा धकाः भी पुर्खापिसं थज्यागु फुक ज्ञां दयेकाः सामाजिक मान्यताया प्रतिपादन यानातःगु खः ।

संस्कारगत ज्याय् मिसा

बुसां निसें मृत्यु संस्कार तक याइगु जीवनया संस्कारय् नं थाय् स्वया मिसातय्त थाय् बियातःगु दु । बुम्ह मचायात दक्कले न्हापां संस्कारगत कृया नकीगु धयागु पञ्चामृत खः । थ्व पञ्चामृतात नकेगु ज्या मचाया निनिम्हं यायेगु नेवाःतय्गु परम्परा खः । निनिम्हं पञ्चामृत नकेगु प्रकृया मचायात मुल्य तयाः नकीगु खः । अथेतुं मचा जंकु यानाः मू दिं कुन्हु मचाया कथुप्वाः चायकेगु धकाः निनिम्हसिनं गणेशः पूजा यानाः हानं जा नकेगु याइ । थथे निनिम्हं गणेशः पूजा याना जा नकल (वा छुं नकल) धायेवं तिति मचां साधारण न्हिन्हिं नयेगु जा नयेगु याइगु खः । थथे निनिम्हं गणेशः पूजा यानाः मचायात नकेगु तात्पर्य मचां नये फयाः हृष्टपुष्ट जुइमाः, ल्वये मदयेमाः नःगु तिल्वय् (शरीरय्) लगे जुइमा धकाः खः । मिजंमचा तःधिकाः जुइबलय् याइगु संस्कारगत ज्या धयागु व्रतबन्ध चूडाकर्म खः । थथे व्रतबन्ध वा चूडाकर्म याइबलय् मचायात खान्कूगु सँ बैय् मलायेमा धकाः थाय्भुइ फयाकाइम्ह धयागु व्रतबन्ध याःम्हसिया निनि वा तताम्हसिनं याइगु खः । उगु सँ गनं फोहर जूथाय् मलायेमा धकाः पवित्रगु थाय् खुसिइ यंकाः चुइके यंकेगु ज्या निनिपिं वा ततापिन्सं याइगु खः । मिसामचातय्त बाहाः तयेगु याइबलय् दुतिनेगु अफ् बाहाःया दक्क धयाथें क्रिया मिसापिन्सं जक याइगु खः । थुलि तक कि बाहाः तःगु क्वथाय् मिजंत दुहाँ तक नं बने मज्यूगु व्यवधान तयातःगु खः । थथे बाहाः तयेगुया तात्पर्य मिसापिन्त यौन शिक्षा बीगु खः । अथे यौन शिक्षा बीगु इबलय् यौन शिक्षा काःम्ह मिसां सुं मिजं खन वा नापलात धायेवं सामाजिक मर्यादायात हे उल्लंघन जुइफु, विकृति वयेफु धकाः मिजंपिं जक जुल धाःसा ज्ञान बीगु नं सहज जुइगु खः नापनापं ज्ञान काइम्हसिनं सहज रुपं कायेगु याइगु खः । मंगलया प्रतिक धयागु खँ

नेवाः तय् छुं तः धंगु पूजा वा कर्मकाण्ड याइबलय् गथेकि इहिपा, बुराबुरी जंकु आदि याइबलय् मांगलिक ज्या कथं गणेद्यः पूजा यानाः इनाय् कयाः हैपिं धयागु म्हाय्मचा खः । इही यायेका, बाह्नाः तयेका, विवाह यायेकाः वा बुराबुरी जंकु, व्रतवन्ध आदि छुं नं ज्याया लागिं पूजा यायेगु थासय् लः, ल्हायेगु सगं बीगु ज्या फुकक मिसापिन्सं याना वयाच्वंगु ज्या खः । अथेतुं मृत्यु संस्कारय् मृत्यु जूपिं छँया जहानपिन्त तरे यायेगु धकाः म्हाय्मचापिन्सं सीम्हसिगु नामय् नसा तयाबीगु, प्यन्हुया लोचाबलय् लोचांभ्वय् ज्वरे यानाः संकसितं नकेगु, न्यान्हु कुन्हु (न्यान्हुमा तयेमाःपिनि) न्यान्हुमा धकाः व न्हयन्हु कुन्हु न्हयन्हुमा आदि फुकक न्हयाय्मचातय्सं तयेगु याना वयाच्वंगु खः । अथेतुं सीपिनिगु नामय् सराद्ध याइबलय् नं मिसापिन्सं हे आगं ब्वचा ज्वरे याना बीपिं मिसापिं न्ह्याम्हहे जुसां म्हाय्मचां भ्वय् लः ल्हाना वीमाः धका दु । अथे जूगुलिं जुइमाः समाजय् अबुया संस्कारगत ज्या खँय तः धिकः म्हा म्हाय्मा मांया संस्कार ज्याय् चिधिकम्ह म्हाय्मा नं यायेगु चलन दु । बुराबुरी जंकु यानाः रथ साला यंकीबलय् मिसापिं छय् छुइपिन्सं अजिम्हसिगु खः सालीगु जूसा म्हाय्मापिन्सं मां-अबु चः जुल धकाः हर्ष उत्साह माने यानाः ताय्जाकि अवीरं ह्वलेगु याइगु खः । थुकथं स्वयावनेबलय् भीगु समाजय् म्हाय्मचा मदयेकं संस्कारगत ज्याखँ हे छुं पूमवनीगुथें जूगु दु ।

संस्कारगत ज्याखँय् म्हाय्मचा जक मखु भौमचातय् नं उलि हे महत्त्वपूर्णगु थाय् दु । गथेकि इहिपाः यानाः भम्चायात दुकाइगु ज्या माजुस्तरया मिसापिन्सं याइगु उकि नं मगातकि भौमचात तयाः लसकूस यानाः दुकायेगु चलन दु । दाजुकिजा फुकी वा कायपिनिगु सम्बन्ध क्वातुना च्वनेमा धकाः छखें थाकुलिं नकिं निसें हनाबना यानाः मचाबू व्यकूसां वा इही याःसां वा बाह्नाः तःसां व्यंकेगु ज्या, बाह्ना छुइगु ज्या थाकुलि नकिं न्वकू नकिं जानाः यायेगु दु । थुकथं दाजुकिजा तताकेहेंपिनि दथुइ सम्बन्ध क्वातुकेगु ज्या मिसापिन्सं याना वयाच्वंगु भीगु नेवाः तयगु परम्परा खः ।

नखः चखः लय् मिसा

नखः चखः हनाः म्हाय्मचातय् नखत्या सः तेगु परम्परा थौया परम्परा मखु । थौ स्वयां यक्व न्ह्यो गुणकामदेवं यें दे दयेकाः थ्व देया रक्षाया लागिं पलिस्था याना वंपिं अजिमाद्यःपिनिगु पालय् निसें नखत्या ब्वनेगु परम्परा दुगु खनेदु । चैत्र कृष्ण चतुर्दशी कुन्हु हनीगु पाहाँचने नखः धुंकाः म्हाय्मा मचातय् नखत्या ब्वनेकथं येंया थी थी अजिमापिन्त जात्रा याइगु परम्परा

दु । कलिगत सम्बत् ३८२५ लय् गुणकामदेवं येंदया स्थापना याःबलय् स्थापना याःपिं च्याम्ह अजिमापिं भाला व्यूगु वंशावलीइ उल्लेख जुयाच्वंगु दु । च्याम्ह अजिमापिं धयापिं थथे खः -

१. लुंमधि अजिमा
२. कंग अजिमा
३. म्हेपि अजिमा
४. मैती अजिमा
५. तकति अजिमा
६. न्यतमह अजिमा
७. बछला अजिमा
८. लुति अजिमा

ध्व अजिमापिं फुक्कं पाहाँचःहेबलय् नखत्या सःतेगु धकाः जात्रा याइपिं खः । उकिइ मध्यय् लुति अजिमा छम्ह गरीवम्ह अजिमा जूगुलिं नखत्या सःतूम्हसिन् हेपय् यात धकाः व छम्हसिगु जात्रा पाहाँचःहेबलय् मयाःसे बालाचःहेबलय् जात्रा यायेगु जुल । लिपा वनाः थःने च्वपिं फुक द्यःपिं हे वालाचःहेबलय् जात्रा यायेगु जूगु खः । (चुन्दा वज्राचार्य, नेवाः तजिलजिइ नखः चखः पृ. १९४-१९५) पाहाँचःहेबलय् अजिमापिन्त नखत्या सःतेगु धकाः अजिमापिं तिनिख्यः व असनय् मुनेगु याइगु खः । थ्वयात द्यः ल्वाकेगु नं धाः । थ्व चैत्र कृष्ण प्रतिपदा कुन्हु हनेगु परम्परा दु । थुबलय् न्हापां न्हय्म्ह अजिमापिनिगु हे द्यः ल्वाकेगु धकाः जूसां थौकन्हय् लुंमधि अजिमा, कंग अजिमा व तेबाहाया अजिमा छम्ह यानाः स्वम्ह जक ल्वाकेगु याना वयाच्वंगु दु । उकिं म्ह्याय् मचातय्त नखत्या ब्वनेगु परम्परा द्यःपिनिगु पालनिसें थौतकं नेवाःतय्सं नखःचखबलय् म्ह्याय्मचातय्त नखत्या ब्वनाः परम्परा न्ह्याका तुं वयाच्वंगु दनी । यःमरी पुन्हीबलय् वा भकारी पूजा यानाः यःमरी स्वनाः प्यन्हु दयेकाः म्ह्याय्मचातय्त सःता यःमरी स्वनातःगु क्वकयाः प्रसाद नयेगु व न्हूगु यःमरी छुना नयेगु चलन नं दु ।

स्वन्तिबलय् लक्ष्मीपूजा यायेगु ज्याय् म्ह्याय्मचापिन्सं लक्ष्मी द्यः दुतकायेगु दछियंकया ज्या सुथां लानाः न्ह्याये फय्माः धका म्हपूजा याःपिं दाजुकिजाया तःआयु जुइमा व मंगलमय कामना यानाः किजापूजा याइपिं भिसात हे खः । धायें धायेगु खःसा छुं नं नखः चखःया भव्यता हे म्ह्याय्मचातय्त नखत्या ब्वनेगु खः । म्ह्याय्मचा मदुपिनि नखत्या ब्वने म्वाःल धाःसा नखः हे भः भः मधाः । थ्व हे नेवाः तजिलजिया प्यखंनुबा

मिसातयगु मू खः ।

परम्परागत प्याखनय मिसा

नेवाःतयगु संस्कृति भःभः धाःगु मध्यय् छगू परम्परागत प्याखं छगू नं खः । परम्परागत प्याखं चाहे व दैय्दसं पिदनीगु प्याखं जुइमा, भिनिदैय् पिकाइगु प्याखं जुइमा । अज्याःगु प्याखनय् मू द्यःयारुपय् मिसापिं अजिमा कुमारी, महाकाली आदिपिं खः । यैयाःबलय् दैय्दसं पिदनीगु देवी प्याखं वा दी प्याखं (दिग दिगय् ल्हुइकीगु प्याखं) सवःभक्कु प्याखं, महाकाली प्याखं आदि प्याखनय् मिसापिं द्यःपिन्त शक्तिशाली यानाः क्यनातःगु दु । दी प्याखंनय् दैत्ययात वध याइम्ह धयागु हे कुमारी खः । अथे तुं भिनिदैय् छक्वः पिदनीगु प्याखं सिकाली प्याखं (ख्वनामिपिसं पिथनिगु) जल प्याखं हरिसिद्धि प्याखं (जलमिपिसं पिथनीगु), गथुपिसं पिथनीगु पचली भैरवया प्याखं व भद्रकाली प्याखंनय् मिसापिं द्यःपिनिगु विस्कंगु थाय् दु । गुणकामदेवया पालं निसं पिदंगु धयातःगु मजिपाः लाखेया प्याखं स्वयेबलय् लाखेयागु प्याखं खः अथे जूसां बुँइ च्वंम्ह लाखे मनूतय्गु वस्ति दुगु मजिपाः त्वाल्य् लाःवःगु जक मखु उगु इलाकाया रक्षकया रुपय् प्रतिस्थापित जूगु धयागु हे लाखेया मजिपातय् च्वंम्ह ज्यापुनी मिसानापं मतिना जुयाः जूगु खः । (चुन्दा बज्राचार्य, इन्द्रजात्रामा नचाइने मजिपात लाखे गरिमा पृ. ६४) यैयाः बलय् पिदनीगु पुलुकिसियात हे इन्द्रया भामं पालिजाः स्वां काःवःम्ह इन्द्र इलय् लिमध्यंगुलिं यानाः स्वर्गया ऐरावत किसियात मत्स्यमण्डलय् छ्वयाः मायेके हःगु धकाः धायेगु चलन दु ।

यैयाः वा इन्द्रजात्रा धयागु थी थी प्याखं पिदनाः मनोरञ्जन याइगु नखः खः । थुबलय् स्वर्गया इन्द्रयात् मरुया दुवातय् चिनाः जात्रा याइगु खः । इन्द्रया जात्राया कारण अपसं च्वनीम्ह मांया नितिं स्वां काःवःम्ह इन्द्रयात जात्रा याइगु खः । जात्रा यानाः चिनातःम्ह इन्द्रयात मुक्त यायेत इन्द्रया मां दागिंया रुपय् वयाः ज्वनाः चिनातःपिन्त खसु बियाः वादुने जाकि जुइगु प्रकृया बियाः दच्छियंक सीपिं मनूतय् द्यः नापनापं स्वर्गय् यंकीगु धकाः दागिं पिहाँ वइबलय् सीपिं छें च्वपिनि मनूत दागिंया कारण हे जूगु खः । यैया धुंकाः जक वाय् जाकि जाया वइगु खसु वइगु नं इन्द्रया मामं इन्द्रयात मुक्त यायेत यमितय् व्यूगु खँ खः ।

यैयाःबलय् इन्द्रयात चिनाः जात्रा याइगुया नापनापं यैय् गणेश भैरव (भेलु) व लाय्कू कुमारी सालाः नं जात्रा यानाः न्ह्याइपुकेगु परम्परा दु ।

जुजु प्रताप मल्लं यैया लायकुलिइ कुमारी स्थापना यायेगु जुसा वहे कुमारीयात स्थायी रुप च्वनेगु छैं व दँयदसं कुमारी, गणेश व भैरवयात रथय् तयाः जात्रा यायेगु परम्परा जुजु जयप्रकाश मल्ल यानावंगु खः । लायकू कुमारीयात प्रताप मल्लं तलेजु भवानी धाःथें स्थापना यानाः तलेजु भवानी कुमारीछःयाके दुबिनाः प्रताप मल्लयात राज्यया सरसल्लाह वयाच्वंगु खः । जुजु जयप्रकाश मल्लया पालय् कुमारीयात रथय् तयाः थःने वःने जात्रा यानाः कुमारीयात येंदिया स्थिति जानकारी बियाः उकथं राज्य यायेत कुमारी जुजुयात सरसल्लाह वीगु खः । उकिं थौं तक्कनं कुमारीया रथ थःने जात्रा याइबलय् जुजु उपस्थित जुयाः रथ जात्रा याइथाय् जुजुया प्रतिकया रुपय् खड्ग तया यंके माःगु परम्परा दु । अथेतुं यैया दक्कले लिपागु दिं कुन्हु रथ जात्रा सिधयेकाः कुमारी गणेश व भैरवया ल्हातं जुजु सिन्हः फयेमाःगु परम्परा दु ।

रथ जात्राय् भैरव व गणेशया नं जात्रा जूसां नं कुमारीया रथ सालीगु धायेगु परम्परा धयागु कुमारीया महत्त्वया कारण खः । कुमारी सालीगु मूलतः कुमारीनाप सम्बन्धित जूगुलिं खः । कुमारी जात्रायात मेकथं धायेगु खःसा मिसा शक्तिया प्रदर्शनी खः । नापं राज्य याइम्ह जुजुयात तक नं थुकथं या, उकथं या धकाः सरसल्लाह सुभाब बीम्ह कुमारी छः खः । अथे धायेबलय् राज्य संचालन हे नं दक्कले महत्त्व बियातःम्ह व्यक्तित्व धयागु मिसा खः । छैंय् छैंय् हे नं मिसापिन्त मू बियातःगुलिं यानाः हे मिजंतय्गु शक्तिया रुपय् मिसायांत कयातःगु खः । निम्हत्पूया सम्बन्धयात भाःतम्हसिया शक्तिया रुपय् कलाःयात कायेगु चलन दु । बज्रयानया ततःधंगु पूजाय् कलाःपिं मदयेक मिजंपिसं पूजा याये मखनीगु दु । अथेतुं दिक्षा हे नं निम्हत्पूया नापं काल धायेवं दुर्गक शक्तिया महत्त्व थुइगु खँ चित्तधर हृदयनं थःगु जीवनीइ उल्लेख यानातःगु दु । लिखँ

नेवाः संस्कृतिया परम्परा धयागु मिसापिन्त विशेष महत्त्व विया संरचना जुयाच्वंगु समाज खः । तर नेवाः समाजयात इलय् ब्यलय् थी थी समाजया प्रभावं याना मिसाया मूयात थुइका कायेगुली क्षीण जुया वन । पुरुष प्रधानगु संसारया प्रभावं दयेकातःगु विधान, नियम कानून मिसायात अवमूल्यन याना यंका च्वंगु दु । नेवाः समाजया मौलिक संस्कृति धयागु हे छ्मू कथं मिसापिन्त नं मिजंपिन्त थें समान अधिकार वियातःगु अझ गनं गनं मिजंतय्त स्वया मू च्वछाया संरचना जूगु समाज खः । नेवाः मिसातय्सं थःगु परम्पराया मू मान्यतायात थुइकाः उकियात प्राप्त यायेगु लागि नेवाः परम्परा दुने च्वंगु

मिसाया बारे थुइकेगु कोशिस जुल धा:सा नं मिसातय्सं असमान व्यवहार जुल धाये माली मखु । उकिं हे विजय बहादुर मल्लं नेवा: संस्कृतिया मिसाया हक अधिकार थुइकेगुया लागिं “कुलां चकनी तिनि” नाटकय् इहिपा याइवलय् वीगु १० ग्व: ग्वय् मिसातयगुया लागिं मिजंया छेंया व भा:तयात मा:गु थासय् तयेगु अधिकार ख: धका: क्यनेगु या:गु दु । इहिपा: याना ग्वय् लित तया: भा:तयात पार बीगु अधिकार मिसायात जक दुगु ख: । मिसाया मयल धा:सा ग्वय् लित तया: भा:तयात सम्बन्ध त्वा:थलेगु अधिकार मिसातय्के जक दुगु ख: । गुगु अधिकार मिजंयाके मदु । अथेतुं विजयबहादुर मल्लंया “किपालुं लिना च्वंम्ह मनु” नाटकय् थौया मिसातय्सं मिसा व मिजंया समान अधिकार धका: स: ध्वय्का च्वन । तर समाजं ब्यूगु समान अधिकारयात: वास्ता यायेगु यानामच्वं । दसुया लागिं मिजंतय्सं थें मिसातय्सं मिजंत इहिपा: याना हया: मिसाया थ:गु वंश परम्परा न्ह्याकेगु समेत वियात:गु नेवा: समाजयात वास्ता मतसे यक्व धनीम्ह याक: म्हाय्मचां समेत ध्यबाया लोभय् इहिपा: याइपिं नापं इहिपा: याना थ: निसें थ:गु धन सम्पत्ति समेत उखेला: थुखेला: याका च्वन । “दोलाजि प्रथा” यात महत्त्व मव्यूसे हाला च्वन धयागु सन्देश प्रस्तुत यानात:गु ख: “किपालुं लिनां च्वंम्ह मनु” नाटकय् । धार्थे विजय बहादुर मल्लंया बिच्चा: कथं थौ मिसा समानता व मिसाशक्तिया लागिं नेवा: मिसातय्सं मेथाय् मखु थ:गु संस्कृतिं ब्यूगु परम्परायात दुवाला: उकियात हे प्राप्तया लागिं न्ह्यात धा:सा नं आपालं समानता भीसं लुइके फइ । तर अथे जुसां देशया नियम कानूनं आपालं प्रभाव यायेगु या: । देशया नियम कानूनयात ह्युपा: थौया परिस्थितिया नापनापं भीगु नेवा: संस्कृतिइ मिसातय्त वियात:गु मूल्य व मान्यतां मिसा व मिजंया समानताय् पुनर्जागरण हयेमा:गु थौया आवश्यकता ख: । ●

मा:गु जक धल:

- आचार्य बाबुराम, श्रेष्ठ स्वयम्भूलाल (अनु) “नेवा: नेवा:भाय् व संस्कृति” यें, साहित्यया मूलखा
- कसा: प्रेमबहादुर “जुजु जयप्रकाशया रत्नेश्वर प्रादुर्भाव” यें च्वसापासा नें.सं. १०८४
- ज्यापु, पञ्च “नेपा:या दकले पुलांम्ह कुमारी” सन्ध्याटाइम्स शुक्रवारया तँसा पौ नें.सं. ११२० जूलाथ्व २
- तुलाधर, प्रेमशान्ति, “नेपालभाषा साहित्यया इतिहास” यें, नेपालभाषा एकेदमि नें.सं. ११२०

- नेपाली गोपालसिं “द नेवार्स” बम्बे, युनाइटेड एशिया प्रकाश, १९६५
- बज्राचार्य, चुन्दा “नेवाः तजिलजिइ नखः चखः,” यें नेपालभाषा एकदमि ने.सं. ११२०
- बज्राचार्य, चुन्दा “मकवानुपरया गोपाली जाति” चन्द्रागिरी १, ने.सं. १११६ वछलाथ्व १ पृ. १४-२३
- बज्राचार्य, चुन्दा “बौद्धमार्गीय नेवाःतय् इहिपा प्रथाय् सँ प्याकेगु रीति” कुलौल्याः ७ ने.सं. ११०३ पृ. ५५-६२
- बज्राचार्य, चुन्दा “इन्द्रजात्रामा नचाइने मजिपात लाखे” गरिमा, वर्ष १४ अङ्क १० वि.सं.- २०५६ पृ. ४५-५०
- बज्राचार्य, धनवज्र “लिच्छविकालीन अभिलेख” कीर्तिपुर नेपाल र एशियाली केन्द्र (दोश्रो सं) वि.सं. २०५३
- बज्राचार्य, शान्तहर्ष (अनु) “न्यायविकासिनी” मानव न्याय शास्त्र यें, नेपालभाषा परिषद ने.सं. ११०७
- बुढाथोकी, डा. चन्द्रविक्रम (सं) “जयस्थिति मल्लको सुधार” पुलचोक, साभा प्रकाशन, वि.सं. २०३९
- Mall, Kamal P. Nepal Vansavali: A Complete version of the Kaisher Vansavali "Contribution to Nepalese Studies" vol. 12 No. 3. CNAS, TU 1985.

गोपाली जातिया

ऐतिहासिक पृष्ठभूमिइ :- छपुलु

गोपाली जातिया पृष्ठभूमि

गोपाली जाति नेपाःया आदिवासी जाति खः । थ्व जाति नेपाः दुने गुबलेनिसें बस्ति यात धयागु तिथि मिति छुं तिफ्याये मफुसां नेपाःया इतिहासय् दुवाला वनेबलय् दक्कले न्हापां राज्य याःगु जाति थ्वहे धकाः खनेदु । आःतक दुगु वा लुयावःगु वंशावली मध्यय् दक्कले सकले पुलांगु इतिहासकार भाजु धनवज्र वज्राचार्य व डा. कमलप्रकाश मल्लजुपिंसं सम्पादन यानादीगु 'गोपालराज वंशावली' खः । गुगु वंशावलीया नां हे नेपाःया दक्कले न्हापां जुजु जूपिं गोपाली पिनिगु नामं नामाकरण जूगु खः । उगु वंशावलीइ उल्लेख जूकथं नेपालय् दक्कले न्हापा राज्य याःपिं जाति गोपालीपिं खः । थुपिं च्याम्ह तक कथं हंक जुजु जुल । अनं लिपा स्वम्ह महषिपालपिं जुजु जुयाः राज्य याये धुंकाः किरातकालया श्रीगणेश जुल । गोपाल वंशावली कथं गोपालीतयगु प्रादुर्भाव पशुपति नापनापं जूगु उल्लेख जुयाच्चंगु दु । थ्व खँयात कयाः गोपालराज वंशावलीइ थथे उल्लेख यानातःगु खनेदु -

‘हिमाल पहाडको काखमा रहेको घना जंगल भएको भूमण्डलमा (नेपाल उपत्यकामा) प्रधान श्री भृङ्गारेश्वर भट्टारकको प्रादुर्भाव भयो । त्यसपछि गौतम आदि कृषिगण आई रहन लागे । अनि गौतमेश्वर आदि देवताको प्रतिष्ठा भयो । त्यस बीच श्री भृङ्गारेश्वर भट्टारक श्लेष्मान्तक वनमा विहार गरिरहेको बेलामा गोपाल भए । त्यसपछि मालाखाबाट गोग्रामको आगमन भयो । ‘नेप’ कहलाइएका गोपालकी ‘बहुद्दी’ नाम भएकी कैली गाई दिनकादिन वागमतीको तीरमा गई प्वालमा पूजाको लागि दूधको धारा बगाउने गर्न लागी, ती गाईले सेवन गर्न लागेको त्यो ठाउँ गोपालले देखे, खनेर हेर्दा श्री पशुपति भट्टारकको प्रादुर्भाव भयो ।

त्यस गोपालवंशमा पहिला राजा श्री भूमिगुप्त भए, त्यसपछि गोपाल राजालाई जिती महिषपालहरूके क्रमैले राज्य गरे । त्यसपछि गोपाल र महिषपालहरूलाई जिती किरात राजा भए ।^१

धनवज्र वज्राचार्य व हेमन्तराणापिनिगु 'टिष्टुङ्ग, चितलाङ्ग भेगका अभिलेख' कथं नेपाःया प्राचीन इतिहास गोपालीपिं नाप स्वापू दु । भीगु वंशावलीकारपिसं नेपाल उपत्यकायात आवाद यानाः सभ्यताया शुरु याःपिं गोपाली वंशी-दक्कले न्हापायापिं खः ।

वंशावली साजवाः 'नेप' धकाः नामकरण याःगु खनेदु । वास्तवय् उम्ह साजवाःया नां 'नेप' पाखें नेपाः देया नां जूगु खः । इतिहासकार स्व. धनवज्र वज्राचार्यया धापूकथं गोपालराज वंशावलीइ उल्लेख जूगु 'नेप' आखःग्वलय् 'आल' प्रत्यय छ्यलाः 'नेपाल' शब्द जूगु खः ।^{१२} संस्कृत भाषाय् सुयात 'गोपाल' वा 'आभीर' धाइगु खः वहे जातियात उत्तर वा पूर्वपाखें वःपिं किरातीतय्सं 'डहपा' धाःगु खनेदु । 'ड-हे-पा' या कथंहंक अर्थ 'ड' या अर्थ 'सा', 'हे' या अर्थ 'म्ये' व 'पा' या अर्थ 'जवाः' अथे धयागु 'सा-म्ये जवाः' खः । किरातकाल लिपाया लिच्छवीपिसं स्थानीय भाष्यात फछिंफक्व संस्कृत भाषाय् अनुवाद यानाः अभिलेख पलिस्था यानातःगुलि 'ड-हे-पा' या अर्थ 'नेपाल' खँग्वः छ्यलेगु जुल । संस्कृत भाषाय् गोपालीयात आभीर धकाः नं धायेगु याः । महाभारतय् आभीरयात महाशुद्र वर्गय् तयातःगु दु । मकवानपुर जिल्लापाखेयापिं गोपालीपिसं हालीगु छपु लोक म्ये 'वृज' धकाः धायेगु यानातःगु खनेदु ।

'आसे रे आसे हे वृज ग्वालिनी अतिभनं तं चाया छाये बना'^{१३}

भाजु डोरबहादुर विष्टया फाटालिज्म एण्ड डेभलोपमेण्ट सफुती गोपालीतयगु बारे थुकथं न्ह्यःव्वयादीगु दु । गोपाल शब्द संस्कृत पाखें वःगु खः । संस्कृत कथं 'गो' या अर्थ 'सा' व 'पाल' या अर्थ 'जवाः' । उकिं गोपालया अर्थ साजवाः खः । येंय् दक्कले न्हापां बसोवास याःपिं थुपिं हे खः व थुमिगु मुख्य पेशा धंयागु बुँज्या खः ।^{१४}

गोपालसिं नेपाली गोपालीतयत् ज्यापु जाति दुने लाकातःगु खनेदु । वय्कःया धापूकथं थुमित येंय् च्वंपिसं 'जवाः' धायेगु यानातःगु दु ।^{१५} पशुपालनया दृष्टिकोणं स्वयेगु खःसा सा लहीपिं सापू वा म्येय् लहीपिं म्येय्पू खः ।

गोपालीतय्सं नं थःपिन्त निगू थर ब्वथलातःगु दु । 'किष्णौजी' व 'कन्नौजी' । तर थुमि दुनैया व्यवहारय् धाःसा छुं मपाः । थुमिसं थःपिन्त ग्वाः, ग्वाला, गोपाली नन्द गोपाली, गोप, गोषली आदि धकाः धायेगु याः ।^{१६}

यें दुने मुख्य यानाः किलागः दुने बसोवास यानाच्वंपिं सा लहीनाच्वंपिं सापू धकाः थौतक ल्यनाच्वंगु दु । सापू, म्येय्पू, हँयेपू, फैपू धकाः ज्यापु

जाति दुने च्वंगु उपजाति खः । थुपिं मेमेगु ज्यापु जातिनाप दक्क व्यवहार जू । तर थानकोट, मकवानपुर जिल्लाया कृन्धाल, श्रीखरकोट, तःख्यः आदि थाय्थासय् च्वंपिन्सं थःपिन्त ज्यापु जातिया उपजाति कथं कायेगु मयाः । नेवाःतय्गु अलगगु जातिकथं कायेगु याः । विशेष यानाः थानकोट व मकवानपुर जिल्लाया च्वंपिं गोपालीतय्सं थःपिं तराईलय् च्वंपिं यादव जातिनाप पुर्ख्यौली सम्बन्ध दुगु तायेका च्वंगु दु । जुइफु छम्ह निम्ह च्वमिपिंसं ज्या समानताया आधारय् यादव व गोपाली जातिया सम्बन्धयात सत्तुमत्तु स्वायेगु यात । कृष्ण नाप वःपिं धकाः कृष्णया अनुयायी कथं नं स्वयेगु जुल । गनं वानसुर नाप नं स्वयेगु जुल । तर छगू खँ विचाः यायेमाःगु व गोपाली थःपिंसं हे वाःचायेकेमाःगु थः सु धकाः खः । वानासुरनाप स्वापू पौराणिक बाखंयात आधार तयेगु स्वायाः ऐतिहासिक तथ्यनाप थःपिन्त वा गोपालीपिन्त स्वयेगु जुइमाः । थुमि थःगु हे अलग विशेषता दु । थुमिगु थःगु हे पहः दु । व पहः छुं छुं आःतकनं न्ह्याना वयाच्वंगु दु । न्हापां थुपिं सा-म्ये जवाः जुयाः म्वायेगु याःसा लिपा बुँज्या यानाः थःगु जीविका यानाच्वंपिं ख । थौतक्क नं थ्वहे पेशा ज्वनाः जीवन निर्वाह यानाच्वंपिं नेपाःया मध्यमवर्ग दुने लाःपिं नेवाः जाति खः ।

गोपाली नेवाः जाति छगू जात खः । न्हापां सा, म्येय् लहीगु व्यवसाय जूसा लिपा वनाः थःगु आवश्यकता पूरा यायेगुया लागिं सा-म्येय्या नापनापं बुँज्या यायेगु जुल । थौतक्क नं थ्व जातिमा मू लजगाः वा जीवन निर्वाह यायेगु आर्थिक उपार्जनया ज्या धयागु बुँज्या यायेगु व सा-म्येय् लहीगु खः । आधुनिक समाजय् वःगु ह्यूपाः थुमिके उलि वः धायेमज्यू । गोपाली जातिमा अप्पो यानाः वस्ती भचा च्वय् लाःथाय् पाहाड पाखे खनेदु । थुमिगु समूह दुने मेपिं जातिमा वस्ती उलि खनेमदु । थुमिगु थःगु हे मौलिक परम्पराया रीतिथिति मेहनती जूगु कारणं नं थुमिगु समूह दुने मेमेपिं जाति च्वनेगु मजगू खः । थुमिगु वस्तीइ छखे बुँज्या व पशुपालन निगुलिं याः । छगूकथं वन जंगलया नापनापं बुँज्या याये छिगु जग्गा दुगु थासय् वस्ती खनेदु । पहाडी क्षेत्रय् बसोवास यानाच्वंपिं जूगुलिं थुमिगु बुँज्या व पशुपालनया ज्याय् न्हूगु प्रवृत्तियात दुध्याके फुगु खनेमदु ।

गोपालीतय्गु वस्ती अप्पो यानाः काठमाडौं, ललितपुर व मकवानपुर जिल्लाय् खनेदु । दक्कले म्हो ललितपुर जिल्लाया थेचोय् जम्मा स्वखाति छें गोपाली दुसा काठमाडौं जिल्लाय् कीर्तिपुर, किलागल, फपि, मच्छेगां, थानकोट,

मातातीर्थ आदि खः । काठमाडौं जिल्लाया थानकोटय् दक्कले अप्पो ११२ खा छैय् १०५० म्ह गोपाली दु । साधारणतया चीधंगु परिवारय् च्वनीपिं गोपालीत दक्कले अप्पो दुगु जिल्ला खः- मकवानपुर ।

मकवानपुर जिल्लाय् गोपाली

काठमाडौं जिल्लानाप स्वाःगु वा सत्तीगु जिल्ला मध्यय् मकवानपुर जिल्ला नं खः । स्विनिगःया छ्चाःखेरया पहाड मध्येया थानकोट नापसं च्वंगु चन्द्रागिरी पहाड मकवानपुरया उत्तरपाखे फाखेल न चन्द्रागिरी पहाडया दक्षिण धाल लानाच्वंगु दु । काठमाडौं जिल्लाया दक्कले अप्पो गोपाली दुगु थाय् थानकोट वहे थानकोट चन्द्रागिरी पारी च्वंगु मकवानपुर जिल्ला नं दक्कले अप्पो गोपाली दुगु थाय् चन्द्रागिरी पहाडया नापनापं टिष्टुङ्गपाखे खः । टिष्टुङ्गयात थौकन्हय् मकवानपुर जिल्लाया वज्रवाराहीया नामं टिष्टुङ्गयात वज्रवाराही गाविस धकाः नामाकरण जूगु दु ।

गोपालीत नेपाःया दक्कले न्हापांया शासक धकाः सी दत्त । तर थुपिं गुबलेनिसैं मकवानपुर जिल्ला अवस्थित गांगामय् गुबलेनिसैं दत्त धयागु सी मदुनि । धायें धाय्गु खःसा नेपाःया इतिहासयात न्ह्यःने हङ्गु अभिलेखय् गोपालीपिन्त उलि न्ह्यःज्याके फैंगु अभिलेख खनेमदु । तर मकवानपुर जिल्लाया न्हापा तितुङ्गा व चितलाङ्ग धकाः धयावयाच्वंगु भेगया अभिलेखय् धाःसा नेपाली मेषपालपिनिगुबारे उल्लेख जुयाच्वंगु दु । उकिं डा. प्रयागराज शर्माया धापूयात थनथाय् लुमंके बहःजू 'तौखेलबाट प्राप्त अंशुवर्माको लिच्छवी शिलालेख तिस्तुङ्ग ग्रामका महिषीपालकहरूलाई त्यस गाउँमा भैंसी पाल्दा कष्ट भएकाले स्थानान्तरमा वस्ती सार्ने अनुमति राजाले दिएको तथ्यबाट यी दुई कालका शिलालेख र आजको ग्वालाको वस्तीमा एउटा अविच्छिन्न ऐतिहासिक प्रवाह देखिन्छ ।' ६

थौकन्हय् मकवानपुर जिल्ला वस्ती यानाच्वपिं गोपालीपिं च्वनीगु थासय्या दक्कले पुलांगु अभिलेख धयागु टिष्टुङ्गय् च्वंगु वसन्तदेवया संवत् ४३४ या अभिलेख खः । गुगुलिङ्ग स्वशासनयाबारे छुं अधिकार बियातःगु अनुमान जू । गोपाली वा मेषपालपिनिगु बारे दक्कले न्हापां खनेदुगु अभिलेख तौखेलया संवत् ३७ या अभिलेख खः । तौखेलाया पुलांगु नां चुष्टुङ्ग खः । उगु अभिलेखय् चुस्तुङ्गवासीत म्येय् लहीगु व्यवसाय यानाच्वपिं खः । म्येय् लहीगु व्यवसायल्य कष्ट-बाधा जुयाः वहे खैं अंशुवर्मायात जाहेर याःबलय् जुजु अंशुवर्मा उगु कष्ट व बाधा तंकेगुया लागि न्हूगु बेया तखिया छय्छिनुबा

वस्ती यायेत जग्गा ब्यूगु अभिलेखय उल्लेख यानातःगु दु ।^{१७} अभिलेख कथं उगु थाय् त्वःताः गन च्वंवन धयागु सीमदु अथे जूसांनं तौखेलय च्वंपिं मनूतय्सं थःपिनिगु पुलांगु वस्ती धयागु जंगलया नापं धकाः जंगल क्यनेगु याः । उगु थासय् खूँ व धुं दुःख ब्यूगुलिं उगु थाय् त्वःता तौखेलय च्वंवःगु धायेगु यानाच्वंगु दु । अंशुवर्माया उगु अभिलेखय 'महिषीपीडे' धकाः उल्लेख यानातःगु दु ।

उगु अभिलेखकथं अंशुवर्माया पालय् मेषपाल अर्थात् मेपूतयगु वस्ती तौखेलय जुइधुकूगु खनेदु ।

अंशुवर्माया पालय्या अभिलेख धुंकाः गोपालीपिनिगुबारे उल्लेख जुयाच्वंगु अभिलेख मल्लकालया अभिलेखय नेपालभाषां च्वयातःगु दु । ने.सं. ८२७ तौखेलया मोतिराज ग्वार व वया कलाः पूर्णवती मै निम्ह त्यपुलिं थः काय् सीगुलिं उमामहेश्वरया थाय् फल्चा दयेकूगु, छः पूजा यायेगु व मत च्याकेत बुँ तःगु विवरण दु । अंशुवर्माया अभिलेख धुंकाः तौखेलय खनेदुगु अभिलेख गोपालीपिनिगु निगूगु अभिलेख खः ।

गोपालीत वस्ती जुयाच्वंगुथाय् मेगु अभिलेख धयागु कुन्छालया ने.सं. ८३३ य ल्वहँया हितिइ अक्षोभ्य व चैत्यय् गजू तयातःगु अभिलेख खः । उगु ल्वहँहिति गुबले दयेकूगु धकाः धायेबलय् अनच्वंपिं गोपालीपिसं सृष्टिकालनिसें दयेकातःगु हिति धायेगु यानाच्वंगु दु । अभिलेखय हिति दयेकूगु खूँ खनेमदु । ल्वहँ हितिया ल्वहँया ख्वाः स्वयेबलय् लिच्छवीकालय् हे दयेकूगु धयागु खनेदु । गुगु अभिलेखय स्यन धाःसा दयेकेमाःपिं गोपालीपिनिगु नां उल्लेख यानातःगु दु । कुन्छालया मेगु अभिलेख धयागु ने.सं. ८५८ कुन्छाल गणेशया लुखाय् तयातःगु सनांगुधिया गोपालीपिनिगु नां दुगु अभिलेख खः । अनं लिपाया अभिलेख धयागु शाह जुजुपिनि पालय्या ने.सं. ९२० या कुन्छालया अभिलेख खः, गुगु अभिलेखय स्यंगु फल्चाया थासय् सतः दयेकाः पूजा यायेगु यैयाः (इन्द्रजात्रा) बलय् मत च्याकेगु खूँ च्वयातःगु अभिलेख खः । अंशुवर्माया संस्कृत भाषां पलिस्था यानातःगु अभिलेखय जक जुजुया नां च्वयातःगु दुसा मेगु मल्लकाल व शाहकालय् गोपालीपिसं पलिस्था यानातःगु अभिलेखय गन नं जुजुया नां च्वयेगु यानातःगु मदु । मल्लकालया अभिलेखय अप्पो याना सर्वसाधारण जनतां अभिलेख पलिस्था यायेगु जुयाः नं थुम्ह जुजुया पालय् धकाः उल्लेख यायेगु चलन मदुगु मखु ।

अभिलेखकथं खनेदुगु गोपालीपिनिगु थाय् थौतक गोपालीपिं च्वनाच्वंगु

वस्ती खः । अभिलेखय उल्लेख जूगु थासय् जक गोपालीपिं दुगु मखु मकवानपुर जिल्लाया मेमेगु गथे कि दामन गाविस, वज्रवाराही गाविस व चितलाङ्ग गाविसय् खनेदु । ध्व स्वंगू गाविस मध्यय् वज्रवाराही दक्कले अप्पो खनेदु । वज्रवाराही गाविस, दुने लाःगु कुन्छाल, कूल गां, पालुङ्ग व गहत जूसा चितलाङ्ग गाविसया न्हूगां व तौलेखय् खः । न्हापा उपत्यकां भारत वनेगु लँपु मध्यय् थानकोट चितलाङ्ग-टिष्टुङ्ग (थौकन्हय् वज्रवाराही) जुया वनीगु खः । गोपालीपिनिगु वस्ती नं थुकथं हे न्ह्याना वयाच्वंगु दु । वज्रवाराही गाविस धुंकाः दामन गाविसया शिखरकोट गामय् नं गोपालीपिनिगु वस्ती दु । थौकन्हय् शिखरकोट जूसा उगु थाय्या नां शिखर गोठ खः । सा-म्येय् लहीपिनिगु लागि गोठ दइगु स्वाभाविक खः । उकी थाय्या नां गोठनाप स्वाप्पू दुगु स्वाभाविक खः ।

मकवानपुर जिल्लाया नेवाःत व गोपालीया ल्याः

गाविसया नां	नेवाः ल्याः	गोपाली ल्याः	गोपाली प्रतिशत
दामन	५३४	४००	७४.९
चितलाङ्ग	३९२०	७०९	१८.१
वज्रवाराही	३२००	१५७७	४९.३
कूल	७६५४	२६८६	

गांकाथं गोपाली संख्या

गाविस	गांया नां	गोपाली	छँखा
दामन	शिखरगोठ	६५	४००
चितलाङ्ग	न्हूगां	१७	१७२
	तःख्यः	५१	५३७
वज्रवाराही	कुन्छाल	१६५	९२५
	कुल गां	४९	३२५
	पालुङ्ग	२२	१५२
	गहत	२५	१७५
	मुकं	३९४	२६८६

चव्य न्ह्यथनागु गां मध्यय् कुन्छाल छगू गामय् फुक्क हे गोपालीपिनिगु वस्ती खः । मेमेगु गामय् छगू निगू परिवार जक मेमेगु जाति जूसा फुक्क धयाथें गोपालीपिं खः ।

गोपालीपिनिगु वस्तीयात चिन्तन याना स्वयेबलय् थुमिगु वस्तीबारे
बेपा तजिबजिया चर्चाकुवा

न्हापां थुपिं उपत्यका दुनेया किपुलिङ जुइमाः धयागु खनेदु । गोपालीपिनि फुक्कसिया घःसू याइबल्य सःतीपिं गुभाजु किपुलिङ च्वपिं खः । थ्वकथं धायेगु खःसा गोपालीपिनि मू पुरोहित धयाम्ह गुभाजु तर थुमिगु वस्ती छथासं मेथाय् जुजुं वंबल्य थःपिं च्वनागु थासय् नापनापं च्वपिं ब्रम्हूपिं तयाः थःथःपिनि संस्कार व रितिथिति कथं पूजा यायेगु जुयावन । थानकोटयापिं गोपालीपिसं यलया ब्रम्हू पुरोहित यानाः थःपिनिगु ज्याय् छ्यलेगु जुल । अथेतुं मकवानपुर जिल्लाय् च्वपिं गोपालीपिसं नं थःपिं च्वनागु थाय्या सत्तीपिं ब्रम्हूपिं तयाः धर्म, संस्कार व रितिथितिया पूजा यायेगु जुयावन । उपत्यकां पिने वनाच्च्वपिं अप्पो नेवाःतय् गुगु थःगु धर्म कथं गुरुजु तयाः पूजा यायेमाःगु खः, अथेतुं गोपालीपिनि नं जुल । तर थुमिसं मेमेगु पूजाय् ब्रम्हू तयेगु याःसा मृतात्माया ज्या घःसूया ज्या छगूलिङ ट्यूपाः महसं गुभाजुपिं हे तयाच्वन ।

ब्राम्हणपिं पुरोहित जुसेलि नेपाःया इतिहासय् तःधंगु देन दुपिं गोपालीपिसं थःपिं कृष्णनाथ नेपाः वयापिं धकाः हिन्दू धर्मावलम्बी नं जुया वन । वास्तव्य गोपाली हिन्दु मार्गीयापिं मखु । गोपालीपिनि थःगु हे धर्म दु, थःगु हे संस्कार दु । नेवाः जातिया मेमेगु जात स्वयाः नं बिस्क्यापिं गोपालपिं बुद्ध धर्म नं माने याइपिं शैव नं माने याइपिं खः । गोपाल बंशावली कथं पशुपति नापनापं खनेदुपिं गोपाली मल्लकालया तोखेलया ने.सं. ८२७ या अभिलेख्य उमामहेश्वरयात माने याःगु खनेदुसा कुन्छालया ल्हवीं हितिङ च्वंगु ने.सं. ८३३ या अभिलेख्य बौद्ध धर्म माने याइपिं खनेदु । तौखेलयापिं गोपालीपिनि मुख्यम्ह महाद्यःयाथाय् मेला जुइबल्य चम्पकेश्वर महाद्यःया छचाःखेरं ब्रम्हूतयगु वस्ती दुसां चम्पकेश्वर महाद्यःया गुथि धाःसा तौखेलय् च्वपिं गोपालीपिसं याइगुलिं आःतक्क नं गोपालीपिनिगु धार्मिक सम्बन्ध पशुपतिनाप दुगु खनेदु । अथेतुं मकवानपुरया हे वज्रवाराही गाविसय् च्वम्ह स्वदैय् छकः जुइगु वज्रवाराहीया जात्राबल्य जनतापिनिगु दक्कले न्हापांगु पूजा गोपालीपिनिगु 'स्थानपुजा' धकाः बीगु चलन दु । अथेतुं शिखरगोठया गोपालीपिनि भजन याइबल्य भगवान बुद्ध, करुणामय, गुहेश्वरी आदि आदि द्यःदेवीपिनिगु भजन यायेगु चलन दु । अथेतुं बुंगद्यःयात न्हवं याकीबल्य प्यंगः घः लः हइगुलिङ छद्यः थेचोया गोपालीपिसं हयेगु यानाच्च्वंगु दुसा च्वःभालय् च्वंगु च्वभाःद्यः (करुणामय) या द्यःपिवाःपिं मध्यय् छखलः गोपालीपिं खः । किपूया बाघभैरवया जात्राबल्य रथ न्ह्याकेत मच्छेगांया गोपालीपिं उपस्थित जुइमाः । थुकथं

धार्मिक ज्यायात स्वयेबल्य गोपाली हिन्दू धर्मावलम्बी धकाः धायेछिं मजू ।

उपत्यका दुने च्वंपि गोपालीपनिगु वस्तीपाखे ध्यान तयेबल्य किपुलिं थानकोटपाखे वस्ती न्ह्याना वन । अनं चन्द्रागिरी पहाड गयाः न्हापा चितलाङ्ग वन गुगु नेपालं भारतपाखे वनेगु मूलपु लिच्छविकाल्य नं खः । गोपाली वा मेषपालपिनि अंशुवर्मा पालय्या न्हापांगु अभिलेख नं चितलाङ्गया तौखेल्य हे खनेदु । अनं थ्व जाति टिष्टुङ्ग वा वज्रवाराहीपाखे कुलगाम्य वल । दक्कले अप्पो वस्ती दुगु कुन्छालया गोपालीपिसं थःपिं कुगां अर्थात् कुल गामं वयागु धकाः धायेगु याः । कुन्छालया ल्वहं हितिया आकारयात स्वयेगु खःसा कुन्छालया गोपालीपिं नं लिच्छविकाल्य हे थ्यंपि जुइमाः । कुन्छाल पालुङ्ग अनं गहत जुयाः ववं आः दामनया शिखरगोठ्य थ्यंगु दु । शिखरगोठं च्वय् थुपिं थ्यंगु मदुनि । व्यापारिक दृष्टिं छम्ह निम्ह ज्याया लागिं हेटौडा नं थ्यंगु दु, तर परम्परागत वस्तीकथं परिवार हे वनाच्वंगु खनेमदु ।

लिखं

नेपाःया राज्य श्रीगणेश याःपिं गोपाली जातितय्गु संरक्षण व सम्बर्द्धन जुइमाः ।

ज्यापु जातिनाप अप्पो मिलेजूपिं किलागःया सापुत थानकोट, चितलाङ्ग, वज्रवाराही व दामनया नापनापं मेमेगु थाय्या गोपालीपिं नाप धार्मिक व सांस्कृतिक ज्याखँय आपालं पाः । किलागःया सापूपिसं पिथनीगु दीप्याखं (देवी प्याखं) यातनं लिच्छवीकालं निसंया प्याखं धायेगु याः । भिसामचातयत् बाह्वाः व इही याये म्वाःपिं गोपाली जातिं थःपिसं ज्यापु जाति तयेगु मयाः । यैया किलागःया सापूत ज्यापु जाति दुने थःपिन्त दुध्याके धुंकूगु दु । तर थानकोट, चितलाङ्ग, वज्रवाराही, दामन आदि थासय् च्वंपिसं थःपिन्त ज्यापु जाति मजुसे गोपाली जातिं अलगु जाति कथं कयाच्वंगु दु । गुंला, जला लच्छियंक धर्म यायेमाःपिं गोपालीतय् बाजं थानाः थःथःगु गाम्य चाःहिलीपिं खः । यैथे गुंलां भगवान् बुद्धया लयसेवा व जलां पीठया लयसेवा वनीपिं मखु ।

अंशुवर्माया पाल्य मकवानपुर जिल्लाय् नं जुजु जुयाः अनतक्क स्वयाच्वंगु दुसा लिपा वनाः मल्लकाल्य उपत्यकापाखें स्वयेगु मजुसे गोपालीपिसं स्वतन्त्र जुयाच्वंगु खनेदु । राज्यनाप तापापां अप्वः धयाथें गोपालीपिसं थःपिनिगु वंश नेपाःया इतिहासय् न्हापां राज्य याःपिं महत्त्वपूर्ण यक्व पुलापिं आदिवासी धकाः मस्यु । थःथःगु थासय् च्वंपिं ब्राम्हण पुरोहित यायेगु यानाः ब्राम्हणी नेपाः तजिलजिया प्यखँगुला

बाठया स्वभावं यानाः थुमित इतिहास नाप म्वयथ्यानाः जातिया इतिहास चीहाकः यानाब्यूग दु । थुकिं हे पुरोहित धाःगुयात शिरोपण यानाः हिन्दू जुइगु लँपु लानाच्वंगु दु देया फुक्क पक्षय् इतिहासनाप स्वापू दु । अल्पसंख्यक नेवाः जाति दुनेया अल्पसंख्यक गोपाली जाति चीधंगु परिवार दुने आदर्श जीवन हनाच्वं पिं थुमिसं थःगु धर्म संस्कृतिया रितिथिति परम्परा न्ह्याका वयाच्वंगु दु । सांस्कृतिक विकृति थ्व जातिइ खनेमदुनि ।

काठमाडौं दुने आपाः खनेमदुपिं गोपाली जक मखु मकवानपुर जिल्लाया नेवाः जातिया गमालं, वलामि नं खनेदु । थुमिसं नं थःपिं तच्चतं पुलापिं जाति धायेगु यानाच्वंगु दु । नेवाः सम्बन्धी अध्ययन अनुसन्धान याइपिनिगु मिखा तक्क नं थ्व गुगुं जाति उलि लाःगु खनेमदु ।

आदिवासी मिसापिनि अध्ययनया इवलय् मकवानपुर जिल्ला दुने लाःगु गोपाल गामय् नं गोपाली मिसापिनि अध्ययनया लागिं थ्यन । गोपाल गां पालुङ्ग च्वय् दामन दुने लाःगु गां खः । गोपाल गां भचा च्वकाय् लाःगुलिं शिखर गोठ नं धाः । 'शिखर गोठे' नां च्वनालि आः थौकन्हय् शिखरकोट धायेगु याः । वास्तवय् शिखरगोठ हे खः । छायाःसा शिखर गोठय् मूलगां गोपाल गामय् च्वं पिं गोपालीतय् मूल पेशा सा, म्येय्, फै (पशुपालन) लहीगु जूगुलिं जन्तुतय्गु थाय् गोठ खः । बहे कथं शिखर गोठ जूगु खः । थन च्वं पिनि सा, म्येय् व फै लहीगुया नापनापं खेतीपाती मूल जगया रुपय् न्ह्याकातयातःपिं गोपालीत नेपाःया इतिहासया सुरु याःगु जात जूसां नं थुपिं शिक्षापाखें लिपा लाःगुलिं शिक्षा नाप सम्बन्धित मेगु छुं नं ज्याय् थुपिं न्ह्यःने लाःगु खनेमदु ।

गोपाली जातिया भजन

खय्तला गोपाली जाति शिखरपुर अर्थात् गोपाल गामय् जक दुपिं मखु अनया नापनापं मकवानपुरया मेमेगु गां कुन्छाल, वज्रबाराही, तःख्यः, ग्वाःख्यः, पालुङ्ग, चुनिख्यः, मच्छेगां, टेकुन, थेचो, चोभार, थानकोटय् आदि थासय् दुपिं नेवाः जातिया छगू अलग जात खः । नेवाः जाति छगू हे जूसां नं जात कथं थाय् कथं रितिथिति चालचलन पाःथें गोपालीतय् छुं छुं पाः । थ्व जाति आधुनिक युगलिसे वःगु ह्युपाः नाप हिलावने मफुसां नं थुपिं तच्चतं सुसंस्कृत कथं थःगु जीवन न्ह्याका वयाच्वं पिं स्वतन्त्र, स्वाभिमानि व थःगु हे समूहलय् च्वनीपिं जाति खः । थुमिसं थःगु परम्परा अःपुक हे न्ह्याका वयाच्वंगु दु न्ह्याका वनातुं च्वनीतिनि धयागु अनं न्ह्यानाच्वंगु भजन व दाफा म्ये प्रष्ट यानाच्वंगु दु ।

शिखर गोठ अर्थात् गापाल गामय नेपालभाषाया निगू दाफा भजन सफू उपलब्ध जूसु दु । वि.सं. १९९८ सालया भजन सफू पुलांगु सफुति न्हूकथं ल्ह्ययेया हिफाजत यायेत छ्यंगूया जिल्ला तयातःगु सफू जूसा वयासिबें न्हापायागु वि.सं. १९७२ यांगु खः । नेपाली भ्वंतय च्वयातःगु उगु सफू हिफाजतया यानाः उलि अःपुक अध्ययन यायेफुगु मदु । मूलतया बुँज्या सिधयेकाः फल्चाय च्वनाः म्ये हालीगु भजन दाफाया न्हूपिढीयापिं ल्याय्महाचापिं निसें गांया नायः तक छगू हे थासय च्वनाः बाजं थानाः हालीगु भजन व दाफा सःसःपिनिगु दथुइ दथुइ नच्चा नच्चापिं मसःपिं मसःपिं नं तयाः छगू हे राग ताल व धूनय सःपिन्सं मसःपिन्त नं साला यंकेगु उमिगु परम्परा खः ।

भजन मूलतया चतुरमास ४ गणेशया फल्चाय याइगु जूसा कार्तिक लच्छि करुणामय वा मच्छिन्द्रनाथया फल्चाय हालेगु परम्परा दु ।

जिपिं येंन वयागु जूगुलिं जिमित यंके धकाः करुणामयया फल्चाय मत तयाः भजन न्यंकेगु ज्या जुल । भजन सफूया आधार कथं थुमिगु भजन नेपालभाषा, नेपाली, मैथिली जूसां नं शीर्षक छगू जक नेपाली मैथिली जूसां म्ये धाःसा नेपालभाषा हे खः । गुलि नं भजन दु थें च्वंपिन्सं नं भजन हालेगु याः तर गोपाली गांयापिं गोपालीपिन्सं याःगु भजनया शैली धाःसा थनच्वंपिं नं स्वयां पाः ।

न्हापां ला भजन हालीगु खँवः हे पाः । देवदेवीपिं धकां मानार्थ शब्द छ्यलेगु थुमिपाखें मजू । सफुतिइ व भजनय जक मखु दैनिक जीवनया व्यवहारय नं मानार्थ शब्द छ्यलेगु तच्चतं म्हो जक खनेदु । दसूया लागिं “जय नमः श्री बुद्ध भगवान लुम्बिनी वनस विज्याकल” यात “जय नमः श्री भगवान लुम्बिनी वनस वन” अथेंतु “ब्रम्हांनं वसिवं पुयेका सरस्वती नं वास लायेका...” वसिवंया थासय वँपुइकाः नागया म्हगलय च्वना आदि खँवः तप्यंक थःगु बोलचालया भाषा हे छ्यलेगु जुयाच्वंगु दु ।

गोपाली गांया गोपालीपिन्सं हालीगु म्येय् यें, यल, ख्वपया देवदेवीपिनि भजन भजन म्ये गणेश, राम, गुह्येश्वरी, अजिमा, भगवती, भिन्धः, भगवान द्यः, कृष्ण, लोकेश्वर, नारायण आदि देवदेवीपिनिगु म्येनिसें कयाः मल्ल जुजुपिनिगु म्ये, कलिगुया म्ये, १९९० सालय भ्वखाय ब्वःगुया म्ये, सुन्दर राजकुमारया म्ये आदि दुथ्याः ।

ल्याय्महाचापिं मिजं मचानिसें ज्याथःपिं समेत मन एकचित्त यानाः याइगु

मेवाः तजिलजिया ट्यखँगुना

दफा भजनय् म्ये हालीपिं निगू पुचः जुइ । विचय् संगीतया धुनं सालेत छपुचः यानाः जम्मा स्वपुचः जुइ । भजन हालीपिं निपुचः ३/३ म्ह, ५/५ म्ह वा ७/७ म्ह विजोड कथं जुइ । संगीतया धुनं म्ये हालेत च्वनीपिं भजन हालीगु पुचः स्वयां म्हो जूसां जिउ । प्रत्येक पुचलय् छम्ह छम्ह नायः अले वयागु तालय् हे दक्कसिनं लय् मिले यानाः भजन यायेगु याइ । भजन हालीगु प्रत्येक लवज (इवः) निक्वः निक्वः यानाः स्वक्वः तक अर्थात् छइवःयात छक्वः हाली । हाःगु धुनया लय् अन्त मज्जनिबलय् मेगु पुचःया नापं नं हालेगु जुइ । व हे इवः न्हापायागु पुचलं थें निक्वः निक्वः यानाः स्वक्वः धाइ अर्थात् छगू हे इवःयात १२ क्वः हालेगु जुइ । गुकिं यानाः छपु भजन हे ताः ईतक हालेगु याः । भजनया ज्याय् सकसियां उलि हे भक्तिभाव कथं मन क्वसाकाः मनेगु जू । छँज्या बँज्या सिधयेकाः लायक च्वना हालिगुलिं न्ह्यातले हालीगु खः । थथे यक्व हालेमाःगुलिं न्हिच्छया छपु निपु स्वयां अक्वः भजन हाले अःपु मज्ज । अति हे भक्तिभावं जाःगु भावना याइगु भजन यँया ज्यापुतय् दाफा भजन नाप ज्वःलाः ।

जिमित न्यंके धकाः याःगु दाफा भजनय् गुट्येश्वरी म्येया दाफाय् 'क' पुचलय् नजरमान गोपाली, जोकरमान गोपाली, चक्रमान गोपाली, अष्ट गोपाली, चित्रलाल गोपाली दुसा 'ख' पुचलय् सन्तराम गोपाली, शोमनाथ गोपाली, जगत गोपाली, कुलबहादुर गोपाली व चिरिबाबु गोपाली दु धाःसा 'ग' पुचलय् भगवान गोपाली दु । अथेहे बाजं थायेगु ज्या यानादीपिं वउच - भगवान गोपाली, खिं- नजरमान गोपाली, ताः- चित्रलाल गोपाली, बाँसुरी - चक्रमान गोपाली, जोकरमान गोपाली, अष्ट गोपाली, श्याम गोपाली, सोमनाथ गोपाली, दाफा - भगवान गोपाली, झ्याली- कूलबहादुर गोपाली दुगु खः ।

थुबलय् थ्व पुचलं गुट्येश्वरी छःया भजनया नापनापं "जय नमः श्री बुद्ध भगवान लुम्बिनी वसन बिज्याकल" मच्छेन्द्रनाथ व होली म्येया दाफा भजन याना न्यंकूगु खः । यँ नं तापाक्क च्वनां नं थुमिगु भजनय् यँया छःपिनिगु स्तुति भक्ति भाव दु ।

यँ नं थज्याःगु भजन दु धयाबलय् अमिगु जिज्ञासा यँ, यल, ख्वपय् च्वंगु भजन सफू च्वयेगु उत्सुकता क्यंगु जुल । उमिसं नं भजन सफू छगू निगू हयाब्यु धकाः इनाप यानादिल ।

सुयातं मानार्थ खँवः छ्यलेगु मदुपिं गोपालीत थःपिनि व्यवहार कथं हे छःछःपिनिगु भजन नं अज्याःगु हे शैलीयागु खः ।

भजन याःपिं फल्चाय् चवनेगु याःसा गामय् च्वंपिं ८०% स्वयां अप्वः
मनूत मुनाः भजनयात साथ वीगु, स्वयेगु, न्यनेगु कथं भुनाचवनीगु खः ।

भजन म्ये वहे जूसां नं भजन हालीगु शैली गोपाली गांया गोपालीपिनिगु
थःगु हे पहः दु ।

नेवाःतय्गु संस्कृति नापं छुं छुं पाःपिं नेपालभाषा थःगु मां भाषायापिं
गोपाली जाति नेवाः जातया अलग्ग जात खः । थुमि गोपाली बाहेक मेपिं
नापं विधिव्यवहार मज्गु जक मखु थःपिनि गामय् नं थःपिं हे मुनाः चवनेगु
याइ । दसुया लागि कुन्छाल व शिखरपुरया गामय् गोपाली बाहेक मेगु जाति
हे मदु । उकिं थुमिगु भाषा, संस्कृति, संगीत, साहित्य संरक्षण यायेमाःगु थौया
आवश्यकता जूवःगु मदु ।

पादटिप्पणी

१. धनवज्र वज्राचार्य र डा. कमलप्रकाश मल्ल, १९८५ “द गोपालराज
वंशावली” नेपाल रिसर्च सेन्टर, काठमाडौं पृ. ७३ ।
२. धनवज्र वज्राचार्य नापया खँलाबल्हा, २०४०/२/३
३. डा. चुन्दा वज्राचार्य, ग्वालिनिया छपु लोक म्ये, विश्वभूमि, ने.सं. १११६
अनलाथ्व ५ शुक्रवा ।
४. डोरबहादुर विष्ट, १९९४, “फाटालिज्म एण्ड डेभलोपमेण्ट” ओरिएण्टल,
कलकत्ता, पृष्ठ १५ ।
५. गोपालसिं नेपाली १९८८ “द नेवार्स” हिमालय बूक सेन्टर, काठमाडौं,
पृष्ठ १६८ ।
६. पूर्णप्रकाश नेपाल ‘यात्री’ नेपालमा गोपालीप्रजाति-४ समर्पण वर्ष ६ अङ्क २, पृ.
२० ।
७. हेमन्त राणा, धनवज्र वज्राचार्य (सं.) २०२९ “टिष्टुङ्ग-चितलाङ्ग भेकको
ऐतिहासिक सामग्री” त्रि.वि.वि. नेपाल र एशियाली अध्ययन संस्थान,
वक्तव्य ।
८. वहे पृ. १७-१८ ।
९. वहे पृ. ९ ।

मकवानपुरया बज्रबाराही जात्रा

मकवानपुरया भौगोलिक परिचय

नेपाःया मध्यमाञ्चल विकास क्षेत्र दुने लाःगु नारायणी अञ्चलया जिल्ला मध्यय् छगू जिल्ला मकवानपुर खः । थ्व जिल्लाया क्षेत्रफल २,४२६ वर्ग किलोमिटर दु । थ्वया पूर्वय् यें, यल, सिन्धुली व बनेपा पश्चिमय् चितवन, उत्तरय् धादिङ्ग व यें, दक्षिणय् बारा, पर्सा व रौटहट लाना सीमाङ्कन जुयाच्चंगु दु । मकवानपुर जिल्ला धयागु पृथ्वीया आकांक्ष २७^०१० उत्तर निसें २७.४० उत्तर तककं व देशान्तर ८४^०४१ पूर्व निसें २५.८४ मिटर तककं च्वय् लाः । मकवानपुरया दक्कले च्वय् लाःगु थाय् धयागु सिमभञ्ज्याङ्ग खः । थ्वया जाः २५.८४ मिटर खः । दक्कले चिजाःगु थाय् धयागु राईगाँया हाथिदुङ्ग थ्वया जाः १६६ मि. दु । थ्व जिल्लाय् लाःगु खुसि धयागु वागमती व राप्ती खुसि खः । थ्व जिल्लाया मुख्य पर्वत श्रृंखला उत्तर पाखे फाखेल निसें टिस्टुङ्ग तककं चन्द्रागिरि पर्वतया दक्षिण ढाल, मध्यउत्तरय कोगरे निसें खैराङ तककं महाभारत पर्वत श्रृंखला दक्षिणय् राई गाँनिसें मनहरी तककं चुरे श्रृंखला लानाच्चंगु दु ।

मकवानपुरय् जम्मा ४४ गां दु उकिया नां धलः थथे दु ।

१. आग्रा	१३. धियाल	२४. खैराङ्ग
२. आमभञ्ज्याङ्ग	१४. फाखेल	२५. कोगरे
३. बज्रबाराही	१५. फाफरबारी	२६. कुलेखानी
४. वसामाडी	१६. गोगने	२७. मकवानपुरगढी
५. वेतनी	१७. हांडीखोला	२८. मनहरी
६. भैसे	१८. हटिया	२९. मन्थली
७. भिमफेदी	१९. हे टौं डा	(३०. मार्खु
८. बुदिचौर	नगरपालिका)	३१. भार्ता
९. चितलाङ्ग	२०. हर्नामाडी	३२. नामटार
१०. चुरेमाई	२१. इपापञ्चकन्या	३३. निवुवाटार
११. डाँडाखर्क	२२. कालिकाटार	३४. पद्मपोखरी
१२. दामन	२३. कांकड	३५. पालुङ्ग

३६. राइगाँउ	३९. शिखरपुर	४२. सुकौरा
३७. राक्सिटाङ्ग	४०. श्रीचुर छतिवन	४३. थिंगन
३८. सतिखेत पँलासे	४१. सिस्नेरी	४४. टिस्टुङ्ग देउराली

हावापानी

मकवानपुरया हावापानी चिकुलानं तच्चवंकं चिकु मजू वर्खा नं तच्चवंकं तां न्वःमजू । अथे जूगुया मू हुनि मकवानपुरया दक्षिणं उत्तरपाखें अर्कोष्ण, समशितोष्ण, शितोष्ण, लाःगुलिं खः ।

सरदर तापक्रम :- तां न्वइबल्य् दक्कले अप्वः ३०.३ से जूसा चिकुलाबल्य् दक्कले म्हो धयागु १६.६ से. खः ।

जनसंख्या

मकवानपुर जिल्लाय् दुने सन् १९९१ या जनगणना कथं मनूतय्गु कूल ल्याः ३,१४,५९८ म्ह खः उकिं मिजंत १,५९,५६२ ल्याः जूसा मिसात १,५५,०३७ ल्याः दु । थुकथं थ्व जिल्ला मिसात स्वयां मिजं ल्याः अप्पो खनेदु ।

कूल जनसंख्याया जातिगत कथं ल्याः थुकथं खनेदु ।

जाति	संख्या
तामाङ्ग	१,४४,५७५
ब्राम्हण	४५,२३२
क्षेत्री	३३,४५२
नेवाः	२४,१६१
मगः	१५,७४८
चेपाङ्ग	११,९६२
कामि	९,५६२
सार्की	१,१४२
दमाई	३,०३१

बज्रवाराही जात्राया पृष्ठभूमि

मकवानपुर जिल्लाया संस्कृति धयागु छगू हे तुं मजू थी थी जातिं थःथःगु परम्परा कथं नखःचखः हनेगु, संस्कारगत ज्या यायेगु रितिथिति दु । मकवानपुर दुने थीथी जातित वस्ति याना च्वंगुलिं छगू जातिया नखःचखः जात्रा उत्सव मेगु जाति नं सहज रुपं हनेगु याः । मार्खु गांमय् च्वपिं नेवाः व नेपाः तजिलजिया प्यख्येगुला

तामाङ्गतय् दुने भजनयाइबलय् तक्कनं तामाङ्ग भाय् व नेवाः भाय् निगुलिं ल्वाका छ्याना हालेगु चलन दु । अथेतुं उगु थासय् जुइगु जात्रा पर्वय् छगू जातिं मेगु जातियात सहयोग याना न्ह्याना वनाच्चंगु दु । अथे धयागु तामाङ व नेवाः निगू जातिं संयुक्त रूपं जात्रा न्यायेकेगु 'परम्परा' दु ।

द्यः छम्ह हे जुइ मूर्ति छगू हे जुइ तर थीथी जातिया भक्तजनपिसं थःथःकथं द्यःयात पूजा मुर्ति यानाः थःगु परम्परागत व्यवहार न्ह्याकांतुं च्वनी । थज्यागु हे थीथी जातिं संयुक्त रूपं हनीगु जात्रा मध्यय् मकवानपुर जिल्लाया बज्रवाराही जात्रा छगूनं खः ।

मकवानपुरया बज्रवाराही गांया बज्रवाराही जात्रा अध्ययनया लागि ने.सं. १९९६ य् बैशाख महिनाया बैशाख पुन्हीया दक्कले न्ह्यःने लाःगु पुन्ही धुंकाः दक्कले न्ह्यःने लाःगु शनिवारयात कयाः जूगु जात्रा अध्ययन यायेत बैशाख पुन्ही कुन्हु हे मकवानपुर जिल्लाय् वनाः तामाङ्गतय्गु अग्रसरताय जूगु स्वांयापुन्ही स्वांया बैशाख पुन्ही लिपाया दक्कले न्हापांगु शनिवारय् जूगु बज्रवाराही जात्रा निन्हुयंक स्वायाः तयार यानाःगु थ्व लेख खः ।

थी थी देवीपिन्त थी थी द्यःपिनि शक्तिया रूप्य् हनेगु परम्परा बौद्ध धर्म जक मखु मेमेगु धर्मय् नं मदुगु मखु । अथे तुं शक्तिया रूप्य् हनेगु यानातःगु मध्यय् बज्रवाराही द्यःयात नं खः । बज्रयानीपिनि तच्चकं हनेगु यानातःम्ह द्यः हेरुकु चक्र - सम्भवया शक्तिया रूप्य् बज्रवाराही देवी धायेगु चलन दु, परम्परा दु । बज्रवाराही द्यःया नां काये साथं यलया वादेस्थित बज्रवाराही धकाः च्वनीगु स्वभाविक खः । थ्व बज्रवाराही द्यःया स्थापनाबारे थुबले हे धकाः यकिन यायेमफुसां ९ शदी निसैं १२ गू शदीया दुने प्रतिस्थापन जूगु जुइमाः धयागु विद्वानतय् धापु दु । थुवल्य् उपत्यका दुने बज्रयानी धर्मया अप्वः प्रभाव लाःगु दु ।

देवमाला वंशावली कथं श्री निवास मल्लं वादेशय् अवस्थित मन्दिर दयेका लुंया बज्रवाराही मूर्ति दयेके बियाः गुरु विश्वनाथपाखें ने.सं. ७८६ चैत्र शुदी ८ सोमवार कुन्हु जुजुं प्रतिस्था याकल । लिपा ने.सं. ८३२ य् मन्दिर दुने विष्णु मल्लं ल्वहंया मूर्ति दयेकाः स्थापना यात धयागु खनेदु । मूर्ति स्थापना याये न्ह्यः उगु थासय् पीठजक मन्दिरय् दुने दुगु धायेगु चलन दु ।

वादेस्थित बज्रवाराही उपत्यका रक्षा यानाच्चंभिं प्यंम्ह शक्तिरूपी देवीपिं

मध्यय् छम्ह खः । प्यम्ह शक्ति देवीपिनि पूर्वय् नील बाराही, पश्चिमय् धूमबाराही, उत्तरय् श्वेतबाराही व दक्षिणय् बज्रबाराही खः ।

बज्रबाराही द्यःधायेवं अप्पोसिया मनय् थ्व हे वादेशय् च्वम्ह द्यः लुमनीगुया नापनापं जंगल दुने अवस्थितम्ह उम्ह द्यःयाथाय् पूजा वनाः प्रसादया रूपय् स्वां छकू समेत छै हये मज्यूगु वया नापनापं जंगलया छहः हः समेत जंगलं पिने हये मज्यूगु तर वहे वनय् जक जूसा अनया सिं कयाः समेत नसा ज्वरे याये ज्यूगु प्रावधान दु । प्राकृतिक सौन्दर्ययात स्थिररूपं संरक्षण यायेगुया लागिं उगु इलय्निसें न्ह्याका वःगु परम्पराय् आः अन सिं कयाः अन हे च्याकेगुलिं छुं प्रतिबन्ध तयेगु वाः चायेकूगु दु ।

बज्रबाराही वादे अवस्थित द्यः जकं मखु उपत्यकां पिने नं उम्ह द्यः दु । नेपाःया उत्तर खण्डया मुक्तिनाथ क्षेत्रय् नं बज्रबाराही द्यःदु । अथे तं उपत्यकाया नापसं च्वंगु मकवानपुर जिल्लाय् नं बज्रबाराही दु । उम्ह बज्रबाराहीयात नं तच्चकं शक्तिशालीम्ह तान्त्रिक द्यःकथं हनेगु यानाच्चंगु दु । थ्वयात बज्रबाराहीया मां धायेगु चलन दु । थ्व कथं धायेगु खःसा वादेशय् अवस्थितम्ह बज्रबाराही द्यः स्वयां पुलांम्ह मकवापुरय् च्वम्ह बज्रबाराही द्यः जुइमाः ।

मकवानपुर जिल्लाया बज्रबाराही

स्वनिगलं पिनेया बज्रबाराही मध्यय् छम्ह मकवानपुर जिल्लाया कुन्छाल गांया पूर्व व टिस्टुङ्गया दक्षिण भेगय् बज्रबाराही द्यः अवस्थित जुयाच्चंगु दु । बज्रबाराही द्यःया मन्दिर नापसं च्वंगु खुसि न्ह्याना च्वंगु दु । गुगु खुसियात स्थानीय वासिन्दापिन्सं बज्रबाराही खुसि धायेगु चलन दु । थ्व द्यःया नामं हे द्यः अवस्थित जुयाच्चंगु उगु गाउँ विकास समितिंयात बज्रबाराही गाउँ विकास समिति धकाः नामाकरण यानागुःत दु । अथे तं बज्रबाराही खुसि पारी तःधंगु जंगल दु, उगु जंगलया नामं बज्रबाराही जंगल धकाः हे नामाकरण जुयाच्चंगु दु । थौकन्हय् अवस्थित बज्रबाराही खुसिचा वारी अवस्थित जुयाच्चंगु दुसां न्हापां खुसि पारीया बज्रबाराही जंगलया च्वकाय् अवस्थित जुयाच्चंगु धायेगु चलन दु । लिपा जक बज्रबाराही द्यः तुलावयाः खुसि वारीलात धायेगु यानाच्चंगु दु । थ्व हे द्यःया नामं मकवानपुर जिल्लाया जनतां स्थापना याःगु छगू यां छगू जक अस्पतालया नामं बज्रबाराही अस्पताल धकाः बज्रबाराही द्यःया तःधंगु ख्यःलय् स्थापना यानातःगु दु ।

नेपाः तजिबज्रिया प्यखलुना

वज्रवाराही द्यःयात भक्तजनपिन्त मनोबल बल्लाकीम्ह, भय रक्षा याइम्ह, शक्तिया रूपय् हनावयाच्चम्ह द्यः खः । मकवानपुर स्थित वज्रवाराही द्यः नेवातय्गु वस्ती नापनापं लुयाच्चंसां नं ध्व द्यःया जात्रावलय् नेवाः जातिइ छगू जक सीमित मजुसे मकवानपुर जिल्लाया आपालं गां-गांया जनतात वयाः जात्रा माने यायेगु परम्परा दु ।

वार कथं हनीगु-वज्रवाराही जात्रा

नेवातय् गुलित द्यःद्यः पिनिगु जात्रा हना वयाच्चंगु दु । फुककं फुककं धःयार्थे नखःचखः हनेथे तिथि कथं हनेगु चलन दु । गुलिं गुलिं छगू निगू नखः गथे विस्क्र्यात जात्रा, द्यःचाकु सल्हु नखः गते कथं हनेगु चलनया परम्परा दु । तर मकवानपुर जिल्लाय् अवस्थितम्ह वज्रवाराही द्यःया जात्रा धाःसा वार कथं हनीगु धाःसां ज्यू । बैशाख पुन्ही न्ह्यः वा ल्यू दक्कले लिक्क लाःगु शनिवार कुन्हु हनीगु जात्रा खः । गथेकि ने.सं. १९९६ या बैशाख पुन्ही कन्हय् खुन्हु शनिवार लात वज्रवाराही द्यःया जात्रा नं थुबले हे जुल । यदि बैशाख पुन्ही ल्यू स्वयां सत्तिक न्ह्यः शनिवार लात धाःसा जात्रा न्ह्यः हे जुइ । बैशाख पुन्हीया न्ह्यः ल्यू दक्कले सत्तिक गुबले शनिवार लाइ उगु दिनय् जात्राया थालनी जुइ ।

वज्रवाराही द्यःया जात्रा स्वन्हु यंक जुइगु जात्राय् शनिश्चरवार कुन्हु द्यः कुहां बिज्याइ । अनं द्यःयात गमय् तयेगु ज्या जुइ । वया कन्हय् कुन्हु आइतवार जात्राया मू दिन गुकुन्हु स्याःसीगु ज्या याइ अनं कन्हय् कुन्हु सोमवार कुन्हु द्यः थहां बिज्याइगु धाइ देवस्थानं द्यःया मूर्ति लिक्कयाः द्यः जात्रा यानाः द्यःछैय् लितयंकी ।

नेवाःसमाजय् च्यामखल जातिया स्थान

समाजया जातिगत परम्परा कथं दक्क जातियात प्यंगू व्व थलातःगुली दक्कले अछुत जाति धकाः धयातःगुलिइ कुलु, पोडे., च्यामखलः व हालाहुलु जातियात लाकातःगु दु । थुपिं फुककं छगू स्तर कथं हनेगु यानाच्चंगु दु । ध्व जातिया ज्या मध्यय् थाय् थासय् च्वपिं द्यःद्यःपिनि पिवाः नं खः । मकवानपुर जिल्लाया वज्रवाराही जात्राय् च्यामखलः वा पोडे जातिया विशिष्ठ स्थान दु । त्रयत्ला काठमाडौं व पालुङ्ग टिस्टुङ्ग भेगया च्यामखलः जातिया स्थिति काठमाडौं दुनेया पोडे च्यामखलःया स्थिति स्वयां पाः । खुसि नापनापंसं थुमिगु वस्तिसां नं आर्थिक रुपं उलि कमजोर खनेमदु । बुज्याया लागि बुँदु,

लजगाया रुपय् मेमेगु ज्या यायेगु याः । टिस्टुङ्ग नापसं च्वंम्ह वज्रवाराही चःया पिवाःया नापनापं पालुङ्ग भेगया इन्द्रायणी चःया नं चः पिवाः वा पालाः खः । अथें अथें बलय् स्वयां चःचःपिनिगु जात्राबलय् थुमिगु भूमिका बिस्कं दु । उकीनं वज्रवाराही चःया जात्राय् थुमिगु स्थान् महत्त्वपूर्ण जू जात्राया मू चहल पहल थ्व हे जातिया खनेदु । थथे जूगुया मू हुनि वज्रवाराही सम्बन्धी छपु लोक बाखं दु । गुकी वज्रवाराही चःया संरक्षण थ्व जातिया ल्हाती लात धयागु खँ दु ।

वज्रवाराही चः जलंगलया च्वकाय् च्वना च्वंम्ह लिपा अनं कुहाँ वयालि खुसि वारी च्वनेत वःबलय् उगु टिस्टुङ्ग भेगया सुहे मनूतय्सं तयेगु इच्छा मयाः । खुसि सिथय् तुं च्वनेगु याःगुलिइ पोडेतय्सं थःपिं च्वनागु थासय् तयाः चःयात स्याहार सुहार याये जिमिसं तये धकाः बुरीम्ह भेषय् वःम्ह बज्रवाराहीयात थःपिं च्वनेगु थासय् आश्रय बीगु जुल । नापं उम्ह बुरीम्हसित स्याहार सुसार नं यायेगु लिपा वहे बुरीया भेषय् वःम्ह वज्रवाराही थःत दक्कले फोहरगु थाय् यःगु व अन थःत तयाव्यू धयागु वचन कथं खुसि सिथय् दीप नापनापं वज्रवाराही च्वनेगु जुल नापं वज्रवाराहीयात बुरीया भेषधारीयात स्याहार सुसार यायेगु कथं थ्व पोडे जातिं हे यायेगु जूगुलिं लिपा चः पालाः नं थ्व हे जुल धयागु जन धारणा दु ।

आः नं जात्रा याइम्ह वज्रवाराही चः पोडे त्वालय् चःया अलग छें दु, गन नितजाः छें जूसां स्वाहाने धाःसा तयेगु मयाः । जात्राया इलय् पोडेतय्सं हे पूजा यानाः सुचि नियम पालन यानाः चःयात हयाः देवी स्थानय् तयेगु जुइ । चः नापनापं थःपिं च्वनाः जात्राबलय् चःनाप खतय् च्वनाः चयात रक्षा यायेगु जुइ ।

थुकथं फोहर जुयाः वज्रवाराही चः बुरी रुपी मनूयात सुनानं थःथःपिनिगु थासय् तयेगु इच्छा मयाःगु कारणं यानाः पोडे जाति दुने थःगु आश्रय लात । लिपा वहे वज्रवाराही चः प्रतिमूर्ति जुयाः पिहांवल ।

बज्रवाराहीया जात्रा

स्व दैय् छक्वः जुइगु बज्रवाराहीया जात्रा वैशाख पुन्हीया न्हयः वा ल्यू दक्कले सतिगु शनिश्चवार कुन्हू जुइगु थ्व जात्रा मकवानपुर जिल्लाया तःधंगु जात्रा मध्यय् छगू जात्रा खः । वर्खा वज्रवाराहीया जात्रा जूसा वहे दैय् अर्थात स्व दैय् छक्वः पालुङ्ग गाउँ विकास दुने इन्द्रायणी चःया जात्रा जुइ । अप्पो नेवाः नेवाः तजिलजिया एखंलुगा

जातिपि नापं सत्तिगु जात्रा जूसानं वज्रवाराही जात्रायात भव्य यायेगुली मेमेगु जातिनं उलिं हे महत्त्वपूर्ण भूमिका म्हितेगु ज्या जू । तामाङ्ग, गुरुङ्ग, मगर, खत्री, ब्राम्हण, ठकुरी आदि जात जातिपिसं सक्रियरूपं ब्वति कया: हनीगु जात्राय् टिस्टुङ्गया पोडे त्वालं निसें वज्रवाराही ख्य:या व्वय् वज्रवाराही छ:या स्थानतक्क तहाँ कुहाँ बिज्याकीगु जात्रा बलय् आपालं ताता:पा:गु थाय् छन्हु निन्हु तक न्यासि वया: समेत मनूत जात्रा स्व: वनेगु याना च्वंगुलिं अपार जन समुदाय उपस्थित जुयाच्वंगु खनेदु । वज्रवाराही छ:या ख्य: जायेक थाय् थासं वया: जात्रा स्व:व:पिन्त सुविधा जुइकथं नयेगु निसें कया: अनेक पस: पाल तया: ब्वयेगु जू । अज्या:गु पसलय् दक्कले अप्पो मरिचरीया नसा पस: आपालं खनेदु । नापनापं चिठ्ठा थीथी कासा आदिया पस: तयेगु याना: जात्रा स्व:पिन्त मनोरञ्जन बीगु जुयाच्वंगु दु । उकीया नापनापं थाय् थासय् में हालीपिं, लोक म्ये, जुहारी म्ये आदिं नं भव्यता तनेगु ज्या जू ।

वज्रवाराही जात्राबलय् मुख्य याना: थुलि गांया मनूतय्सं तच्चकं भव्य रूपं छँखा पतिं छगू बलि बिया माने याये मा:गु खनेदु ।

१. त:ख्य:	८. तसर
२. मारखु	९. फुर्क्या
३. कुन्छाल	१०. रुपस्या
४. कूल गां	११. पापुङ्ग
५. वज्रवाराही	१२. टिस्टुङ्ग
६. सानौ फागल	१३. लिलि ख्य:
७. ठूलो फागल	१४. पोडे गां

वज्रवाराही जात्रा स्वन्हु यंक च्वय् न्ह्यथनागु गांसय् भव्य कथं भव्य न्यायेका: पाहाँ स:ता: हनेमा:गु चलन दु ।

वज्रवाराही स्वन्हू यंक जुइगु जात्राय्

१. छ:कुहाँ बिज्याइगु - बैशाख पुन्ही न्ह्य: वा ल्यू कथं दक्कले सत्तीगु शनिश्चरवार
 २. मू जात्रा - आइतवार
 ३. छ: थाहां बिज्याइगु - सोमवार
- थ्व जात्राय् थीथी जातिया थ:थ:गु ज्या दु । उगु ज्याया लागिं थीथी गुथिनं स्थापना यानात:गु खनेदु ।

१. धामीतय्गु गुथि - आचा जातिपिं संलग्न जूगु जात्राया मू ज्या
द्यःपूजा यायेगु द्यःयात पञ्चबलि, बलि आदि बीबलय् पशु
पंक्षीतय्त मू हायेका बीगु
२. बाराही गुथि - ज्यापुपिनिगु गुथि
३. कुमारी गुथि - ग्वाला । गोपालिपिनिगु गुथि
४. भैरव गुथि - ज्यापु जाति । धामी
५. इन्द्रायणी गुथि - लवत वा श्रेष्ठ
६. गणेश गुथि - जोशी
७. वेत्ताः गुथि -
८. श्री ५ या सरकारया गुथि - नाय्
९. पोडे गुथि - द्यः हइपिं, बलियात पालीपिं
१०. खः गुथि - ज्यापु । गोपाली
११. अबीर गुथि - ठकुरी
१२. साखःति.गुथि - शाक्य
१३. थीथी बाजंतय्गु गुथि - थःथःगु अलग अलग गुथि दु ।
क) धिमय् बाजं - ज्यापु व गोपालि जाति
ख) पञ्चबाजं - दमाई जाति
ग) नाय् बाजं - नाय जाति
घ) म्वायलि - जोगी

प्रत्येक गुथि दुने २०-२५ म्ह गुठियारत दयाचवनी । गुठियारपिनि
थःथःगु हे गुथिया अनुशासन पालना यायेमाः ।

थ्व जात्रा जातिय दृष्टिकोणं स्वयेगु खःसा पुरोहित स्तरया अचाजु
निसें कयाः नाय् पोडे, दमाई, तक्कनं थःथःगु ज्या कथं ब्यति कायेमाःगु
खनेदु । अथेतुं हिन्दू व बौद्ध धर्मात्मवी नं थ्व जात्राया गुथि दुने खनेदु । अथे
धैगु नेवाःत जक मखु ठकुरी जाति नं थ्व जात्राय् गुथि हे स्वनाः जात्राय्
उपस्थित जुयाच्वंगु दु । गुथिया गुथियारपिं फुक्क मकवानपुर उकिनं च्वय्
न्त्यथनागु गांगायापिं जनता जूसा साखःति त्वंकीगु गुथि छगू धाःसा काठमाडौंया
शाक्यपिसं न्ह्याका वयाच्वंगु खनेदु ।

काठमाडौंया शाक्य परिवारया साखःति त्वंकेगु गुथि जूगुया मू हनि
मेला जात्रा उत्सव जुइबलय् थाय् थासय् वनाः उपस्थित भक्तजनपिन्त फछिं
नेपाः तजिलजिया एक्समूना

फतले प्याःचागु लंकेगु धयागु धार्मिक ज्या खनेगु याः ध्व हे फलस्वरूपं यें च्वंगु थुगु धार्मिक ज्या खनाः प्रभावित जुयाः वज्रबाराही जात्राय् नं अनुरोध याना जूवंगु खँ सी दु ।

श्री ५ त्रिभुवनया धाइमां सदानन्द कुमारी धयाम्ह ठकुरी मिसा टिस्टुङ्ग भेगयाम्ह खः । धाइमां जुयाली दरवारय् च्वनेगु जुल अथे जूसांनं वज्रबाराहीया जात्रावलय् टिस्टुङ्गय् वयाः स्वःवइगु जूगुलिं काठमाडौं व टिस्टुङ्ग भेग वा वज्रबाराहीया जात्रा नाप स्वापू दुम्ह व्यक्ति जूगुलिं दरवार दुने सम्पर्क दुम्ह छम्ह शाक्ययात थःगु गामय् जात्रा जुइवलय् नेवाःतय्गु परम्परा कथं साखःति त्वंका बीगु अनुरोध यासैलि उम्ह शाक्य वनाः साखःति त्वंकेगु परम्परा न्ह्याकेगु जुल गुगु परम्परा वया काय् छय्पिन्सं थौं तक्क न्ह्याका वनातुं च्वन ।

वज्रबाराही जात्रा-तान्त्रिक जात्रा

वज्रबाराही जात्रा छगू तान्त्रिक जात्रा खः । छः कुहाँ विज्याइ कुन्हु आचाजु धामी जुयाः तुयुगु जामा फिनाः तुय्गु हे लँ व वेताली चिनाः स्वांमा क्वखानाः छायेपा वज्रबाराहीया खड्ग ज्वनाः छः दुव्यूगु धकाः खड्ग खाकाः ज्वना वइ । खाःम्ह धामीयात तालय् हंकेगु कथं न्ह्यःने छम्ह ल्यूने छम्ह ह्याउँगु लं फिनाः तुयुगु धोती चिनाः डबडब थाना वयेगु याइ । उगु खड्गयात वज्रबाराही देवीस्थानय् स्थापना यायेधुंकाः खायेगु दीगु याइ । धार्मिक जूम्ह आचाजु मूम्ह जुयाः छः कुहाँ विज्यागुया वहनी निसें पूजा यायेगु याइ । चान्हय् पूजा यानाः वज्रबाराही छःयात बलि बीगु सुरु जुइ । बलि बीबलय् दक्कले न्हापां सरकारी पूजा धकाः नाय् जातिं हःगु पूजा यानाः म्येय्पात स्यायेगु याइ जोगे पूजा यानाः बलि बीगुली वज्रबाराही छःयात छज्वः छज्वः न्ह्यःने तयाः बलि बीगु परम्परा दु । थथे बलि बीगुलिं छज्वः छज्वःलय्

(१)

सर्प

(२) चखुँचा (३) वुइँचा (४) व्याँचा (५) न्या (६) म्येय् मू हायेका बी अले पोडेतय्सं स्यायेगु ज्या याइ । थथे बलि बीबलय् छज्वः छज्वः दुपिं भंग पछि गथे सर्प, न्या, चखुँचा, वुइँचा आदि । छज्वः नापं तयाः मू हायेक धुंकालि भालेयात स्यानाः भोग बिइ पोथीयात त्वःता छूवइगु चलन दु । थुकथं स्वयेबलय् मांबां स्यायेगु चलन मदुगु खनेदुसा छज्वः नापं तयाः छम्हसित स्याना हिंसा यानाः ज्वःयात फायेगु चलन खः । गुगु थौकन्हय् छज्वः छज्वः

स्यायेगु परम्परा यानातःगु खँय् विभिन्न धापू खनेदु ।

न्हापा न्हापा वज्रवाराहीया जात्रा जुल धायेव जंगलय् वनाः मनू बलि बीगुया लागि माः बनेगु चलन दु । छः कुहाँ बिज्याइ कुन्हु माला हयाः तयातहा चान्हय् जुल धायेव बलि बीगु चलन दु धायेगु चलन दु । लिपा वनाः मनू बलि बीगु परम्परा मन्त उकिया पलेसा सर्प, न्या, वुँइचा, चखुं स्यायेगु परम्परा जुल धायेगु चलन दु ।

चान्हय् स्याःगु मेया लायात खासी तयाः अनहे तयाः दायेकेगु परम्परा दु । उगु ला दायेकेगु परम्परा न्हापां निसैं चलन खः । धयागु गुम्हं गुम्हसिया धारणा खः ।

न्हापा वज्रवाराही छः गुँचव्य लाना च्वंबलय् लाताम्ह मनू स्यानाः ला दायेका तःगु जःसि कुतुंबयाः गुगु आः वज्रवाराहीया थाय् दु अन लाः बल बहे थासय् आःनं मनू स्यानाः ला दायेकेगु याना च्वन धकाः धायेगु जुयाच्वंगु दु । सरकारया पूजा काये धुनेवं जनतापाखें दक्कले न्हापां गोपाली जातियागु निं पूजा कायेगु याइ ।

चव्य न्ह्यःथनागु बलि बाहेक पञ्चबलि व म्येय् दुगु हँय, ग्वंगः आदि पशु पंक्षीया बलि बीगु चलन दु । जनताया थःथःगु छँया भाकल कथं नं पञ्चबलि बीगु चलन दु । पञ्चबलि बिइ बलय् बलि बीम्ह मुख्य मनुखं तुयूगु धोति चिनाः आचाजुं मू हायेकेगु याइ । पोडें स्यायेगु याइ अले पूजा व्यूम्ह थाकलिं ग्वंपय् थ्वं तया हायेकूगु ज्या याना च्वनी । पूजा मूलत मिजपिसं जक यायेगु याइ पञ्चबलि बीगु याना च्वनीबलय् नाय् जोगीपिन्सं थःथःगु बाजं छगू कथंया तालय् थाना च्वनी । थये पूजा यानाः बाजं थाया च्वन धायेवं वज्रवाराहीया गंछि छःपिं जुइपिके छः दुबिनाः बलि व्यूगु जनावर वा भोगया हि त्वनेगु याइ वज्रवाराहीया गंछि छःपिं धायबलय् -

१. वाराही
२. कुमारी
३. गणेश
४. भैरव
५. इन्द्रायणी
६. बेताः

आदि खः । थुपिं छः दुबीपिं व्यक्तिपिं सुचि नियम कथं हनेमाः ।

नेपाः तजिबजिया प्यखँकुआ

आचातयस् मू हायेका बी, पोडेतयस् बलि व्यूग प्राणीया हिनू माल बिइ अले
द्यः वःपिन्स हि त्वनेगु याइ । पञ्चबलि वा बलि बिया च्वंतले द्यःदुब्यूपिं
मनूत खाना च्वनी । बलि बिइ सिधल धायेवं छम्ह छम्ह द्यःपिन्त वाराही
वयाच्वम्ह मनूखं घयपुनाः छसिकथं अर्थात् बेतुः निसेंया द्यःया शक्ति थःके
साला काइ वारहीया द्यःया शक्ति धामी लाना कयाः द्यःवःपिन्त शान्त याना
छ्वइ ।

द्यः वइपिं मनूत गुबले खाइ धयागु सी मदु । मू जात्रा अर्थात बलि
बीगु दिनय् न्हिच्छि यंक बलि जक बिया च्वनीगुलिं न्ह्यागु नं इलय् द्यः दुब्यू
वयेफू । द्यः दुब्यू वल धायेवं वज्रवाराहीया ल्वहँया मूर्तिपाखे वनाः बलि बी
द्यःया मूर्ति लिउने लाका खाना च्वनी ।

थौतक्कनं मनू भोग

न्हापा न्हापा मनू बलि बिइ माःगु आः वयाः उगु बलि बीगु परम्परा
मदयेधुंकल । तर नं जन विश्वास कथं मनू बीगु मयाःसां जात्राया स्वन्हू दुने
छम्ह नं छम्ह मनू सीगु व उम्ह सीम्ह मनू देवं थःथम्हसिनं भोग काःगु धायेगु
चलन दु । गुबलय् तक्क अथे जुयाच्वन, उबलय् तक्क द्यःया सतदनी धायेगु
चलन दु ।

मेमेगु इलय् स्वभावत व दुर्घटनां मृत्यु जूसां छुं वास्ता मदु स्वगतिं
मृत्यु जुल धायेवं जूसां नं जात्रा स्वन्हू उलिमछि गां मध्यय् छम्ह जक व्यक्ति
विरामी जुयाः वा अकालं मृत्यु जूसां नं देवं भोग काल धायेगु चलन दु ।

थुगुसी जूगु जात्राय् छगू दुर्घटना जुल । व गथे धाःसा द्यः थाहाँ
बिज्याइ कुन्हु आचाजुपिसं होम यानाः पूजा याना च्वन । मनूत तच्चतं
हूल । वज्रवाराही द्यःया न्ह्यःने छगू फल्चा दु, उगु फल्चा नापं पखाःचा
दु । उगु पखाःचाय् दना स्वया च्वम्ह मनू अपरभूत कुतुं वनाः खुसि
क्वय्च्वंगु ल्वहँतय् लानाः घाःपा जुल मुछ्या जुल । विरामीयात नापसं च्वंगु
सार्वजनिक वज्रवाराही अस्पतालय् यंकल छुं भचा लिपा मृत्यु जुल । जनतायात
धायेत लं दत वज्रवाराही द्यःया शक्ति मफूनि मनू भोग हे काल वास्तविक
मनूया हुलया कारण मछिंधाय् च्वनाच्वंगुलिं कुतुवनाः दुर्घटना जुल मखु
थासय् ल्वहँतय् लात सित थुलि भवितव्य खः ।

देवं चःति पिकाइगु

न्हिच्छि च्छि देवं भोग काये धुकल धायवं द्यःपिं तच्चतं त्यानुइ

धायेगु चलन दु । न्हिच्छि चच्छि यंक बलि व्यूगु वाहाँया हि त्वना: द्य:जूपिं न्यलीगु धायेगु नं चलन दु । द्य:दुव्यू व:पिन्सं बलि व्यूगु बलिया हि त्वनीगु दम्बसिनं खँ । लिपा वना: अपिं न्यलेगु नं जू । वास्तव्य हि त्वनेगु वाहेक द्य:कुहाँ विज्यासां निसें द्य:व:पिं थ:गु दैनिक आहारा छुनं नयेगु याइमखु । द्य:थाहाँ विज्याका जक नयेगु याइ । अथे जूगुलिं न्हिच्छि सना जुया: हाला जुया: थ:के दुगु शक्ति, कम जुया: कमजोर जुइगु नं स्वभाविक ख: ।

वज्रवाराही जात्राया द्य: कुहाँ बिज्याइवल्य वाराही, कुमारी, भैरव व इन्द्रायणीया प्रतिकया रुपय छपु छपु ध्वाँय् थ:थ:गु गुथि हयेगु चलन दु । गुगु ध्वाँय् ता:हाक:गु पंया कथि ख: उकी च्वय् कुमारीया ह्याउँगु भैरव व इन्द्रायणीया हाकुगु व बाराहीया सियूगु च्वा:मो छगू छगू व काप: छकू छकू चिनातइगु ख: । उगु ध्वाँय् यंका: वज्रवाराही द्य:या जवपाखे प्यकुने प्यपु ध्वाँय् तीगु याइ । द्य: कुहाँ बिज्याय छन्हु न्ह्य: शुक्रवार कुन्हु वज्रवाराही द्य:या देपापाखें च्वं न्हापायागु य:सिं स्वथला: न्हुगु य:सिं थनेगु ज्या याइ न्हापायागु य:सिं सरकारं व्यूम्ह म्येय्या ला दायेकेत सिँया रुपय् छयलेगु या:सां जात्राबलय् थ:गु य:सिं तक्क अर्थात् मेगु जात्रा मजूतले थनेगु याना तइ ।

मू जात्रा जोछि व द्य: थाहाँ विज्याइ कुन्हु न्हिच्छि द्य:या न्ह्य:ने होम याना च्वनी बैशाख महिनां वनं तच्चकं निभा: त्व:गु इलय् अतुत रुपं सिँ तया: अनेक दुया: होम याइगुली ल: ततं मिया राप कम यानातुं च्वनी ।

द्य:थाहाँ बिज्याइ कुन्हु च्वाम्ब: खानात:गु बाराही, कुमारी, भैरव व इन्द्रायणीया, प्रतिकया ध्वाँय्लय् च:ति कना च्वनी । जनधारणा अनुसार द्य:पिनि जात्राय् त्यानुया: च:ति हा:गु धायेग चलन दु । गुलिं गुलि च्वा:म्बलं च:ति हाल उलि जात्रा वांलागु द्य: प्रसन्न जुल धायेगु चलन दु । छम्ह मनूया अनुभव थन लुमंके बह:जू ।

जात्राबलय् अर्थात् द्य: थाहाँ बिज्या: कुन्हू बाराहीया ध्वाँय् स्वयं च्वना: होम या:गु जात्रा स्वया च्वनागु थ:म्हं छम्हं मो ल्हुये थें जुइक प्या:गु धका: न्यंकल ।

मिजं मनु वनं मचाम्ह मखु अर्थेतुं उलि वुराम्ह नं मखु वयागु धापू न्यना: ध्वाँय् च्वय् स्वयां च्वाम्ह: धा:थें ल: लुना त:गु थें वा नकतिनि सँ ताहा:पिनि म्व:ल्हुया लखें लिक्का सँ पीत ठिक जूगु थें च्वना: ल: तिकि नेपा: तजिलजिया प्यखँगुना

तिकि नना च्वन । वहेका: द्य:या शक्ति थुलि व:गु धयागु वांलाक व:गु मदुनि धका: धाल ।

मनू नं हि त्वना च्वंगु नं खन तर मेमेगु द्य:पिनिं प्याखनय् द्य:या ख्वापा: पुनात:पिं द्य:या रुपपिं मुनूतयसं ख्वा: उला: छुं भचा हि त्वनीगु स्वये ख्वापा: मपुसे साधारण मनू नं द्य:या मूर्ति भोग व्यूगु बाहाँया हिनुलिं तप्यंक हि त्वनीगु वज्रबाराही जात्राया अलग हे विशेषता ख: । अथेतुं ध्वाँय् थनात:गु च्वा:म्बलय् च:ति तिकि नना च्वनीगु नं न्हूगु खँ व वज्रबाराही जात्राया विशेषता ख: ।

न्हिच्छि चच्छि मि च्याका: होम याइगु मिइ ल: ततं स्याना च्वनीगु कारणं वाफ जुया: च्वा:म्बलय् थात अले ख्वाउँया: वाफ ल: जुया: तिकि नन जुइमा: । हानं खुसि नापसं दुगुलिं निभा: व मनूया राप लाना ल: वाफ जुया थाहाँ वना: वहे वाफ ख्वाउँया ल: जुया तिकि नन जुइफु । हानं उलिमछि सिमा ह: दु सिमाया सिँत्वा: दु गनं अथे खने मदु ।

छयों ग्वलं प:खा: दनी

मू जात्रां न्हिच्छि सरकारी पूजा चान्हय् व सुथय् याना: सिधल धायेवं गां गांयापिं जनता जनार्दनया छेंखा पतिं गुम्हसियां पञ्चवली, गुम्हसियां दुगु गुम्हसियां हँय् गुम्हसियां ग्वंग: बलि बिया पूजा यायेगु याइ । आचाजुं पूजा याना: मू हायेका बिइ धुनेवं पोतय्सं स्याना: छयों ग्व: द्य:यात हे छायेगु याइ । म्ह जक पूजा व:पिन्त लित बिया छवयेगु याइ । १३ गू १४ गू गांया जात्रा जूगुलिं उगु गांया प्रत्येक छेंखा पतिं छम्ह छम्ह जक बलि बीगु जूसां नं दवलं द्र: हिंसा जुइगु जुल गुलिं हिंसायात व फुक्क छयों द्य:याथाय् तइबलय् मे छयों, दुगु छयों द्य:याथाय् त:तं प:खा थें जुया फुक द्य:हे खने दैमखु । गुलि छयोंया प:खा तजा: जुइ उलि जात्रा भव्य धायेगु चलन दु ।

स्याये धुंकूम्ह दुगुया नुग: हानं मू हाइ

सरकारपाखें व्यूगु जात्राया दुगु निम्हसितं चान्हय् व न्हिनय् द्य: पूजा यानालि बिया: नुग:यात लिक्था: पूजा याइ । थ्व न्हिनय् नं पूजा यायेमा: । उगु नुग:यात ब्व:ताय् तया: ह्याउँगु कापतं त्वपुया तइ । जोगेलय् विभिन्न पूजासामान दुई धुनेवं नुग: दुगु ब्व:ता मू आचाजु वा धामि थ:गु मुलय् तया: मन्त्र ब्वनी, मन्त्र ब्वनेगुली धामिया क्वसं च्वंम्ह आचाजुं छग: छग: याना: आखे मन्त्र ब्वना: बियातुं च्वनी । मन्त्र ब्वनीगुली भाषा ल्हाइगु व डवडव,

ताः थाइगुली ताल पाः । छकले लिपां मुलय् तयातः गु नुगः दुगु ब्वताः दना ज्वनी मन्त्र ब्वं ब्वं धामिनं खायेगु याइ खाखां हे ब्वताय् च्वंगु नुगः न सना है अले दुगु जीवन्त जुल धयागु भानय् होमय् दुया छवइ ।

तान्त्रिक दृष्टिकोणं उगु नुगः यात म्वाका हयाः होमय् आहुति बीगु खः तर वास्तविक यात दृष्टिगत याना स्वल धाः सा खाना च्वंम्ह वा सना च्वंम्ह मनूया ल्हातय् दुगु वस्तु नं सनीगु स्वभाविक खः । अथेतुं सना च्वंम्ह धामिया ल्हाती च्वंगु दुगुया नुगः नं सनिगु स्वभाविक मखु मजू ।

पञ्चवली सिधय्का याइगु थ्व पूजा धुंका बलि बीगु याइमखु । नुगः मूहायेकेगु पूजा याइबलय् वज्रवाराही छः या थाय् पसूका चिनाः जोगेया मि च्वं च्वं हयेगु याइ तर उगु पसूका मि नैमखु धायेगु धारणा दु । मिया रापं चनीनं मखु धैगु धारणा दु ।

नः धाः सा नैगु नयेमत्य धाः सा मनैगु मू भ्वय्

मू जात्रा कुन्हू दक्व पूजा-सिधयकाः बहनी छः छः वः पिं आचाजुपिं व विशेष विशेष व्यक्तिपिं च्वनाः वज्रवाराही छः या थाय् भ्वय् नयेगु चलन दु । आचाजुपिसं मन्त्र ब्वं ब्वं नैगु भ्वयल्य् आचाजुं धाः थाः थें नयेमाः । मन्त्र ब्वं ब्वं न धाः सा दकसिनं नै मन्त्र ब्वं ब्वं नये मते धाः सा नैमखू । भ्वय् स्वयां पूजा कथं काइगु थ्व भ्वय् भिंगु खः धायेगु चलन दु । नयेगु स्वयां मन्त्र अप्पो ब्वना विधि याइगु भ्वय् खः ।

वूगु जा व लां वज्रवाराही छः यात भुन

छः थाहाँ विज्याइकुन्हू जात्रा न्याः गु गां गांमय् वनाः थ्वकी मूना हयाः गुलि जाकि दुगु खः जा थुइ । मू जात्राया चान्हय् स्याः म्ह मेया ला मू भ्वयल्य् तयेगु याः सा सरकार पाखें व्यूगु हिनय् स्याः म्ह मेया ला दयेकेगु याइ । ला व जा निगुलिं वुत धायेवं आचाजुपिन्सं पूजा यानाः मू जात्रावल्य् बलि व्यूगु वाहाँया छूयोया पः खाः लिकायेगु याइ व फुकु छूयो पोतय्सं यंकाः छकू क्वथाय् फी यंकेगु याइ जात्राया प्यन्हू लिपा प्यम्ह आचाजुं पिन्त छः वः पिन्त व पोतय्त भागं थछि इनाबीगु याइ । सी कायेमाः पिं नेवाः तय्त गर्धन लिक्काः छूयो लित बिया हइ । दुगु स्याः पिन्त दुगु छूयो लित बीगु चलन मदु । प्यन्हू लिपा वहे छूयो हयाः छेंछें सी कायेगु याइ ।

छः छः जुपिन्त व्यूगु ला व छूयो थः थः गु गांमय् च्वपिं फुककसिया छें छें वनाः प्रसादया रूपय् इनाबीगु चलन दु । उगु प्रसाद नल धायेवं प्वाः स्याः गु नेवाः तजिलजिया प्यखंगुना

छयों स्याःगु ल्वय् लाइगु धायेगु चलन दु ।

छयों लिकाःगु वज्रवाराहीया द्यःयात आचाजुपिसं जा थुयाः म्येय्या ला दयेकाः पूजा यानाः उगु जा व लाः द्यःया म्ह छम्ह छम्ह भुनावीगु चलन दु । द्यःयात जा व लां भुने धुन धायेवं उम्ह द्यःयात पूजा नं याये मज्यू अथे तया तयेगु याइ ।

मू मू द्यःद्यःपिनिगु वल्चा :

जात्रा जुइ न्ह्यः आचाजु, वाराही, भैरव, कुमारी व इन्द्रायणी द्यः दुवीपिनिगु लागिं वज्रवाराही जंगलया छमा-छमा सिमा श्री ५ या सरकारं बिइ । सिमा पाला सिं जक दुइत छयलेगु जूसा सिमाया कचाकचा वज्रवाराही खुसि च्वय् वज्रवाराहीया न्ह्यःने जवं खवं छगू छगू वल्चा दयेकेगु याइ । उगु वल्चाय् जात्राया लागिं सिमा दुपिं द्यःद्यः जुइपिनि छगू छगू तःतग्वगु त्यप जाय्क थ्वं तयाः उगु वल्चाय् द्यःस्थापना याना तयेगु याइ । जात्रा ज्वछिं थुमिसं वहे वल्चाय् च्वनेमाः । छेंय् लिहां वने मज्यू नापं जात्रा ज्वःछि वल्चाय् सुं दुहाँवसा अमित द्यःया प्रसाद धकाः थ्वं त्वंका हयेमाः । द्यः कुहाँ विज्याइ कुन्हु तये हःगु उगु त्यप द्यः थाहाँ विज्याइकुन्हु पूजा याना त्वपुना थःथःगु छें लित यंकेगु चलन दु ।

द्यःथाहाँ विज्यागु प्यताः न्याताः इलय् पाखे आचाजुपिसं पूजा यानाः वज्रवाराही द्यःयात भुंकातःगु ला व जा द्यः याथाय् च्वय् तयातःगु स्वां “जात्रा सफल जुइमा न्ह्याइपुमा, रक्षा यायेमा” धकाः आदि भाषा ल्हानाः ह्वला हःगु भक्तजनपिसं कयाः नइ गुम्हसिनं प्रसादया रुपय् कायेगु याइ ।

आचाजुपिनि दयेकातःगु म्येय्या ला नं वहे नापनापं भक्तजनपिन्त प्रसादया रुपय् इनेगु याइ । उगु जा ला विभिन्न तःल्वय् चिल्वय् पाखें मुक्त जुइ धाइगु धारणा दु ।

थथे जा ह्वलाः ला इना च्वनीबलय् लाक्क वाराही, भैरव, कुमारी, इन्द्रायणी, गणेश, वेताः आदि द्यःवःपिं मनू द्यःनापं च्वना खाना च्वनी थथे खाना च्वनीबलय् वज्रवाराही द्यःया देपापाखें छयः थ्वं घःद्यः कुहाँ विज्याकुन्हु निसें भैरव द्यः धकाः स्वनातःगु जुइ उगु थ्वं घःलय् च्वंगु थ्वं पोया नायोनं पात्रय् थिनाः द्यःपिं छम्ह छम्हसित त्वंकेत स्वइ सुनाथ्व त्वनी मखु लिपा वाराही पोयात थःम्हनिं त्वंघकाः संकेत बिइ वाराहीया वचंकथं पोडेनं पात्रय् च्वंगु थ्वं त्वनी वहे चिपगु थ्वं फुकक द्यःपिन्त पोनेहेतु त्वका बी त्वनं

त्वनी । अथेतुं थ्वं नं प्रसाद कथं पोनें ह्वला वी ।

खतय् दुने मनू च्वनाः जात्रा

द्यःवयाच्चपिं फुकसित वाराही छम्ह छम्हयाना थःम्हं घय्पुना कयाः फुक द्यःपिनिगु शक्ति थःके दुबिया काये धुन धायेवं, वाराही जुयाच्चम्ह मनू खानातुं हे खतय् च्वंवनी थ्वं स्वयां न्हापां पोडेनं दक्व द्यःपिन्त व भक्तजनपिन्त थ्वं वी सिधयेवं वज्रवाराही द्यःया जवपाखें दिकातःगु सिं व ली. नं दयकातःगु खतय् वनाः च्वं वनी । वयागु मुलय् न्हापां द्यःकुहाँ बिज्याकुन्हु धकिं तयाहःम्ह वज्रवाराही द्यःया धकिं मूर्ति थःगु मुलय् तइ अले दक्व द्यःया शक्ति कायेधुंकूम्ह वाराही द्यःनं वनाः वहे खतय् च्वं वनी । पोया नायो व वाराही च्वने धुंकल धायेवं ठकुरीपिन्सं खतय् अबीर स्वां ह्वलाः सिन्दुर जात्रा याइ अले खः क्ववुयाः वज्रवाराही थासं थत यंकेगु याइ । पापुङ्ग छगू गांमय् जात्रायाइ । पापुङ्गय् जात्रा याइगु जूगुलिं द्यःखः गन गन हैगु खः अनयापिं मनूतय्सं द्यःया गमय् द्यःजक पूजा याःवइ बली बीमखु बली खतय् हे बीगुयाइ । थये खतय् बली बीबलय् दक्कले न्ह्यःने च्वंगु खतय् दुने च्वंम्ह पोडेनं हि त्वनेगु याइ । थ्व धुंकाः वाराहीयात वी वाराही नं खतय् च्वनाः हे हि त्वनी ।

द्यःकुहाँ बिज्याइबलय् खड्ग ज्वना वःम्ह आचाजु दक्कले न्हापां वयां खड्ग स्वनेगु जूसां द्यःथाहाँ बिज्याइबलय वज्रवाराही द्यःयाथाय् च्वंगु खड्ग कयाः दक्कले लिपा वनी । द्यःयाथाय् सुनसान जुइक सुहे च्वनीभखु । द्यः यंकू लिसे व थासं पसः थनेगुया नापं मनूत नं वना छूवइ ।

पापुङ्गय् जात्रा याये सिधल धायेवं द्यःखः पोत्वालय् च्वंगु द्यःछें पोतय् नकिपिसं द्यःयात लसकुस यायेधुंका पोडेनं वाराहीया शक्ति थःम्हसिके कयाः द्यःयात द्यःछें पूजा याना तयेयंकी । खड्ग नं अनहे तयाः थःथःगु छेंय् लिहाँ वनी ।

जात्रा बांला बांमलाः स्वयेगु

वज्रवाराहीया जात्रा सुनानं बांला धायेवं बांलाइगु सुनानं बांमला धायेवं बांमलाइगु मखु । स्वयम् द्यःवया धाःवइगु संकेत व्यू वइगु धायेगु चलन दु । थ्वं संकेत वा धाःवइगु सीकेगुया लागि पोत मध्यय् न्हाय्पं ख्वाँय्म्ह पो वज्रवाराही द्यःया थासय् च्वनीगु याइ । चच्छि अनहे बितय् यायेमाः धायेगु चलन दु । चान्हय् देनाच्च्वंम्ह ख्वाँय्म्ह पोयात द्यःहे वयाः थ्व बांला थ्वथ्व बांमला वा जात्रा न्याःगु छें मध्यय् सुना सुनां बलि ब्यू व मवःगु नेपाः तजिलजिया एपखेलुणा

खँ धाः वइ धायेगु चलन दु । देवं बांलाः धाःसा जात्रा बांलाः देवं बांमलाः धाःसा बांमला धायेगु चलन दु । चान्हय् देनावःम्ह च्यामखलः वनाः जात्रा बांलाः बांमलागुया नापनापं पञ्चवली व्यूपिनापं द्यः प्रशन्न जूगु वली व्यू मवःपिन्त वली व्यू मवः धका गांगामय् वयाः धाः वनेगु याइ ।

लिखँ :-

वज्रवाराही खुसि सिथय् तुं द्यःपिनिगु जवं खवं सिँ थनातःगु द्यःया च्वय्पाखें जंगलया थीथी स्याउलाया नापनापं स्वां छुकातःगु मूर्तिंया आकार मदुगु ल्वहँ ग्वःचा जक थाहाँ वयाच्वंगु हे वज्रवाराहीया मूल स्थान खः । द्यःया खुसि लिउने तःधंगु जंगलया पहाड दुसा न्ह्यःने च्वये लाक्क तःधंगु चौर दु । आपालं द्यःद्यःपिं पाहाडया च्वकाय् विराजमान जुयाच्वंगु दुसा थ्व वज्रवाराही द्यःखुसि च्वसं खोंचय् लाना च्वंगु दु । जवपाखे कुन्छाल गांया वा मेमेगु गांया पिनि मसान दुसा द्यःपूजा याइपिन्त च्वनेत द्यःया न्ह्यःने छगू व द्यःया देपापाखें छगू फल्चा दु द्यःयापाखें ख्यः वनेथाय् छगू न्हूगु फल्चा दु । भक्तजनपिन्सं द्यःयात इलय् वलेय् छानातःगु तग्वः चिग्वःयाना छमाःचा गं दु ।

मकवानपुर स्थित थ्व वज्रवाराहीयात वादेया वज्रवाराहीयामां धायेगु चलन दु । तर वज्रवाराही न्ह्यःने छपा ल्वहँया अभिलेख (तज्यानानं च्वने धुकल) यात सुरक्षित कथं दयेका तयातयेगु याःना तःसा अभिलेखं जि उलि पुलांगु मखु धका धायेगु याना च्वंगु दु । जंगलय् च्वंगू अभिलेखला भन हे पुलां मखु धायेगु वाध्य यानाच्वंगु दु । न्ह्याथेजूसां जनश्रद्धा दु भक्ति दु, भाव दु, नापनापं आस्था व विश्वास दु । थ्वं हे द्यःयात माःगु दक्कले तःधंगु गुण खः । ●

येंयाःबलय् पिदनीगु प्याखं

प्याखनय् ह्यःपिं जाति मध्ये नेवाः जाति छगू प्रमुख खः । नेवाःतय् धर्म व संस्कृतिनाप प्याखं न्ह्यानाच्चंगु परम्परा थौं जक मखु, मल्लकासिवें न्ह्यः हे व्यापक रूपं खनेदु । देगः, फल्चा दयेकेगु निसें कयाः महायज्ञ, विवाह, ब्रतबन्ध आदि सांस्कृतिक पर्वय् तक प्याखं थनेगु मल्लकालय् आपालं खनेदु । उगु इलय् छःपिनि नाटकत क्यनेगु जू । थ्व परम्परा आःतक न्ह्याना हे च्वनंगु दिन ।

नेवाःतय् प्याखं अप्वः यानाः गुंपुन्ही जःछि व येंयाः जःछि पिदनीगु जू । गुंपुन्ही जःछि नेवाःतय् अप्वः बस्ती दुगु थासय् आःतक नं प्याखं क्यनेगु जुयाच्चंगु दुसा येंयाःबलय् परम्पराकथं पिदनीगु यानाच्चंगु भावनृत्य प्याखंतय् धल थथे दु -

१) दीप्याखं वा देवीप्याखं	-	किलागः
२) तानाकिसि	-	किलागः
३) सवःभकु	-	हल्चो
४) लाखय्	-	मजिपाः
५) त्रिपुराश्वर	-	ज्याथा
६) मुरासुर	-	ज्याथा
७) रामचन्द्र	-	लालाछें, ख्वप
८) महाकाली	-	टौमढी, ख्वप
९) महाकाली	-	सुकुलढोका, ख्वप
१०) महाकाली	-	लासुकुढोका, ख्वप
११) महाकाली	-	खौमा, ख्वप
१२) महाकाली	-	वाचामरी, ख्वप
१३) महाकाली	-	भोटेबहाल, यें
१४) धारी	-	यें

थुपिं फुक्कं येंयाः ज्वःछि हनुमानधवाखाय् वयाः हाजिर जूवयेमाःगु परम्परा दु । किलागःया दीप्याखं न्याद्वःत्या दैं पुलां धइगु चलन दु । सवःभकुया प्याखं कर्नाटक जुजु नान्यदेवया पालनिसें शुरु जुलसा चलनचल्लीइ प्रचलन गेपाः तजिलजिया प्यखेंगुला

अमर मल्लया पालनिसें जुल । ख्वपय् त्रिपुरासुन्दरीया प्याखं ने.सं. ३६३ स हे प्पिदंगु खःसां दैय्दसं हुइकेगु प्रचलन लिपा ख्वपया सुवर्ण मल्लं याकल । थ्वहे प्याखं येँयाःबलय् ज्याथाया कुम्हातय्सं हुइकेगु यानाच्वंगु दु । ख्वपं वयाः येँय् हयाः प्याखं हुइकेगु प्रचलन आःतक नं येँयाःबलय् चलनचल्लीइ दनि । रामचन्द्रया प्याखंनिसें खुथ्वः महाकाली प्याखं ख्वपं येँय् हयाः प्रदर्शित यायेगु हे जुयाच्वंगु दु । ख्वपं हइगु प्याखं येँयाः ज्वःछि च्यान्हु येँया थाय्थासय् बासं च्वनाः बहनि जुल धायेवं प्याखं प्पिदनीगु प्रचलन छुं दै न्ह्यः तक खनेदु । तर आः यातायात साधनया सुविधां यानाः येँय् बासं च्वनेगु परम्परा न्हनावन । उकिं त्रिपुरासुन्दरी नं न्हापा ख्वपय् च्वंपिन्सं हे प्रदर्शित याइगु जुइमाः । उमि बासं च्वनीगु थाय् ज्याथा जुइ, लिपा ज्याथायापिन्सं हे उगु प्याखं न्ह्याका यंकूगु जुइमाः ।

मजिपाःया लाखेननि प्पिदनीगु लाखे प्याखं न्हापा ज्यापुतय्सं पिकाइगु खः । मजिपाः व लाखेननि लागाय् अप्वः हे बस्ति छिपातय् जूगुलिं लिपा ज्यापुतय्सं पिकाइगु लाखे छिपातय् जुइगु कथं हिल । छुं दै न्ह्यःतक लाखे जुइम्हेसित पूजा यानाः जलशक्ति थनेगु ज्या व मजिपातय् च्वंगु नासःद्यःथाथाय् वनाः चिलाख च्याकेगु ज्या ज्यापुतय्सं यायेगु यानाच्वंगु खः । अथेतुं तखति अजिमाया जात्रा छिपा जातिं न्यायेका वयाच्वंगु खःसा लिपा उगु अजिमाया जात्रा ज्यापुतय्सं यायेगु जुल अले छिपातय्सं खालि चिलाख च्याकाः चिलाख ज्वनेगु जुयाच्वंगुलिं आः वयाः पूर्ण रुपं लाखे पिथनेगु ज्या छिपातय्सं जक यानाच्वंगु दुसा तखति अजिमाया जात्रा खालि ज्यापुतय्सं जक यानाच्वंगु दु । शायद त्रिपुरासुन्दरीया प्याखं नं लिपा ज्याथाया कुम्हातय्सं पिथनेगु यानाहःगु जुइमाः । ज्याथाया कुम्हातय्सं येँयाःबलय् पिकाइगु खःप्याखं मध्ये मुरासुर प्याखं सुरेन्द्रवीर विक्रम शाहयां पालनिसें शुरु जूगु खः ।

निदै स्वदै न्ह्यःनिसें ज्याथाया कुम्हातय्सं पिकाइगु त्रिपुरासुन्दरी (त्रिपुराश्वरी) व मुरासुर प्याखं येँयाःबलय् पिकायेगु त्वःताछ्वःगु दु । अथेहे धारी वयाः बाजं थायेगु प्रचलन नं त्वःतूगु खनेदु ।

येँयाःबलय् प्पिदनीगु प्याखं अप्वः धइथें परम्परा न्ह्याका यंकेत बाध्य जुयाः पिथनाच्वना धकाः प्याखं खलःतय्सं धायेगु याः । सरकारं बियातःगु आयस्था थौंकन्हय्या बेसाः भावं तच्चकं मगाःगु गुनासो उमिके दु । तानाकिसियात बियातःगु सरकारी आस्था चिलाखय् चिकं तयेत तक हे मगाःगु खँ न्यनेदु धाःसा ख्वपं वइगु महाकाली प्याखंयात बियातःगु आस्थथा

बसं वये वनेत जक गाःगु, मेमेगु खर्च यायेत मगाःगु खँ न्यने दु । थुकथं बेसाःभाः थिके जूकथं माक्व आयस्था कायेगुइ मजिपाः लाखे खलः सक्रिय दु । उमिगु आयस्था थुगुसि ८०००/- दां थ्यगु दु ।

थुकथं यँयाःबलय् पिदनीगु दक्व प्याखंतय्त थौया बेसाःभाः कथं उमित नये च्वने अले पूजा यायेत गाक्क आयस्था सरकारं लाखेयात थें बिइ आवश्यक जू । मखुसा त्रिपुरासुन्दरी, मुरासुर प्याखं न्हना वथें मेमेगु प्याखं नं न्हना वनेत बेर मदु । धारीतय् खँय्ला सीबले काजक्रिया याइबलय् न्हय्नुमा काः मवः थें जातीय पेशायात त्वःतेगु प्रवृत्तिं यानाः धारी जाति उपस्थित मजुसैं थःगु परम्पराया ज्या मयाःगु जुइफु, तर परम्परा हे न्हंका छवयेगु कथंया व्यवहार जुइगु गन तक ठीक जू ? थ्व विचारणीय जू ।

थुगुसि लाखे प्याखंयात न्हूगु बाजं (भुस्याः) व सँ छगू बाहेक वसः सरकारं ब्यूगु दु । अथेतुं दी प्याखंयात नं न्हूगु वसःया व्यवस्था जूगु दु । लाखेयात स्वदैय् छकः न्हूगु वसः बीगु चलन दु सा दीप्याखंयात फिदैय् छकः न्हूगु वसः बीगु चलन दु । अथेहे सवःभकु व छथ्वः महाकाली प्याखंयात वसः हिलेत सरकारं व्यवस्था यानाबिइगु जूगु दु । तर तानाकिसि व मेमेगु महाकाली प्याखंतय्त नं वसःया लिसैं ख्वाःपाः न्हू यायेमाली, तर आयस्था तसकं कम जूगुलिं उमिसं भ्वाथः जुइ धुंकूगु वसः व ख्वाःपाःत हिले फयाच्वंगु मदु ।

भाषा व संस्कृति ह्यःमि भाजु केशव स्थापित यँ महानगरपालिकाया नगरप्रमुख जुयाः त्याःगु दैय् यँयाः भःभः धायेकेमाल धकाः छगू अन्तरक्रिया जुल । यँयाःबलय् पिदनीगु प्याखंया हविगतयात स्वयाः वडा-वडा, त्वाः-त्वालय् वडाध्यक्षपिन्सं अनुरोध यानाः प्याखं क्यनेगु जुल । थ्व ज्यायात यँयाःबलय् पिदनीगु फुक्क प्याखं खलःपिन्सं बांलाःगु भाःप्यूगु खः । प्याखं खलःतय्त नं छुं भचा आर्थिक सहयोग नं दुगु खः । न्ह्याथें प्याखंया परम्पर । यँयाःबलय् त्वाः-त्वालय् लुइकीगु जुल । समाजय् भीगु संस्कृतिया प्याखंया परम्परायात भेले पुंकाः यकीगु जुल धकाः भलसा काःगु खः । लिपाया दैनिसैं थ्व यँयाःया प्याखंयात वडापाखें वास्ता यानाः लुइकेगु मजुल । परम्परा स्थायी रूपं न्ह्याकेगु जूगु खःसा भीगु यँयाःया प्याखं संरक्षण व सम्बर्द्ध जुइगु खः । ●

- न्हूगु विश्वभूमि, दँ ३ त्याः २८१, ने.सं. १११४ यँलागा ४

मजिपाः लाखय्

संस्कृत्य 'राक्षस' खँवःया नेपालभाषायाय विकसित रूप 'लाखय्' खँवः
खः । 'राक्षस' वा 'लाखय्' खँवःयात शब्दकोषकारपिन्सं अप्वः यानाः अर्थ ला-
हि नइम्ह, मनू लसि वःम्ह धँवा दुम्ह जीव धकाः अर्थ बीगु यानातःगु दु ।

नेवाःतय्गु सांस्कृतिक परम्पराय् 'लाखय्' खँवः आपालं प्रचलित खँवः
खः । उकिसनं लाखय् प्याखं नेवाःतय्गु सांस्कृतिक जनजीवनय् आपालं भेले
पुंगु प्याखं खः । लाखय् प्याखंया परम्परा संस्कृत नाटक वा संस्कृतपाखें
प्रभावित नाटक वा मल्लकालय् सृजना जूगु अप्वः धयार्थे नाटकय् पात्रत मध्ये
राक्षस गण धकाः छगू वर्गया पात्रया रूपय् नं प्रस्तुत यायेगु जू । नाटकय् राक्षस
गणयात पात्रया रूपय् प्रस्तुत यानाः खँल्हाबल्हा नं याकेगु नाटककारया थःगु
अभिव्यक्त जूसा नेवाः संस्कृति दुने खनेदयाच्वंगु लाखय् प्याखं खँल्हाबल्हा यानाः
न्ववाइम्ह लाखय् मजुसे भाव नृत्यकथं प्याखं ल्हुइम्ह जक खः ।

लाखय् प्याखं यँय जक सीमित मजुसे नेवाः वस्ती जुयाच्वंगु थाय् यल,
ख्वपनिसं कथीः नुवाकोट, दोलखा, बाग्लुङ्ग, भुवँत आदि थाय्थासय् पिदनीगु
यानाच्वंगु दु । ह्याउँक लं फिनाः ह्याउँगु सँ फँ फँ तयाः धँवा पिहँवःगु
ख्वाःपालं पुयाः प्याखं ल्हुइगु लाखय् प्याखं गुँला लाखय्, यँला लाखय्, ज्यापु
लाखय्, पोलाखय्, मिप्वाः लाखय्, भुवाः लाखय् आदि कथं पिदनेगु यानाच्वंगु
खनेदु । श्री ५ बीरेन्द्र वीर विक्रम शाहदेवया राज्याभिषेकया इवलय् थासं
थाय्था सांस्कृतिक प्याखं हयेगु इवलय् फिन्हय्ध्वः लाखय् प्याखं उपस्थित
जूगु खः । थुपिं लाखय् प्याखनय् मजिपाः लाखय् दुध्याःगु मद्दु । लाखय्
प्याखंयात नेवाः समाजय् छगू मनोरञ्जनया दृष्टिकोणं प्याखं ल्हुकेगु यानावःगु
दुसा लाखय्थात ल्वय् लायेकीम्ह, थाय् थासय्था रक्षकया रूपय् नं कायेगु
यानाच्वंगु खनेदु । छखे विघ्न याइम्ह जूसा मेखे सम्पन्नताया रक्षक कथं नं
कायेगु यानाच्वंगु दु । तच्चकं छँ मिं नयाच्वथाय् मिप्वाः लाखय् वल धायेगु
चलन दु । मिप्वाः लाखय् खंम्ह मनूया छँय् सम्पन्नता दुहां वइ धयागु
जनधारणा नं दु ।

लाखय्थाके दुगु भिंगु व मभिंगु निगुलिं गुणयात जनतां मभिंगुयात
निषेधित यानाः भिंगु पक्षजक सीमित यानाः लाखय्थात द्यःया रूपय् हनाः

प्याखं लहुइकेगु परम्परा यानाच्वंगु लाख्य प्याखं मध्ये छगू मजिपा:या लाख्य प्याखं खः । मजिपा: लाख्य प्याखं यँला शुल्क द्वादशीनिसँ यँला कृष्ण चौथीतक यँया (इन्द्रजात्रा) च्यान्हु पिनदीगु खः । थ्व च्यान्हुतक यँया थासं थासय् वनाः प्याखं लहुइकेगु याइ । थ्व बाहेक मजिपा: लाख्य प्याखं मेगु छुं नं इलय् पिनदेगु याइमखु । थ्व कथं स्वयेबलय् मजिपा: लाख्य व यँया:या क्वातुगु स्वापू दु ।

दक्कले न्हापां प्याखं पिनदेगु परम्परा :

इन्द्रजात्रा वा यँया:बलय् यःसिँ थनाः उकी ध्वजा ब्वयेकेगु धयागु इन्द्रया ध्वजा ब्वयेकेगु कथं कया वयाच्वंगु खः । इन्द्रया ध्वजा ब्वयेकेगु इलय् थीथी प्याखंया प्रदर्शन यायेगु परम्परा न्हापांनिसँ न्ह्याना वयाच्वंगु खः । भरतया नाट्यशास्त्र कथं दक्कले न्हापां प्याखं च्वये सिधयेकाः प्रदर्शित याःगु दिन इन्द्रध्वजमहोत्सवय् जूगु खः ।^१ इन्द्रध्वजमहोत्सवया परम्परा इन्द्रजात्रा वा यँया:कथं नेपालय् नेवाः संस्कृति कथं न्ह्याना वयाच्वंगु खः ।^२ थौतक नं थ्व उत्सवय् थीथी प्याखं प्रदर्शित यायेगु परम्पराय् मजिपा: लाख्य प्याखं छगू नं खः ।

मजिपा: लाख्यया पौराणिकता :

यँया मजिपा: त्वा:या लाख्यननि यँया ज्वःछिं प्याखं लहुइकेत पिनदीगु प्याखं लाख्य प्याखं मजिपा: त्वा:या नामं लाख्यया नामाकरण जूगुलिं मजिपा: लाख्य नां जूगु खः । थ्व मजिपा: लाख्यया प्याखंयात इतिहासकारपिन्सं गुणकामदेवया पालनिसँ प्याखं लहुइकेगु परम्परा न्ह्याःगु धकाः धायेगु याः ।^३ इतिहासय् गुणकामदेव धायेबलय् लिच्छविकालया जुजु गुणकामदेव (गुणदेव) व ठकुरी वंशया गुणकामदेव मध्ये ठकुरी वंशया गुणकामदेवया पालनिसँ मजिपा: लाख्यया प्याखंया परम्परा न्ह्यानावःगु खः ।^४ बजारय् खनेदयाच्वंगु दुरिस्ट पर्चाय् यँया: (इन्द्रजात्रा) बलय् पिनदीगु मजिपा: लाख्य भिंछगू शर्दिनिसँ न्ह्याना वयाच्वंगु धकाः उल्लेख यानातःगु खनेदु । अथेतुं मजिपा: लाख्यया किपा:हना सफुतिइ तलेजु भवानी नेपा: हःबलय् मजिपा: लाख्ययात तिङ्गलि मैदानं हःगु धकाः उल्लेख यानातःगु दु । अथेतुं भाषा वंशावलीइ मजिपा: त्वा:या नामाकरण जूगु व मजिपा: लाख्यया बारे थुकथं उल्लेख जुयाच्वंगु दु ।

देया पश्चिम पाखे छकू मजिपात नांया जरगा दु । अननिसँ छम्ह राक्षस न्हिं न्हिं यँया दक्षिणपट्टि शहरया कुनाय् लाक्क रञ्जितकार (छिपानी) मिसा छम्ह नाप यःत्यः जुयाच्वंगुलिं नापलाः बइगु जुयाच्वन । थ्व खँ वैश्य नेपा: तजिलजिया प्यखंगुना

ठकुरीपिन्सं न्यनालिं भिन्निम्ह ठकुरीपिन्सं जुक्ति पिकयाः मनूया रूप कयाः छिपानी मिसायात नापलाः वइम्ह राक्षसयात नापलानाः सत्य कबूल याकाः इन्द्रजात्राय् लाखय्या स्वरूप खाःपाः पुइकाः जात्रा याइगु जुल । वयात छैं नं दयेका बियाः उगु थाययात मज्झिमाः धकाः नां तयाबिल । ५

वंशावली कथं नं मज्झिमाः लाखय्या स्वापू इन्द्रजात्रानाप दुगु खनेदु । इन्द्रजात्राया परम्परा हे थज्याःगु कि प्याखं ल्हुइकेगु दिन हे जुयाबिल । थ्व परम्परा मज्झिमाः लाखय् प्याखं नं दुथ्याइगुलिइ छु अजू चायेमाःगु मदु । वंशावलीया खँ दक्क सत्य हे जुइमाः धयागु मदु । हानं वंशावलीया खँ दक्क भूठ हे जुइमाः धयागु नं मदु । इतिहासकारपिनिगु न्हू-न्हूगु अध्ययन, अनुसन्धानं न्हू-न्हूगु खँ पितबीगु जुसेलि वंशावलीया फुक्कं खँ सत्य जक मज्झिमाः मखुगु नं जुयाबिल । अथेतुं मज्झिमाः लाखय्या प्याखंयाबारे नं वंशावलीइ उल्लेख जुयाच्चंगु छुं छुं खँ पाय्छि मज्झिमाः बीगु अस्वाभाविक मखु ।

मज्झिमाः लाखय्या लोक बाखं :

लाखय् थें ज्याःम्ह मनूया ला-हि नइम्ह धकाः धयातःम्ह प्राणी येंया मनूतयगु बस्ती दुने गुकथं लात धयागु खँय् मज्झिमाः लाखय् प्याखं नाप सम्बन्धित व्यक्तितनाप स्वापू तयाः न्यनेकने यानाः स्वयाबलय् मज्झिमाः लाखय् मनूतयगु बस्तीइ थुकथं लात धयागु जनधारणा दु । वास्तव्य लाखय् जूगु नातां लाखय्या बस्ती मनूया बस्ती स्वयाः ताःपाःथाय् बुँइ जूगु खः, लिपा मनूनापया सम्पर्क मनू च्वनीगु बस्तीइ लाःवःगु खः धयागु जनधारणा अभ्र नं दनि ।

छम्ह ज्यापु त्यपूया म्हाय् छम्ह बाहेक सुं मदु । अभि थःगु बस्ती पिने बुँज्या याये ज्यूगु बुँ दु । निम्हं त्यपू ज्यापु नापं म्हाय्म्ह नं बुँज्या यायेत बुँइ वनीगु जुयाच्चन । मां-अबु वने मलाइबलय् म्हाय्म्ह जक याकःचा बुँज्या वनीबलय् छम्ह मनू वयाः ज्याय् ग्वाहालि बीगु जुयाच्चन । मां-अबु बुँ वनीबलय् सिबें म्हाय् बुँ वनीबलय् अप्वः ज्या सिधइगु जुयाच्चन । म्हाय् जक बुँइ वनीबलय् छम्ह ज्यापु पासा वयाः ज्या यानाबीगु जुयाच्चन । ज्या नं यक्व सिधइगु जुयाच्चन । व हे राक्षस जुयाच्चन । लिपा ज्यापुनी मैचाया ज्याय् ग्वाहालि यानाबीम्ह मनूया दथुइ मतिना जुल । अथे जुसेलि उम्ह मनू छैं च्वपिन्सं सुनानं मसिइक ज्यापुनी मैचानाप चैं वयाच्चनीगु त्वाः बाहाःयापिन्सं खन । तर मनू मखु राक्षसया रूपय् खन । थ्वहे खँ मैचाया मां अबुयात त्वाःयापिन्सं कनाबिल । उलि जक मखु मनूया रूप कयाः मैचिथाय् वःम्ह राक्षसं त्वाःयापिं मचात नं खुयायंकेगु जुल । थ्व खँ फुक्कं अबुम्हसित कना

बिइवं छन्हु अबुम्ह वनाः स्वःवंबलय् धाथें धँवा पिकयाः सँ जिरिङ्ग तयाः राक्षस थः म्ह्यायथाय् घनाच्वंगु खन । त्वाःयापिं फुककं जानाः राक्षसयात ज्वनेगु यात । राक्षसं मैचानाप बायेगु खँ मल्हासेलि बरु त्वाल्य् च्वंपिन्सं धाःगु खँ न्यनेगुली तयार जुल । त्वाःयापिं फुककं मिल्य् जुयाः त्वाःया रक्षा यायेगु, सुयां मचात मस्यायेगु, अनया मनूतय्त दुःख मबीगु खँ पाःफयेकाः अन हे च्वनेगु बन्दोबस्त यानाबिल ।

थुकथं अनकन्टार बुँइ लानाच्वम्ह लाखय् मनूतय्गु बस्ती दुने लाःबल । धात्थें त्वाः बहाःयापिन्सं धाःथें च्वनेगु यासेलिं उम्ह लाखय्यात पूजा यानाः च्यान्हु तक थःगु ननि दुने जक सीमित मयासें इन्द्र जात्राबलय् यँय् थ्यंक प्याखं ल्हुइकाः जात्रा यायेगु प्ररम्परा न्ह्यात । ऐतिहासिक तथ्य प्रमाणया अभावया कारणं मज्झिमाः लाखय् प्याखंया परम्परा थुलि हे पुलां धकाः किटान कथं धाये फयाच्वंगु मदु । छाय्कि मज्झिमाःया लाखय् ननिइ लाखय्या छें दु, तर छँया लुखा पिनेया छेपः छगू सिँइ बाहेक छुं नं अभिलेख खनेदुगु मदु । उगु छेपलय् च्वयातःगु सम्बत् स्वयेबलय् लाखय् प्याखं निसःदँ नं पुलां खनेमदु ।

अभिलेख कथंया लाखय् प्याखं :

मनोरञ्जन यायेगु कथं लाखय् प्याखं ल्हुइकेगु याःसा लाखय् प्याखंयात कयाः अभिलेख तयेगु परम्परा यलया हरिसिद्धि गामय् वादे त्वाल्य् च्वंगु कुमारीया पःखाल्य् च्वंगु अभिलेख कथं ने.सं. ८३० य् अनया जनतां संयुक्त रुपं श्री कलंकी देवतानिसें श्री ३ पिथ गणेश तक त्वहतँ सियाः राक्षस प्याखं पिदन ।^१ थ्व कथं स्वयेबलय् लाखय् प्याखं धइगु सर्वसाधारण जनतां दयेकीगु प्याखं जूगुलिं अभिलेख तयाः सनाच्वनेगु अमिगु क्षमतां च्वयेया खँ जुल जुइमाः । उकिइसनं लाखय् प्याखं पिदनीगु जात आखः ब्वनेगु मयाइगु उगु ईया जातिपिन्सं पिदनीगु जूगुलिं अभिलेखया अभाव जुइगु स्वभाविक नं खः । प्याखं पिदन हर्ष उल्लास कथं न्ह्याइपुइकल सिधल । थ्व हे खँ मज्झिमाः लाखय् प्याखनय् नं लागू जू ।

मज्झिमाः लाखय् प्याखंया सन्दर्भय् खनेदुगु अभिलेख मूलत थथे खः । लाखय्या मालसामाननिसें कयाः दँयदसं लाखय्या वसः पुनाः लाखय् प्याखं पिदनीगु स्वतँ जाःगु आँय्पाः पौया लाखय्या छें दुहाँ पिहां जुइगु लुखाया फुसय् अर्थात् लुखाया छेपःया माःसिँइ कियातःगु अभिलेख आःतक खनेदुगु दक्कले पुलांगु तिथि मिति दुगु अभिलेख खः । थ्व अभिलेख विशेष छुं खँ उल्लेख भेपाः तजिलजिया एवम्हजुनाः

यानातःगु मजुसे खालि तिथि छगू जक “ने.सं. ९३३ (आ) शुन वदि ५” च्वयातःगु दु । लाखय्या छें दनातःगु धाँचा स्वयेबलय् राणाकालय् जक दयेकातःगु खनेदु । शायद उगु तिथि छें दंगु इलय् च्वयातःगु जुइमाः । थ्व कथं स्वयेबलय् लाखय्या छें १८१ दँजक पुलांगु खनेदु । थ्व धुंकाः खनेदुगु अभिलेख लाखय्यात विशेष यानाः यैयाःबलय् लाखय् जूम्ह मनूयात ख्वाःपालय् पुइकाः लाखय्या शक्ति दुतिनेत पूजा याइगु पुजाभः अर्जवेगी थाकुभनिं तःगु पूजाभःया ज्वलनय् लिपिवद्ध जुयाच्वंगु थये खनेदु । “सम्बत १८९७ साल मिति भाद्र शुद्धि १२ रोज ३ का दिन श्री मज्झिपात लास्थालाई रोजिन्ना पूजा निर्मित पितलका थाल १ चन्दन घोरी १ जम्मा थान २ श्री अर्जवेगी थाकुमनिले चरदयाको हो शुभम् : ।” धकाः च्वयातःगु दुस्रं लाखय् प्याखं हुइकीबलय् थाइगु ढोलकय् काजिमान रञ्जितकारं ढोलक लाखय्यात छायाः थुकथं लिपिवद्ध यानातःगु दु । “सम्बत १९८८ आस्वीन ७ गते रोज ४ मा कोहिटी (कोहित) तोलः श्रेष्ठेषनारानं (शेषनारायण) रञ्जितकारको छोरा काजीमानले श्री लाखे आजुलाई ढोलक १ च्वायको” धकाः च्वयातःगु दु ।

थुकथं अभिलेखयात केन्द्रित यायेबलय् छैया छेपलय् च्वयातःगु स्वयां पुलांगु अभिलेख गनं लुइके फुगु खनेमदु । छेपलय् उल्लेख जुयाच्वंगु तिथि मिति स्वयाः भचा भचा जक पाक्क किलागःया तानाकिसिया च्छें च्छें पूजा यायेगु यानाच्वंगु ल्वहँया अभिलेख छें जिर्णोद्धार याःबलया अभिलेख खः । राणाकालय् यैयाःबलय् पिदनीगु तानाकिसि व लाखय्या छें निगुलिं जिर्णोद्धार याःगु जुइमाः । छायाकि थ्व निगू प्याखंयात समान रुपय् व्यवहार यानातःगु जुइमाः । आः नं उकथं हे याना वयाच्वंगु दु । -

ज्यापु जातिं पिदनीगु लाखय् प्याखं छिपा जातिं पिदनीगु जुल

लाखय् प्याखं सम्बन्धी ज्याखँयाबारे उल्लेख जुयाच्वंगु अभिलेख वा सफू छुं उपलब्ध मजुगु कारणं यानाः जनधारणायात हे महत्व विसैं व्यवहारकथं छ्यला वयाच्वंगु परम्परायात केन्द्रित जुयाः स्वयेगु आवश्यक जुइगु स्वाभाविक खः । स्थानीय बासिन्दातय्गु भनाइ कथं बुं मनूतय्गु बस्तीइ च्वंबःम्ह लाखय्यात स्थानीय मनूतय्गु रेखदेख यानाः रक्षा यायेगु ज्या जूगुलिं लाखय् प्याखंया रुपय् पिदनीगु जुल । मल्लकालय् अर्थात् जयप्रकाश मल्लं यैयाःबलय् कुमारी, गणेश भैरव रथ यात्रा यायेगु परम्परा जुसेलि मज्झिपाः लाखय् रथ यात्राय् लँ क्यनीम्ह कथं रथ न्ह्यः न्ह्यः प्याखं ल्हुया वनीगु खः । थ्व परम्परा आः नं छुं भचा ल्यं दनी तर कुमारी सालीबलय् कुमारीया रथ गन गन सालीगु

खः अन अन लाखय् प्याखं ल्हुइका यंकेमाः । छायाकि थये थ्व लाखय् प्याखंया जात्रा न्हापा ज्यापु जातिं न्ह्याका वयाच्वंगु खः । छायाकि लाखय्या प्रत्यक्ष सम्बन्धय् लोकन्नाखं कथं ज्यापु जाति नाप सम्बन्ध दुगु खः ।

लाखय्या मतिनामि मैचिया छें लाखय् छेंय् देपाः पाखे कुनय् भग्नावशेषया रुपय् छुं दँ तक ल्यना हे च्वंगु दुसा आः वयाः स्थानीय युवातय्सं क्लबया लागिं सदुपयोग यायेगु कुतः जुयाच्वंगु दु ।

ज्यापुतय् बस्ती जुइगु थाय् अप्वः यानाः ननि खः, लाखय् ननि नं ननि खः । अथे जूसां ननि धायेबलय् ज्यापुजाति बाहेक मेमेगु जाति नं च्वनीगु थाय् खः । उगु ननि ज्यापुत नापनापं छिपा जाति नं बस्ती जुयाच्वंगु थाय् खः । लिपा वनाः ज्यापुत स्वयां छिपातय्गु संख्या अप्वः जुयावल । लाखय् प्याखं ल्हुइकेगुली ज्यापुतय् नापनापं छिपातय्सं नं ब्वति कयाः ग्वाहालि बीगु जुल । मजिपाः लाखय् प्याखं ल्हुइकेगुली जातीय भेदभाव आः तक नं मद्दु । उकिं छिपातय्सं नं थ्व प्याखं ल्हुइकेगु जुल । छिपातय् थःगु धारणा कथं न्हापां छिपातय्सं तखति अजिमाया जात्रा यानाच्वंगु तखति अजिमा ज्यापु बस्ती जूगु थासय् जूगुलिं छिपातय्सं तखती अजिमाया जात्रा ज्यापुतय्सं न्ह्याकेगु, मजिपाः लाखय्या प्याखं छिपातय्सं न्ह्याकेगु धकाः थःथःगु समझदारी जात्रा न्ह्याकेगु जूगु खः । आः तक नं मजिपाः लाखय् छिपा जातिं न्ह्याकेगु याःसां मञ्जुश्रीलय् च्वंगु सुगन्ध विहार न्ह्यःनेया नासः द्यःयाथाय् वनाः नासः पूजा यानाः लाखे नापनापं यंकीगु चिलाख च्याकाः ज्वनीम्ह व नासः पूजा यानाः हःगु पूजां लाखय् छ्वाःपाः पुइकाः लाखय्या शक्ति दुबीकेत पूजा याइम्ह ज्यापु मचा हे खःनि । अथेतुं तखति अजिमाया जात्रा याइबलय् चिलाख ज्वनाः द्यःखः नापनापं वनीम्ह छिपा जातियाम्ह खः । समय अनुकूल पाय्छि मजुसेलि छिपातय्सं मुक्कं लाखय् प्याखं न्ह्याकेगु व ज्यापुतय्सं मुक्कं तखति अजिमाया प्याखं न्ह्याकेगु समझदारी जूगु दु । थ्व व्यवहार ने.सं. १९९३ निसं व्यवहारय् हयेगु जूगु खः ।^७ तर अथे जूसां लाखय् प्याखंया प्यम्ह थाकुली मध्ये छम्ह ज्यापु जूसा तखति अजिमाया जात्राया न्याम्ह थाकुली मध्ये छम्ह छिपा जातियाम्ह आः तक नं व्यवहारय् परम्परा न्ह्याका वयाच्वंगु दु ।

लाखय् व झ्यालिंचा

लाखय् प्याखं न्ह्याकेगु परम्परा थौकन्हय् रञ्जितकार जातिं याना वयाच्वंगु खःसा लाखय् वा झ्यालिंचा जुयाः प्याखं ल्हुइपिं न्ह्यागु नं जातियापिं जुइ ज्यू । सुयात नं लाखय् यायेमाल धकाः लाखय् प्याखं स्यनेगु चलन मद्दु ।

नेपाः तजिलजिया प्यखंलुगा

लाखय् प्याखं ल्हुइकेत थाइगु बाजंया धुनय् मचातय्सं झ्यालिंचा जुइगुया नापनापं लाखय् जुयाः प्याखं ल्हुइगु यानाः हइगु खः । जीवनया दक्कले न्हापां लाखय् जुयाः प्याखं ल्हुइम्ह व्यक्ति किसलि छानाः लाखय्या खाःपालं पुयाः प्याखं ल्हुइगु परम्परा जूगु दु । थौकन्हय् किसिली छायेगुया पलेसा दक्षिणा जक छानाः लाखय् खाःपालं पुनाः प्याखं हयेगु परम्परा जूगु दु । थथे जूगुया मुख्य कारण लाखय् प्याखं ल्हुइलुं त्यानुल धायेवं मेम्ह मनुखं खापालं पुनाः प्याखं ल्हुइमाःगु अवस्थाय् किसलि उपलब्ध मजुया च्वने फुगुलिं खः ।

लाखय् प्याखं ल्हुइबलय् दक्कले तःधिकःम्ह न्हूम्ह माला लाखय् यायेगु याःसा दक्कले सकले चीधिकःम्ह मचायात 'झ्यालिंचा' यायेगु परम्परा दु । थथे तःधिकम्ह कथं प्रस्तुत यायेगुया कारण लाखय्या न्ह्यःने मनु तच्चकं चीधिकः धकाः क्यनेगु खः । झ्यालिंचा मनूया प्रतीक कथं कायेगु याःसा लाखय् तःधिकम्ह राक्षस कथं कयातःगु दु । झ्यालिंचा लाखय्यात हैरान याइगु धयागु लाखय्या समाजं लाखय् मनूया समाजय् वयाः छु दत ? धकाः हायल कायल याइगु खः । झ्यालिंचिया वसः उगु इलय् वसः सुयाः पुनेमसःनिगु मनूतय्गु स्वभाव कथं का पुई पुई हिनाः जक दयेकातःगु खः । श्री ५ या सरकारपाखें छक्क १० गः ध्यबा वंगु लाखय् व झ्यालिंचागु टिकट पिकाःगुलिइ लाखय् ननिइच्चापिं लाखय्या गुथियारतय्सं सन्तोष काःगु मदु । लाखय्या खाःपाः धाःसा मजिपाः लाखय् यानाः झ्यालिंचिगु वसः धाःसा लँ सुरुवाया लँ फिकातःगु खः । लाखय् प्याखं ल्हुइकीबलय् खाःपाः दुथें झ्यालिंचिया नं वसः जक दुगु मखु खाःपाः नं दु तर झ्यालिंचिया खाःपाः पुयाः प्याखं ल्हुइगु माः हे धयागु मदु । मपूसां जिउ तर लाखय्या खाःपाः ब्वया तइबलय् धाःसा झ्यालिंचिगु खाःपाः सहित लाखय् छेंय् खःचाय् तया ब्वयातः । उकी नापं घंगला नं तयातयेगु चलन दु ।

लाखय् खाःपाःया परम्परा

येँयाः ज्वःछि प्याखं ल्हुइकेत लाखय्या दँय्दसं ल्यं पुल्यं छायेगु परम्परा दु । ल्वहँया पिलाचाय् (जवं खवं ल्वहँयाम्ह हे सिंह दु) च्वंगु लाखय्या खाःपाः गुँलागा एकादशी कुन्हु पूजा यानाः खाःपाः पिक्याः सिँया खःचाय् तयाः पूजा यानाः गुँलागाः द्वादशी कुन्हु यतखाया चिनियालाल आर्टय् यंकाः लाखय् व झ्यालिंचिगु खाःपालय् ल्यं पुल्यं छायेगु याइ । उगु थासय् मजिपाः लाखय्या खाःपाःया नमूना नं दयेकातःगुलिं यानाः खाःपाः स्यन वा इलय् ब्यलय् खाःपाः तनीगु इलय् गथे खः अथेंतुं च्वक दयेका बीगु परम्परा दु । लाखय्या खाःपालय् लुँया सिन्हलय् प्यंगः हिरा थुनातःगु दुसा न्हायपनय् तिसा नं लुँयागु दु । ल्यं पुल्यं

छायधुंका: यँलाथ्व एकादशी कुन्हु लाखय स्वा:पा: लित हया: सिँया ख:चाय हे लाखय सँय रङ्ग छिना: पूजा याना: स्वा:पालय सँ घाकेगु ज्या याइ । थ्व पूजायात सँ घाकेगु वा सँ छीगु पूजा धका: खल: ज:छिस्यां भ्वय नयेगु याइ । थ्व धुंका: कन्हय कुन्हुनिसँ अर्थात् यँलाथ्व द्वादशीनिसँ च्यान्हु तक जात्रा व हे सिँया ख:चा अथे तयातइ । यँलागा: आमाइ कुन्हु नास:द्य:याथाय् क्षमापूजा वा विसर्जन पूजा याना: भ्वय न्यायेका: ल्वहँया पिलाचाय् लाखय व झ्यालिचिगु स्वा:पा: व वस: स्वथनेगु याइ । थथे स्वा:पा: दुतिनेगु व पितकायेगु अधिकार थाकुलीत मध्ये बुद्ध रंजीतकार व राम रंजीतकारयात जक दु । थथे लाखय्या स्वा:पा: तयातइगु ल्वहँया पिलाचाय् पुसा तयेगु चलन दु तर तालं ग्वथेगु चलन मदया: इलय् ब्यलय् लाखय्या स्वा:पा: खुया यंकेगु नं बरोबर जूगु दु । थ्व बाहेक लाखय्या सम्पत्ति स्वथनेगु छूकू भण्डार नं दु । थन नं इलय् ब्यलय् खुँ व: ।

लाखय्या स्वा:पा:या लालचं वि.सं. १९९० दक्कले न्हापां खुयायंकल । थुबलय् थ्व स्वा:पा: विष्णुमतीया खुसिबही वनेगु थायपाखे लुयावल । अनं लिपा वि.सं. २००६ सालय् हानं स्वा:पा: खुयायंकल, तर लुयामव: । थुबलय् जंगबहादुरं बेलायतं लिहां वया: छा:गु हेरा नं खुया यंकल । त्वा:यापिं मुना फुथें चन्दा तया: न्हापाथें लुँ व हिरा तया: हानं स्वा:पा: दयेकेगु जुल । लिपा हानं २०२८ सालय् स्वा:पा: खुयायंकल । हानं उकथं हे दयेकेगु जुल । २०२२ व २०२४ सालय् लाखय्या भण्डारय् खुइगु जुल ।

राणाकालय् मजिपा: लाखय

जङ्गबहादुरनिसँ राणातय्सं नं थ्व लाखय्यात थ:गु आपत मुक्त याइम्ह कथं भक्तिभावं माने यायेगु जुल । राणाकालय् यँया:बलय् लाखय पिदनेत जुजुपाखें नापं साइत बिया: आठपहरियात छ्वया हइगु चलन दु । उगु साइत कथं लाखय पिदनेगु यायेमा: । थ्व परम्परा आ: मदये धुंकल । थौंकन्हय् प्याखं खल:या थ:गु परिस्थिति अनुकूल इलय् लाखय्यात पिथना प्याखं ल्हुइकेगु चलन दु । राणातय्सं छुखे लाखय्यात थ:गु मुद्दा मामला दत धायेवं पूजा यायेगु या:सा मेखे यँया:बलय् पिदनीगु सब:भक्कुपि नाप ल्वाका: आनन्द कायेगु नं या:गु सी दु । सब:भक्कुपिनि स्वम्ह नाप याक:चा लाखय ल्वायेगु जूसां मग्यासे हे ल्वायेगु या: । थुबलय् लाखय्याके हतियारया रुपय् सिँया गद्दा छपु ज्वँसाया रुपय् दुगु ख: । लिपा लाखय व सब:भक्कुयात ल्वाका: आनन्द काइपिं मदुबलय् लाखय नं थ:गु ज्वँसा नं ज्वनेगु मयात धयागु जनधापू दु । खास मजिपा: लाखय्या ज्वँसा छुं मदु, तर आत्मारक्षाया लागिं छुं इलय् ज्वँसा नं दुगु धयागु सी दु ।

आः नं विशेष आपतकालय् मज्झिपा लाखय् नं हतियार ज्वनाः पिहां वयेगु याः । वि.सं. २०३५ सालय् विशेष कारणवश लाखय् व सबःभक्क्या दथुइ तच्चकं तःधंगु ल्वापु जुल । थुगु इलय् लाखय्यात प्रहार यायेत च्यापु तरवार पिकाल धयागु लाखय् नायःया धापू खः । थुबलय् स्वभावतः लाखय् नं थःगु आत्मरक्षाया लागिं हतियार ज्वनेत बाध्य हे जूगु खः । थ्व धुंकाः सरकारपाखें लाखय् व सबःभक्क्यात मेलमिलाप याकाहःसानिसें लाखय् नं आःतक हतियार पिकाःगु मदुनि धयागु धापू दु ।

मज्झिपाः लाखय् व जनभ्रष्टा

मज्झिपाः लाखय्या मेगु नां खः - शान्त भैरव । उकिं थ्वयात छःकथं नं हनेगु चलन दु । सुया मुद्दा ताःहाक जुयाच्चन धायेवं थ्वयात पूजा फ्यायेगु व पूजा यायेगु जुल धायेवं मुद्दा त्यायेगु वा ताःहाकः जुयाच्चंगु मुद्दाया भ्रमेला क्वःजीगु धयागु जनधारणा दु । जङ्गबहादुर बेलायत भ्रमणय् आपत जूबलय् थ्व लाखय्यात आराधना यात । आपतं मुक्त जुयाः अनं लिहां वयाः प्यंगः हिरा छाःगु खः । अथेतुं सुयां छैय् भूत प्रेतात्मा वा कवंचां दुःख बियाच्चन धाःसा लाय्ख्यात छै दुतिनाः पूजा यात धायेवं अज्याःगु डरया अन्त जू धयागु नं जनधारणा दु । लाखय्यात न्ह्याथाय् नं छैय् दुतिने मज्जू । भिंगु चिंया भुवा वा तुयूम्ह ख्याः दुगु थाय् लाखय्यात दुतिनेगु यात धाःसा भूत प्रेतात्मा अन्त जूथें थुपिं नं जुइ धयागु धारणा दु ।

मज्झिपाः लाखय्यात आजु व विघ्नवाधा मदयेकीम्ह छः कथं नं हनेगु चलन दु । विशेष यानाः मज्झिपाः त्वाःयापिन्सं थ्व लाखय्यात आजु कथं धायेगु याःगु खनेदु । च्वय् उल्लेख यानागु अभिलेखय् नं आजु कथं हे सम्बोधित यानातःगु दु । पुलांपिं मनूतय् धापू कथं ज्यापुनीया छैया त्वाल्य बस्ती यायेत लाखय्यात कबुल याकूथें उगु क्षेत्रया दुनेच्वपिं जनतातय् रक्षा यायेगु वचन कथं देसय् ततःधंगु भाडाबान्ता, तःकै थें ज्याःगु महामारी ल्वय् लाखय् ननिइ गुबलें हे मजू धयागु धापू दु । अन च्वपिं बासिन्दातयगु धारणा कथं आःतक अज्याःगु ल्वय् लाखय् ननि दुने च्वपिं सुयाकें जूगु मदु ।

मज्झिपाः लाखय् प्याखंया आर्थिक अवस्था

छुं नं प्याखंया परम्परा न्ह्यानावनीगु व न्हनावनीगु धयागु अप्वः यानाः आर्थिक अवस्थाय् निर्भर जुइ । मज्झिपाः लाखय्या आर्थिक अवस्थाय् दुवाला स्वयेगु खःसा श्री ५ या सरकारं देया सांस्कृतिक परम्परा संरक्षण व सम्बर्द्धनया लागि बिया वयाच्चंगु अनुदान प्याखं पिदनीबलय् जनतां अनुरोध

यानाः प्याखं ल्हुइके बियाः बीगु दक्षिणा व रकम थःगु हे आयस्था खः ।

श्री ५ या सरकार प्याखं आर्थिक अनुदान बिया वयाच्चंगु विवरण थये खनेदु ।

साल	अनुदान रकम	रकम बीगु थाय
वि.सं. २०३५ साल न्ह्यः	१७/-	पुरातत्व विभाग
वि.सं. २०३५	७५०/-	पुरातत्व विभाग
वि.सं. २०३८	१०००/-	"
वि.सं. २०४५	३०००/-	"
वि.सं. २०४८	३५००/-	"

(स्रोत : लक्ष्मण रञ्जितकार)

वि.सं. २०३५ साल तक्या आर्थिक अनुदानया विवरण लाख्य प्याख्या नायः लक्ष्मण रंजीतकारजुं बियादीगु खःसा मेगु श्री ५ या सरकार शिक्षा तथा संस्कृति मन्त्रालयया पुरातत्व विभागीय प्रमुखं बियादीगु प्रतिवेदन 'धार्मिक नाच तथा जात्राको आर्थिक अनुदान वृद्धिया स्वीकृति पौ २०४८/५/१८' या खः ।

चव्य न्ह्यथनागु आर्थिक अनुदान बाहेक लाख्य प्याखं दैय्दसं पिदनेत स्वदैय् छजु तासया वसः, बाजं आदि श्री ५ या सरकारया अनुदान स्वरूप प्राप्त जुयाच्चंगु दु । थ्व हे सिलसिलाय् थुगु दैया यँयाः बल्य् ८ हजार दां पूजाया लागिं बियाहःगु दुसा न्हगु वसः बाजं नं प्राप्त जूगु दु । श्री ५ पृथ्वी वीर विक्रम शाहया पालय् सियागु भुस्याः थायेगु यानाच्चंगुलिइ लिपा लीयागु भुस्याः २०२५ बल्य् छें मर्मत याः बल्य् तन । अननिसें कँय्या भुस्याः जूगु खः । च्यान्हु जक जात्रा यायेत नं गुबलें गुबलें बाजं थाथां तज्यानाः छज्वः भुस्याः नं मगाना वनेयः । अज्याःगु इलय् थःपिन्सं हे न्यायेगु याना वयाच्चंगु खनेदु ।

श्री ५ या सरकार अनुदान बीगु इवल्य् जात्रा सिधयेकाः क्षमा पूजाया लागिं नासःछः पूजा यायेत म्येय् छम्ह नं बीगु चलन दु ।

जनधारणा अनुसारं लाख्य शहर दुने वस्ती याः वये न्ह्यः चवनीगु थाय् खः - लाख्य बुँ । उगु बुँ कीर्तिपुर व थानकोटया दथुइ लाःगु बुँ खः । छुं दै न्ह्यः तक उगु बुँपाखें आयस्था वइगु दुसा आः उगु बुँ गन गन जुइ धुकूगु दु । अथेतुं आयस्था तयेगु इवल्य् ९० वर्ष न्ह्यः इकुबहाः दुने क्यबछेंया कर्णेल जुजुमान राजभण्डारी कलंकीइ छुं बुँ लाख्यया नामय् तयाब्यूगु खः । तर ठेपाः तजिबजिया प्यखंमुना

जग्गादाताया रुपय् लाखय् ननि लाखय् प्याखं लहुइकेत पितहइबलय् दक्कले न्हापां उगु क्यबछ्छैय् निं प्याखं लहुइकाः तिनि पिने हयेगु चलन धाःसा न्हना मवसें दातायात सम्मान हे याना वयाच्चंगु दनि ।

लाखय् पिदनीबलय् लाखय् आजु धकाः त्वालय् छाइगु दक्षिणा, थाय्थासय् मनोरञ्जन कथं सःतेगुया नापनापं छैय् छु विघ्नवाधा मजुइमा धकाः सःताः बीगु नं मज्झिपाः लाखय्या आमदानी खः । तर अज्याःगु आमदानी अप्वः यानाः म्हो हे जक जू ।

खर्चया दृष्टिं स्वयेगु खःसा श्री ५ या सरकारं बिया वयाच्चंगु अनुदान प्याखं लहुइकाः वइगु दक्षिणा आदि पर्याप्त जूगु खनेमदु । पिलां लाखय् खाःपाः लिकायेगु न्यास, लिकायेगु पूजा, न्यासः तयेगु पूजा, सँ छीगु पूजा विसर्जन पूजा धकाः थीथी पूजा हनेमाःगु व प्रत्येक पूजाय् प्यम्ह थाकुली, प्यम्ह नर्किया नापं लाखय् खलःतय्त भ्वय् नकेमाःगुया नापनापं यैयाः ज्वःछि प्याखं लहुइपिं, बाजं थाइपिं लाखय्नापं वनीपिं आदिपिन्त न्हिच्छि न्हिच्छि नकेमाःगुलिं नं आयस्था गाःगु खनेमदु । प्यम्ह नर्किपिं पूजा तयेगुया नापनापं माक्व दयेका नयेगु भाला नं अमिगु हे खः ।

श्री ५ या सरकारं सवःभक्कुनाप सम्भौता यानाहयाः लिपानिसें लाखय्या थाय् तानाकिसि व सवःभक्कुया जात्राय् वइपिं खलःतय्त हनाबना कथं सःताः मैत्री भाबना दयेकालःगु दु ।

थथे यैयाःबलय् पिदनीगु प्याख्यात आर्थिक सहयोग जुइमा धकाः २०४८ सालय् श्री ५ या सरकार व थीथी संघसंस्था मिलय् जुयाः छगू विचार गोष्ठी यायेगु जुल । उगु कथं व हे दैनिसें हनुमानधवाखाय् नासःचुकय् पुरातत्व विभाग, पर्यटन विभाग, नाता, होटेल संघ आदि जानाः पर्यटकतय्त क्यनेगु दृष्टिं प्याखं क्यनाः छुं छुं आर्थिक सहयोग यायेगु ज्या नं जुयाच्चंगु दु ।

लाखय् प्याखंया ग्राहक

यें दुने सुयां लाखय् प्याखं लहुइकेगु वा लाखय् छें दुतिनाः पूजा यायेगु इच्छा यानाः निमन्त्रणा बिल धाःसा बाजासहित लाखय्यात ज्वनाः जात्रा न्ह्याकीपिं वइ । अले थःगु श्रद्धा लाखय्यात दक्षिणा छाःनाः बिदाबारी बीगु याइ । तर दां मदुपिं वा समाजय् बांलाःगु लँपु ज्वनाः ध्यबा कमय् याना मच्चपिन्सं नं लाखय्यात निमन्त्रणा बिल धाःसा वयेगु याः । लाखय् स्थायी रुपया ग्राहक कथं चर्चितपिं समाजया निम्ति व्यक्तित्वत खनेदु । गुपिं थः मसीतले लाखय्यात दैयदसं दुतिनाः सिना वन । अझ थःथाय् लाखय् हयेत आर्थिक अवस्था कमजोर हाथा जूसां बियां

तकं लाखय् प्याखं ल्हुइकेगुली जिद्दी यानावन ।

स्व. कवि सिद्धिचरण श्रेष्ठया “खुँ” बाखं कथं थम्हं खुया हयाः थम्हं जक उपभोग मयासे मदुपिन्त इनाबीम्ह मरू ख्यःक्यबया छम्ह खुं थःगु जीवनकाल ज्वःछि थःगु छँ न्ह्यःने दँय्दसं खुयाः जूसां दां तयाः लाखय् प्याखं ल्हुइका वन । छगू जमानाय् दक्कसित ख्याना वम्ह सानुचा पहलमानया थःगु त्वाः क्षेत्रपाटीइ प्याखं ल्हुइके हे माः । अथेतुं पाकेटमारा लाताबाबुयाथाय् नं दँय्दसं प्याखं ल्हुइकेमाः । ल्हुइकाःवः । थुपि जुल छगू जमानाय् नामुदपिं खुँ गुण्डा व पाकेटमारा ।

लाखय्यात बुँ आयस्था तयाब्यूगु नातां इकुबहाःदुने क्यबछँया कर्णेल जुजुमान राजभण्डारीयात कदर स्वरूप ल्हुइकेगु जूसां महाबौद्धया चुन बाबुचिथाय् नं पूजा फयेगुया लागिं मवसे मगाः । लाखय् प्याखंप्रति आकर्षित जूगुलिं थँबहीया द्वारिका मानन्धर, असंत्वाःया क्लब, ताहाःचलया मेघदूत क्लब नं खः । असंत्वाःया क्लब व मेघदूत क्लबया ला लाखय् प्याखं ल्हुइकेगु छगू होडबाजी कथं हे जुयाचवंगु दु ।

लिखँ

इतिहासकारपिन्सं मज्झिमाः लाखय् प्याखं गुणकामदेवया पालनिसें धायेगु याःसां थःगु अनुभव कथं ने.सं. १३३ या छेपलय् चवयातःगु अभिलेख स्वयां न्हापाया छुं नं प्रमाणित तथ्य लुइके मफु । लाखय्या ख्वाःपाः तइगु पिला, वसः तैगु सन्दू, छँ छखां छुतक्क दु व तक्क कुंकुलामय् मालेगु जुल नं छुं पुलांगु प्रमाण लुइके मफु । न्हापा छपा ल्वहँपौ छगू दु धाइ उगु ल्वहँपौ छँ व आसपासय् गनं मदु । लाखय् प्याखंया बारे न्हापा थ्यासफू दु धाइ तर उगु थ्यासफू नं थासय् मदु । उकिं त्वाःया बयोवृद्ध बुद्धिजीवीपिनिगु खँयात हे आधार कयाः न्ह्यज्यायेमाःगु जुल ।

हानं थ्यासफू चव्याः, पठनेपाठन याइगु जात रञ्जितकार मजुसे रंग छीगु जात जुल । लाखय् व रंग छीगुया नाप प्रत्यक्ष रूपं छुं सम्बन्ध दुगु खनेमदु । दुसा लाखय् सँ छीगु व वसि घलय् पिनातःगु कापुँइ इयालिंचिया वसः नाप जक सम्बन्धित जू । बयोवृद्धिपिनिगु धापूकथं लाखय्या स्वभाव लाखय् ननिया मचातय्के दु ।

पूजाय् थाकुली न्वकू धकाः गुगु प्यम्ह थाकुली दुगु खः उकी दुने लाखय् प्याखं ल्हुइकेत पितहइम्ह नायः लक्ष्मण रञ्जितकार मलाः । मेमेगु स्वयाः लाखय् प्याखं पिदनाः जात्रा यायेगु दक्कले थाकुगु ज्या जूगुलिं आनन्द रञ्जितकारया स्वर्गे लिपा थ्व प्याखं दिका छवयेगु खँ जुल । तर अबुं नेपाः तजिलजिया प्यस्संजुला

यानावंगु ज्या न्हनावनीगु भय नं वया हे काय लक्ष्मणयात प्याखं लहुइकेगुली नायः यानाबिल । धात्थें धायेगु खःसा लाखय् ब्वाय् ब्वाय् वंथें नायः नं वहे नापनापं ब्वाय् जुइमाः । अबुया ज्या महसुस याइपिं कायपिं मन्त धायेवं ध्व प्याखं न्हना वनेत नं छुं बेर मदु । यदि थज्याःगु प्याखंयात माक्व आयस्था मन्त धाःसा व लाखय्या नाप ब्वाय् ब्वाय् जुइमह नायःयात सरकारपाखें छुं कदर स्वरूप सहयोग मन्त धाःसा न्हनावनेत छु बेर ?

संस्कृति देशया गौरव यायेगु लँपु खःसा थज्याःगु गौरवयुक्त ज्यायात कदर यानाः न्हूगु पिंढीयात न्ह्यज्याका यंकेमाः । न्हूगु पिंढीयात आकर्षक जुइगु कथं जनमानस व सरकारपाखें थीथी व्यवस्था जुइमाः । ●

सन्दर्भ धलः

१. गोविन्दप्रसाद भट्टराई 'अनु' "भरतको नाट्यशास्त्र" काठमाडौं, नेपाल राजकीय प्रज्ञाप्रतिष्ठान, वि.सं. २०३९ पृ. ४-५
२. चुन्दा वज्राचार्य "नेपालभाषाया आधुनिक नाटकया प्रवृत्ति व प्रवाह" यें, त्रिभुवन विश्वविद्यालय, मानविकी र सामाजिक शास्त्र संकाय "विद्यावारिधी शोध ग्रन्थ" ने.सं. १९९२ पृ. १
३. सूर्यविक्रम ज्ञवाली "नेपाल उत्पत्ताको मध्यकालिन इतिहास" काठमाडौं, रोयल नेपाल एकेडमी वि.सं. २०१९ पृ. १६-१७
४. लिलाभक्त मुनंकर्मी "नेपालको संस्कृति तथा ऐतिहासिक दिग्दर्शन" भक्तपुर, श्रीमती भानी केशरी मुनंकर्मी वि.सं. २०४१ पृ. ८२-८३
५. श्री शंकरनाथ अधिकारी "भाषावंशावली भाग २" काठमाडौं, शिक्षा मन्त्रालय पुरातत्व विभाग, वि.सं. २०३१ पृ. २९
६. चुन्दा वज्राचार्य "नेपालभाषा नाटक साहित्यया इतिहास - छंगू परिचय" यें अनुसन्धान महाशाखा, शिक्षाध्यक्ष कार्यालय, त्रि.वि. 'लघु अनुसन्धान ग्रन्थ' वि.सं. २०४६ पृ. १४
७. न्हूगु विश्वभूमि (न्हिपौ) ने.सं. १९९३ यँलागा १, २, ने.सं. १९९४ यँलागा ४ ।
८. खँल्हाबल्हा -
 १. जुजुकाजी रञ्जितकारया अबु
 २. लक्ष्मण रञ्जितकार
 ३. मेमेपिं

यँया:या महाकाली प्याखं

खिं, म्वाय्लि, पछिमा, प्वंगा, झ्याली, ता: आदिया तालय् स्वा:पा: पुना: देवगण, दैत्य, कवं, ख्या: ल्हुइगु भाव नृत्य ख: - महाकाली प्याखं । महाकाली प्याखं धायेबलय् एकाधिकार कथं ख्वपय् च्वपिन्सं हुइका वयाच्वंगु प्याखं विशेष याना: यँया:बलय् अनिवार्य रूपं पिदना: हनुमान ध्वाखाय् हाजिर जुइमा:गु प्याखं ख: । थ्व प्याखं यँया:ज:छि प्याखं हुइकेगु इच्छा या:पिन्सं ध्यबा बिया: थ:गु मनखुसी न्ह्याथाय् नं हुइकेफु । महाकाली प्याखं पिहाँवइगु यँया:बलय् अनिवार्य जूसां जुजुया बुदिं वा राष्ट्रिय उत्सव, पर्वय् य्याली नापं उपस्थित जुइगु जूसां ख्वपय् थ:गु थाय्या सांस्कृतिक प्रदर्शन यायेमाल धायेवं महाकाली प्याखंयात हे अप्व: महत्व बिया: प्रदर्शन यानावयाच्वंगु दु । यँया:ज:छि ख्वपया महाकाली प्याखं यँय् हे वया: यँया:या उत्सवय् अप्व: भ्र:भ्र: धायेक वयाच्वंगु प्याखं ख: ।

महाकाली प्याखंया इतिहास मालेबलय् ख्वपया तात्कालीन जुजु सुवर्ण मल्लं दक्कले न्हापां बोडेय् पलिस्था या:गु खनेदुसा नगदेश थिमिइ नं थ्व प्याखंया प्रचलन मदुगु मखु । खय्तला ख्वपया थीथी गामय् च्वपिं मनूतसें थ्व प्याखं शुरु जुइ न्ह्य: निर्देशन बिया: नगदेश, बोडे व थिमिइ गुंलागा: द्वितियानिसें पंचमीतक प्रदर्शन याइगु चलन न मदुगु मखु । अनं लिपा थ्व प्याखं पिदने छन्हु न्ह्य: नास: पूजा (नगदेशया महाकाली प्याखंया नास:द्य: सिद्धिगणेश ल्यूनेच्वंगु नास: द्य: ख:) याना: प्रत्येक दिनय् भ्वय् नया: बहनि खिउँसे च्वने धुंका: जक क्यनीगु ख: । थज्या:गु सांस्कृतिक महत्वया प्याखंयात निरन्तरता बीगु नितिं न सरकारी आयस्ता दु, न सुं दातापाखें छुं आयस्ता हे तयात:गु दु । थ्व विडम्बनापूर्ण खँ ख: ।

जिं २०४५ या यँया:पुन्हि खुन्हु हनुमानध्वाखाय् हाजिर जुइपिं नाय:पिन्सं ब्यूगु विवरण कयाबलय् तसकं नुग: क्वतुन ।

यँया:पुन्हिबलय् यँय् न्हयन्हुतक भ्र:भ्र: धायेक: वइगु खुथ्व: महाकाली प्याखं दयाच्वन ।

ख्वप तौमधिया प्याखं

थ्व प्याखं दर्ता जूगु चन्द्र शमशेरया पालय् खःसा थ्व प्याखंया नायःया जात ल्वहँला खः । करिव प्याखंम्बःत २५ म्ह दये माःगुलिइ थौकन्हय् १८-१९ म्ह जक दु । थ्व प्याखंया पात्रत महाकाली, महालक्ष्मी कुमारी, भूत निम्ह, कवं निम्ह, बेताल निम्ह, ख्याः निम्ह, जंगली । थ्व प्याखंया विशेषता खः - भैरव भूत जुइगु । करिव साढे दुई घण्टा अवधिया थ्व प्याखनय् थुकिइ बाजं थाइपिं फ़िम्ह दइसा थ्व बाजं जोगीतसें थाइगु खः । थाइगु बाजं मादल व भुस्याः खः ।

थुमित मुलुकीखानां न्हिइ ४०० तका बीगु खःसा येँयाः पुन्हिया अवधि ज्वःछि उपिं जैसीदेवलया पाटीइ बाय् च्वनी । थ्व प्याखंयाबारे सफू पिदंगु मदुनि ।

भोटेबहाः येँयाः महाकाली प्याखं

थ्व त्वाःया महाकाली प्याखं गुबलें दर्ता जुल सी मदु तर, थ्वयात खुथ्वः महाकाली प्याखं मध्ये दक्कले पुलांगु भाःपियातःगु दु । थ्व प्याखंया नायःया जात मुस्याजुत खः । थुकिइ २४-२५ म्ह हे पात्र दइ । महाकाली, महालक्ष्मी, कुमारी, भूत निम्ह, दैत्य निम्ह, कवं निम्ह, ख्याः निम्ह, सिंह स्वम्ह, नायः (मास्टर) छम्ह, थुकिया पात्र खःसा मुस्याजु जातया हे बाजं थाइपिन्सं थुकिइ म्वाय्लि २, खिं २, झ्यालि २, प्वंगाः १ व ताः १ बाजं थाइ । थुमित न्हिइ थुलि धयागु मदु तर ६०००/- तका कौशी तोषाखानां बीगु यानाच्चंगु दु । प्याखंया अवधि २ घण्टा खःसा थ्व प्याखंया सफू पिदंगु दु ।

लासुकू ध्वाखाया प्याखं

थ्व प्याखंया नायः जात नं मुस्याजु हे खःसा थ्व प्याखं पृथ्वी वीर विक्रम शाहया पालय् दर्ता जूगु (हनुमानध्वाखाय्) खः । थुकिइ २२ म्ह पात्र दु । महाकाली, महालक्ष्मी, कुमारी, बेताल स्वम्ह, भैरव निम्ह, कवं निम्ह, ख्याः, सिंह निम्ह व मास्टर छम्ह थुकिया पात्र खः । थुकिइ थाइगु बाजंत खः - गुजराती पछिमा, ढोलक, झ्याली सिद्या । थ्वयात पुरातत्त्व विभाग ३४००/- तका बियातःगु दु । थुकिया प्याखं अवधि १ घण्टा खः । थ्व प्याखंया सफू मदुनि ।

भोटे धुकूरया प्याखं

थ्व प्याखं ३ घण्टा अवधिया, पुरातत्व विभागं ३०००/- तकाया भरय् ख्वपं न्हि न्हि वयेगु वनेगु यायेमाःसा थ्व प्याखंया सफू दु । वीर शमशेरया पालय् दर्ता जुयाच्वंगु थ्व प्याखंया नायः जात फैजु खःसा थाइगु बाजं ढोलक, पछिमा, म्वाय्लि व झ्याली खः । थुकिइ ग्वःम्ह पात्र दइ सीमदुसां मेमेगु प्याखनय् थें महाकाली, महालक्ष्मी, कुमारी बेताल स्वम्ह, ख्याः निम्ह, कवं निम्ह, भूत निम्ह सिंह, शेर, भगवती, दैत्य व (मास्टर) नायः पात्र दइ ।

खौमा ध्वाखाया प्याखं

थ्व प्याखंया नायः जात सी मद्दु । ३ घण्टा अवधिय् थ्व प्याखंयात पुरातत्व विभागं ३४५०/- तका बियातःगु दुसा थुकिइ थाइगु बाजं पछिमा, ढोलक, झ्याली, म्वाय्लि खः । २२ म्ह पात्र दुगु थ्व प्याखंया पात्रत महाकाली, महालक्ष्मी, कुमारी, बेताल स्वम्ह, भूत निम्ह, ख्याः निम्ह, जंगली निम्ह, सिंह निम्ह, मेष निम्ह व पद्मक्ष्मी छम्ह दु । थ्व प्याखं गुबले दर्ता जुल धैगु सी मदुसा थुकिया सफू नं मदुनि । च्वनेगु थाय् नं उल्लेख मज्गुलिं सम्भवतः न्हि न्हि वये वनेगु जुइमाः ।

सुकुलध्वाखा प्याखं

जोशी नायः जात जुइगु थ्व प्याखंया सफू मदुनि । येयाः जःछि उपिं भद्रकाली सतलय् च्वनीगु खःसा कुमारी चोक अड्डां ३०००/- तका बियातःगु दु । ताः बउ, म्वाय्लि व खिं बाजं थाइगु थ्व प्याखनय् नं २२ म्ह पात्र दु । महाकाली, महालक्ष्मी, कुमारी, बेताल स्वम्ह, भैरव ख्याः निम्ह, भूत निम्ह, कवं निम्ह, सिंह, म्हय्खा व नायः (मास्टर) छम्ह थ्वया पात्र खः ।

महाकाली प्याखंया ऐतिहासिक तथ्य मालावन धाःसा अझ अप्वः जुइफु । तर थन हनुमानध्वाखाय् येयाः पुन्निबलय् हाजिर याः वःपिनि विवरण कथं खनागु मनय् मनीगु खँ जक न्ह्यथनागु खः । महाकाली प्याखंया छम्ह नायःया उद्गार न्यने - “प्याखं बाज्यां चले यानावन, अनं अबुं नं यात, अबु मदुसेलि जिं याना, छुं मस्यू ।”

प्याखंया अस्तित्व धन्यं त्यंकातःपिं प्याखंया नायःतसें थये धाःगु न्यनेमाःगु छुं
अजू चायापूगु खँ मखु । छायाःसा प्याखं पिदनीगु छन्हु न्ह्यःनिसें ३५-४० म्ह
मनूतसे नासः पूजा यानाः न्हिं न्हिं भव्य नयाःच्यान्हु तक ६०००/- तकां (दक्कले
अप्बः) फइला ? न्हापा २०-३० दँ न्ह्यः कुगाः जुइ । तर थौकन्ह्य ? भव्यया खँ
त्वःते उमित प्याखं हुलेगु वसः सुइत मर्मत, खाःपाः न्यायेगु वा मर्मत, बाजं न्यायेगु
वा मर्मत उलि ध्यबां गुकथं सम्भव जुइ । संस्कृति लोप जुजु वन, छाया मजुइ ? थम्हं
हुला च्वनागु प्याखंया खँ भावनात्मक धार्मिक व सांस्कृतिक गुकथं जुइ ? जब कि
पूर्वाया ज्या धकाः करं मेटे यायेत यानाच्चन । थ्व अस्वभाविक मखु । उकिं
सम्बन्धित थासं भीगु सांस्कृतिक धरोहर म्वाकाच्चपिं प्याखंम्बःतय्त माःगु प्रशिक्षण
(थुइकेगु) व माःगु भौतिक साधन जुटे यायेमाः । थ्व तसकं हथाय् हे जुइ धुंक्ल ।
प्याखंया पृष्ठभूमि

महाकाली प्याखं यैयाःबलय् पिदनेमाःगुया कारण खः - दैत्यत व इन्द्रया
ल्वापु । याकःम्ह इन्द्रयात दैत्यतसें त्याकी । छम्हेसित आपालं दैत्यत जानाः बुकीगु
अस्वभाविक नं मखु । पराजित इन्द्र महालक्ष्मी, महाकाली, कुमारीया आराधना
यानाः दैत्यत ल्वाके छ्वइ । दैत्यतय्त देवीपिन्सं त्याकी । थ्व हे विजयोत्वस हनेगु
प्याखं यैयाः पुन्हि च्यान्हु तक महाकाली प्याखं पिदंगु लोकश्रुति दु । गुगु कि खुगुलिं
प्याखंया कथावस्तुइ करीव करीव समान रुपय् अभिव्यक्त जुयाच्चंगु नं दु ।

विशेषता

बाजंया तालय् ल्हुइगु थ्व प्याखनय् गथे कि तौमढी त्वाःया प्याखनय् भूत
भैरव निम्ह व जंगलीया विशेष स्थान दुसा भोटेबहाःया प्याखनय् स्वम्ह सिंह, लासुकु
प्याखनय् भैरव निम्ह, सिंह व शेर अले भाते धुकुरया प्याखनय् सिंह व शेरनाप
भगवती दयाच्चंगु दु ।

थुकथं हे खौमा ध्वाखाया प्याखनय् जङ्गली निम्ह व म्ये निम्ह दयाच्चंगु
दुसा सुकुलध्वाखाया प्याखनय् सिंह व म्हय्खाया विशेष थाय् दु ।

सिंह, शेर, म्हय्खा दुगु महाकाली प्याखनय् मनूया भेषय् उमित निर्देशन
बिइत मास्टर छम्ह दइ । उमिसं न्ववाना हे निर्देशन बियाच्चनी । मेगु उल्लेख्य
खँ खौमात्वाःया प्याखनय् मिसा जुयाः पिहां वइगु ।

यँयाःया महाकाली प्याख

	छात्रः	निधः	स्वयः	प्रायः	म्यायः	बुधः
नाय्	तोमधि त्वाः	भोटबहाः	लासकुधवाखा	भोटमुकुर	डोमा धवाखा	मुकुलधवाखा
नायःया जात	त्वहंसा	मुस्याजु	मुस्याजु	फैजु	X	जोशी
प्याखम्बः (कुल)	२५। चौकन्हय १८-१९ म्ह जक । महाकाली, महालक्ष्मी कुमारी, भूत कुमारी, भूत निम्ह, कव निम्ह, बेतास निम्ह, कयाः निम्ह, जंगली	२४-२५ म्ह महाकाली, महालक्ष्मी, कुमारी, भूत निम्ह, दैत्य निम्ह, कव निम्ह, कयाः निम्ह, सिंह निम्ह, नायः (मास्टर) छम्ह ।	२२ म्ह महाकाली, महालक्ष्मी, कुमारी, बेतास स्वम्ह, भैरव निम्ह, कव निम्ह, कयाः सिंह निम्ह व मास्टर छम्ह	... म्ह महाकाली, महालक्ष्मी, कुमारी बेतास स्वम्ह, कयाः निम्ह, कव निम्ह, भूत निम्ह सिंह, शेर भगवती, दैत्य व (मास्टर) नायः	२२ म्ह महाकाली, महालक्ष्मी, कुमारी, बेतास स्वम्ह, भूत निम्ह, कयाः निम्ह, जंगली निम्ह, सिंह निम्ह, मेष निम्ह व - पदमक्ष्मी छम्ह	२२ म्ह महाकाली, महालक्ष्मी, कुमारी, बेतास स्वम्ह, भैरव निम्ह, भूत निम्ह, कव निम्ह, सिंह निम्ह, सिंह महय्खा व नायः
नाज बाइसि	जोशी, मादल, भुत्याः फिम	म्यायलि-२, खि- २, इयालि-२, प्यागा-१ व ताः- १	गुजराती, पछिमा, डोलक, इयाली-शिखा	डोलक, पछिमा, म्यायलि, इयाली	पछिमा, डोलक, इयाली, म्यायली	ताः, वड, म्यायली, खि ।
सरकारी आयस्ता	निं ४००/-	कुल ६०००/-	कुल ३४००/-	कुल ३०००/-	कुल ३४५०/-	कुल ३०००/-
आयस्तावीगु नाय्	मुलुकीखाना	कोसी तोपखाना	पुरातत्व विभाग	पुरातत्व विभाग	पुरातत्व विभाग	कुमारीचोक अड्डा
ई	करिव साढे २ घण्टा	करिव २ घण्टा	१ घण्टा	३ घण्टा	३ घण्टा	३ घण्टा
सफ्	X	डु	X	डु	X	X
नाय् चानीगु नाय्	जैसीदेबल			निहनिह खप बडगु		भद्रकाली सतः
तर्ता जगु ई	चन्द्रशमशेरया पालय	खुडवः मध्ये पुलागु	पृथ्वीनारायण शाह (श्री ५ मुबराजाधिराजया शुभ-उपनयन कार्यक्रमबलय श्री ५ या सरकार वसः तयाप्युगु)	वि.सं. १९५३ वीर शमशेरया पालय	X	X

नूगु विश्वभूमि, दै २ ने.सं. १९९३ यंलाथ्व पुहि व पार

खपया सम्यक्य् छपुलु

भिनिदँय् छक्वः घ्यःचाकु सँलू अर्थात् माघ १ गते यँया स्वयम्भूस्थित भुइख्यलय् दिपङ्कर बुद्धपिं बिज्याकाः सम्यक यायेगु परम्परा दुसा यलय् न्यादँय् छक्वः नागबाहालय् यलयापिं दिपङ्कर बुद्धपिं बिज्याकाः सम्यक यायेगु परम्परा दु । तर खप देशय् यँय् थेंतुं घ्यःचाकु सँलू अर्थात् माघ १ गते दँय्दसं थयु वही पिने च्वंगु भुइख्यलय् खपया सम्यक वा दिपङ्कर द्यःपिं नापं बुद्ध भगवानया छ्यं जक व छगः चीभाः मुखः नापं नापं बज्राचार्य, शाक्यपिं च्वनाः सम्यक यायेगु परम्परा दु । उगु सम्यक व भुइख्यलय् याइगु सम्यकया हलं ज्वलं फुक्क धयाथें ज्वःलाःसां नं सम्यक बलय् बीगु दान वा जाकि दक्षिणा फुक्कसितं जूसा दँय्दसं सम्यक न्यायेकेत गुठी हे दुगुलिं गुथिं याइगु सम्यक दान धाःसा भिस्वभाग जक बीगु चलन दु । अले मेपिं सम्यक दान काःवःपिन्त तेतकी जाकि जक गुथिं बीगु चलन दु ।

गुथिं हे स्वनाः दँय्दसं न्यायेकीगु उगु सम्यक भिखलः बज्राचार्य गुथियारपिन्तं न्यायेकीगु जूसां मेमेपिं शाक्य बज्राचार्यपिंनं उगु गुथिइ संलग्न जुयाच्चंगु खनेदु । छन्हु न्त्यः इनाच्चया शाक्यपिन्तं सम्यकया लागिं चाकुमरी छुइगु याइ । छन्हु न्त्यः सम्यक पाःलाःपिं वनाः सम्यक न्याः धयागु सुचं वी कथं सम्यक द्यःपिन्त ग्वय्दां तयेगु याइ । छन्हु न्त्यः हे सम्यक दानया लागिं जा, कै, घासा-नं तयार यायेगु जुइ । खपया तेखाच्चया शाक्यपिनिगु तिसा गुथिं वनाः न्याम्ह दिपङ्कर बुद्धपिनिगु तिसा सिलाः सफा यायेगु याइ, अले घ्यःचाकु सँलू कुन्हु न्हिनय् १-२ बजे ति थासं-थासंया दिपङ्करपिं हयेगु याइ । दिपङ्कर बिज्याकीबलय् जयकीर्ति विहारया पूर्वस्वःगु लुखाय् न्त्यःने तयाः सम्यक पाःलाःया दाजुकिजापिं मध्ये दक्कले चीधिकःम्ह किजाम्ह द्यःयात धकाः दीपङ्कर क्वबुइत दुने च्वना वःम्ह मनूया पाली अर्ग बियाः लसकुस यानाः दुकायेगु याइ । थथे अन उपस्थित दक्व द्यःपिन्त मजुसे न्याम्ह दीपङ्करपिन्त जक याइ । थथे बिज्याकूपिं दिपङ्कर फुकं छसिकथं तयेगु याइ ।

देवतापिनिगु आसन क्रम

१. कूल देवता - हे बज्र नैरात्मा तरंछें - पालंपाः ली कलखय् त्वपुया तइगु कलःया द्यःने किसली छग्वः

२. लोकेश्वर - मुखः छग्वः तिनय् तया तइगु - पशुताहाल - पालंपाः हडेगु
३. दिपङ्कर विहारया दीपङ्कर - क्वाठडौटोल - मूलम्ह दिपङ्कर
४. चतुर्ब्रम्ह विहारया दीपङ्कर - लायकू
५. भोर बहीया दीपङ्कर - ग्वःमढि
६. जयकीर्ति विहारया दिपङ्कर
७. क्वथु बहीया दीपङ्कर
८. लुं सियाः भगवानया स्वाःपाः जक - चैत्यरत्न बज्राचार्य
९. भगवानया स्वाःपाःजक - चैत्यरत्न बज्राचार्य
१०. भगवानया स्वाःपाःजक - शरणकाजी बज्राचार्य
११. भगवानया स्वाःपाःजक - जुलुमकाजी बज्राचार्य
१२. लुं सियातःगु भगवानया चैत्य - जुलुमकाजी बज्राचार्य
१३. स्वपया थाय्पा भाजु
१४. मेमेपिं बज्राचार्य - शाक्य बन्धुपिं

द्यःद्यःपिन्त आशनय् बिज्याके धुंक्ल धायेवं सम्यक पाःलाःनं भूमिशोधन यानाः द्यःयात पूजा यायेगु शुरु याइ । भूमिशोधन छम्हसिनं गं थानाः छम्हसिनं लखं लुकाः कलश ज्वना वःम्हसित छत्रं कुइकाः यंकी । भिमह गुथियारपिनि नं पूजा हयाः पूजा याइ नापं सर्वसाधारण जनतापिन्तं नं पूजा यायेगु याइ । पूजा धुंकाः दिपङ्कर बुद्धपिन्त भोजन दान याइ ।

सम्यक भोजनय् दइगु सामग्री थये खः

१. लप्ते, जा - जाग्वारा चिनाः हाकु हाम्वः तिकातःगु शुद्धगु जाया रुपय्
२. लैकें, ग्वःमाय् बालामाय्, पःमाय्, कःसू ट्याउंगु माय्, मस्यां, क्वलः, हाम्वः भुति, क्यगू, सिम्पु, माय् ओ, वाउँचा तरकारी, मसला, आमलि, कःछे, लै, तु, साखः, सकि, म्हुकं, सिमल, कच, मिचः बल, सतवेसी, ब्याः (वेल) अम्बः, घ्यः, दुरु साखःति, लः लड्डु व म्हासुगु पुरी, ग्वल आदि ।

चवय् न्ह्यथनागु १३ गूयात लुपाथि धकाः पाथिइ छबालाचा लुहिना तःगु पाथि व सिंया पाथि फछि-फछि तेतकी जाकि सर्वसाधारणपिन्त छमना-छमना बीगु याइ । थ्व सम्यकदान कुन्हु स्वपया बज्राचार्य व शाक्यपिं छैखां छम्ह-छम्ह अनिवार्य रुप वनेमाः व बाहेकं मेपिं नं वनेज्यू तर कर मदु । सम्यक दान याइगु तेतकी जाकि तयातःगु थासय् पूर्ण जुइमाः धयागु आशिकां कलश छग्वः तयातःगु याइ । थ्व हे भिस्वंगू निसलाः छगू छगू नं बीगु जुइ ।

दीपङ्कर बुद्धपिं जयकीर्ति विहारया भुइख्यलय् बिज्याकीबलय् अन विहारय्

दुने पूजा सिधःगु जुइमाः । स्वयम्भूस भइख्यलय् सम्यक जुइबलय् दीपङ्कर निसैं सकल बज्राचार्य शाक्यपिन्त सम्यक भोजन न्ह्याम्हसिनं तः ।

थथे सम्यक भोजन दानया नापनापं अन्नदान नं सिधल धायेवं फुककं चःपिं ल्हवना यंकी । उकी मध्येय् न्याम्ह दीपङ्करपिन्त तः वनेगु धकाः सम्यक पाःलाःपिन्सं नवदुर्गा हलया नापसं च्वंगु ल्वहँतय् दिनाः पूजायानाः वने ज्यू । तःवपिन्त गुथियारं चाकु छकु-छकू बियाः तुच्चा याकेगु चलन दु । तर थौकन्हय् चाकु छकू जक मखु, तुच्चा ब्व तयाः हे तुच्चा याकेगु चलन बल । अथें तुं उगु सम्यक्य सुया नं पूजा वा छुं दान याये मास्तिवःसा न्ह्याम्हसिनं नं यायेफु । न्हापां गुथियागु पूजा याःवःपिनिगु जुइ । थ्व क्वचाल धायेवं चः ल्हवनाः लित यंकेगु याइ । दीपङ्कर थःथःपिन्सं ज्वनाः थःथःगु विहारय् दुतयंकेगु याइ । जयकीर्ति विहारया छगू लुखा न्ह्यःने छगू लुखा नवदुर्गा हल नाप खः धयागु थौकन्हय् उकिया अवशेष जक दनि । तर संस्कृति न्ह्याकाच्वंगु परम्पराय् धाःसा ल्यं हे दनि । थ्व फुककं छघौ-निघौया दुने फुककं सिधइ । दीपङ्कर चःपिन्त तःवने धुन धायेवं हानं बाहालय् वयाः पूजा यानाः गुथियारपिनि ला तयाः भव्य नयेगु याइ ।

पञ्चदान देगु धकाः माघ २ गते सम्यकया लागिं ज्या संपिं गथेकि जा थुइपिं, लैंकें खुनीपिं, मरी छुइपिं, मालसामान ल्ह्यइपिं भरिया पाःलाः धकाः ज्यायाइपिं हे पालपाः दुगु थ्व सम्यक्य ज्या संपिं फुककसितं भव्य नकेगु चलन दु ।

खपय् सम्यकया प्रादुर्भाव

बौद्ध धर्मय् सम्यकदान, नःरांदान व पञ्चदान धकाः स्वंगू तःतःधंगु दानं मध्येय् दक्कले तःधंगु दान सम्यक दान खः ।

सम्यक बुद्धया नामं सम्यक दान जूगु खः । सम्यक बुद्ध धयाम्ह श्री स्वयम्भू ज्यतिरूप भगवान बुद्ध तथा समस्त अतीत बुद्धपिनिगु प्रतिनिधित्व याना बिज्याःम्ह खः । थ्व सम्यक बुद्धयात दीपङ्कर बुद्ध नं धायेगु चलन दु । उम्ह बुद्धयात दक्कले न्हापां बिज्याकाः वहे इबलय् मेमेपिं बुद्धपिं नं बिज्याकाः बज्राचार्य, शाक्य भिक्षु, श्रामणेर ब्रम्हचार्य भिक्षु, चैत्य भिक्षु आदि इवःलाक च्वनाः श्रद्धा भक्ति दान ब्यूगु दान धायेगु सम्यक खः । बौद्ध ग्रन्थकथं दीपङ्कर बुद्धया इलय् थ्व सम्यक धर्मया प्रादुर्भाव जूगु खः । (स्वयादिसैं हेमराज शाक्यया सम्यक महादान गुथी ने.सं. ११००) ।

ने.सं. ६११य् खपया जुजु राम मल्लं येंया सुरतबज्रया सन्तान जीवचन्द्र

बज्राचार्यया काय् जयदेव बज्राचार्य सःताः लायकू लिकयाः सुरथश्री चतुब्रम्ह महाविहार नित्यपूजा यायेत तल । जयदेव बज्राचार्य सुरथश्री चतुब्रम्ह महाविहारया जिणोंद्वार याना बिज्यात । उलि जक मखु बुद्ध धर्मयात प्रचार-प्रसार यायेकथं पाप धर्मया खँ नं उगु विहारय् च्वयाः बोधिसत्त्वपिं दुगु विलम्पु नं दयेका बिज्यात । थ्व हे जयरत्न बज्राचार्य थः अबुया नामं ने.सं. ७८७ स लुँया चैत्य छग्वः दयेकाः उगु चैत्ययात पलिस्था यानाः दीपङ्कर बुद्धपिं व मेमेपिं बौद्ध देव देवतापिन्त निमन्त्रणा यानाः ख्वप देशय् दक्कले न्हापांगु सम्यक दानया सुभारम्भ याना बिज्यात । गुगु चैत्य थौतक्क नं सम्यक दान जुइबलय् भगवानया स्वाःपाः धुंकाः विराजमान याकेगु परम्परा दु ।

न्हापांगु सम्यक दान याना बिज्याः बलय् थथुबही स्वयां स्वये मजिक स्यनाच्चंगु खनाः जयरत्न बज्राचार्य बहीयात जिणोंद्वार यानाः ने.सं. ७९४ पौष पञ्चमी कुन्हु उगु थःगु हे नामं जयकीर्ति विहार धकाः पलिस्था याना बिज्यात । नापं सम्यकया लागिं भुइख्यः छः लिचायेकेगु ध्वाका, ध्वाकां दुने धर्मधातुया चैत्य, सम्यक दान यायेत भूमि शोधन यायेगु क्षेत्र आदि दयेका बिज्यात । नापं सम्यक दानया परम्परा न्ह्यायेमा धकाः ३६० पी बुँ नीस्वना थका बिज्यात । जयरत्न बज्राचार्य मदये धुंकाः वय्कःया काय्पिं जयमुनि व जयचन्द्रपिन्स थः अबु जयरत्नया नामं लुँया दीपङ्कर दयेकाः सम्यक दान न्यायेकल । लिपां सम्यक न्यायेकां तुं वंबलय् जयरत्नया काय्पिं निम्ह जयमुनि व जयचन्द्रया नामं नं छम्ह-छम्ह दीपङ्कर बुद्धपिं स्थापना यायेगु जुल । अनं लिपा जयचन्द्रया काय् जयधर्म व जयधर्मया काय् पूर्णराज नं थःथःगु नामं छम्ह छम्ह लुँयाम्ह दीपङ्कर बुद्ध दयेकेगु जुल । थुकथं न्याम्ह दीपङ्करपिं बिज्याकेमाः गुलिइ क्रमशः थुकथं जुल ।

१. लुँया दीपङ्कर - जयरत्न बज्राचार्य नामं
२. लुँया दीपङ्कर - जयमुनि बज्राचार्य नामं
३. लुँया दीपङ्कर - जयचन्द्र बज्राचार्य नामं
४. लुँया दीपङ्कर - जयधर्म बज्राचार्य नामं
५. लुँया दीपङ्कर - पूर्णराज बज्राचार्य नामं

पूर्णराज बज्राचार्य सम्यक दानया इबलय् इवः छुना च्वक्व दीपङ्कर बुद्ध, बुद्ध, बज्राचार्य, शाक्यपिं फुक्कसित लुँया मरी छपा दयेकाः दान याःगु खनाः जङ्गबहादुर राणां सिइकाः ३६० पी दुगु बुँ अधिकरण यानाः २०/३० पी जक सम्यक दानया लागिं बाँकियाना बिल । पूर्णराज बज्राचार्ययात पुलां आजु नं नेपाः तलिबजिया प्यख्खुना

धायेगु चलन दु । वयां लिपां निसैं लुँया मरीया पलेसा सम्यक दानय् दान यायेगु^{११} ज्वलंया मरि म्हासुक छुना: लुँया पुरिकथं दान यायेगु परम्परा थौ तक्कनं दनि । वया लिपा सम्यक न्यायेकेगु परम्परा न्ह्याना तुं वन । अथे सम्यक याना बिज्या:पिन्तं दीपङ्कर सम्यक छ:या थासय् बुद्ध भगवानया छुचैं छुग्व: छुग्व: जक दयेकेगु जुया वन, लिपा थ्व गुथिया रुप कयाबंबलय् इव:लाक प्यंग्व: तक्क तया हयाच्चंगु दनि । अपिं नं सम्यक छ: वा दीपङ्कर कथं हे स्थापित ख:, तर न्याम्ह दिपङ्करपिनि थें म्हया ब्व, वस:, तिसा छुं छुं मदु ।

खपय् समयक दानबलय् छैंखापतिं सम्यकदान काये मा:गु जूगुलिं दीपङ्करपिं बिज्याके न्ह्य: हे छकू रुमाल भुइल्यलय् लाना तयेधुकी, लिपा थ:थ: वया: मुना यंकीगु ख: ।

न्हापां सम्यक दान याइम्ह व्यक्तियाके ३६० पी बुँ दयेमा:, अथे जुल धा:सा जक सम्यक न्यायेके ज्यू धयागु जनधारणा दु । वहे कथं खपया न्हापांम्ह सम्यक दान याना बिज्या:म्ह जयरत्न नं सम्यक न्ह्याका यंकेत ३६० पी बुँ आयस्था तया बिज्या:गु ख: । उकी छथु जंगबहादुरं क्वपाल । आ: नं हानं म्हय् वा सुनां ख: भचा भचा याना: क्वपापां आ: थौकन्हय् २०५३ माघ तक १८ पी बुँ आयस्था दनि उगु गुथि न्ह्याकेत । आयस्था पा: जुजुं वलिसे सम्यकय् दान बीगु नं पा: जुजुं वन जुइमा: । न्हापां सम्यक बलय् का: वक्व बज्जाचार्य शाक्य भिक्षु दक्कसित सम्यक दान फुक्कं यायेमा:गु जुइ । आ: वया: आयस्थां भाय् ल्हाक्व जक फिस्वगू भाग जक सम्यक दान याना: मेपिन्त पञ्चदान याना: मेपिन्त पञ्चदान जक बीगु जुल । न्हापां लुँपाथि व सिँपाथिं का: वक्कसित बीगुली आ: वया: धग्व:चां छतु छतु जक बीगु जुल ।

न्ह्यागु न्ह्याथे जूसां नं सम्यक दानया गुथिया आयस्था बुँया म्हय्पिं भरिया रुपय् वयेकेत भरिया पा:ला: धका: नं ज्या बियात:गु दु । धात्थें खपया भुइल्य: दुने छघौनिघौया जक सम्यकया ज्या जूसां प्यन्हु न्ह्य:निसैं सम्यकया कन्हय् कुन्हु तक न्ह्याइगु थ्व गुथिं आपा: मनूतय्गु सहभागी, धार्मिक आस्थां न्ह्यानाच्चंगु सम्यक ख: । तच्चतं अ:पुक साधारण कथं न्ह्यानाच्चंगु धयागु हे थ्वया बांलाक व्यवस्थित रुपं न्ह्यानाच्चंगु ख: । थुकथं हे थ्व सम्यक न्ह्याना च्वनेमा । १२ दँतक पिया: सम्यक स्वयेम्बा: । खपय् दँयदसं उकथं हे सम्यक न्ह्यानाच्चंगु दु, न्ह्यानातुं च्वनी ।

- (विश्वभूमि तँसापौ, ने.सं १११८ पोहेलाथ्व १२

नसा, त्वंसा, रितिथितिइ

भीगु जातीय विभाजन

युग युगानिसें भीगु समाजय् जातीय भेदभाव दुसां बांलाक थुक्रिया विकसित युग १४ गू शताब्दीपाखे हे जक जूगु खः । अनं वयाः जयस्थिति मल्लं ४ वर्ण ६४ जात धकाः जातियात समाजय् ज्या अनुसार ब्वथला थकल । गुक्रिया प्रभाव भीके थौतक नं दया हे च्वन तिनि । युग परिवर्तनशील खः । युग न्हयानाबलिसे भीगु परम्परा नं न्हि न्हिथं हिलावं वनाच्चनीगु खँ निर्विवाद खः । उक्रिया दसिकथं चाय्क मचाय्क न्हयाम्हेस्यां नं जातीय छेकवारयात अले थी त्यः, मत्यः, तःधं चीधं आदियात अव्यावहारिक तायेका वयाच्चंगु नं मदुगु मखु । अथे खःसां सुं नं मनुखं थौतकं थ्व भावनायात व्यवहारय् छ्यले मफुनि । थुक्रिया मू कारण खः - संस्कार । संस्कारं भीत थुलित धालय् याना तये धुंकल कि न्ह्यात्थें हे जिदिम्ह छांय् मजुइमा मनुया जीवनकालय् छगू नं छगू इलय् जातीय कट्टरताया भावनां प्रेरित यानाच्चनी । खतुं भीगु देशया संविधानकथं छुवाछुतया भावना मदु । सकसिनं कानूनं समान व्यवहार यानातःगु दु । अथे खःसां समाजया विभिन्न सम्प्रदाय दुने च्वनाः म्वाना च्वनापिं भीगु समाजय् नियम कानूनया प्रयोजन बांलाक मजू । थुलितक कि अदालतय् तक नं थुक्रिया व्यावहारिक नियम लागू मजू । थ्व बांमलाःगु वृत्ति खः । थज्याःगु संस्कार (गुकिं भीत विकासया तँ गयेगुपाखें वन्चित यानातल) यात न्हंकेत भीथाय् सांस्कृतिक क्रान्ति जुइमाःगु आवश्यक जूगु खनेदु ।

भीगु नेवाः समाजय् विशेष यानाः निता धर्मया परम्परा व संस्कृति या प्रभाव खनेदु ।

१. बौद्ध धर्मावलम्बीतय् प्रभाव

२. हिन्दू धर्मावलम्बीतय् प्रभाव

थ्व निता मध्ये आःयात भी बौद्ध धर्मावलम्बीपाखे दुने छक्वः नि दुवाला स्वयेगु कुतः याये ।

मेमेगु धर्मय् थें बौद्ध धर्मावलम्बीत नं विभिन्न जातियापिं दु । उपिं

मध्ये थौ तक व्यवहारय् वया च्वंकथं थन जातिया नां अर्थात् थरयात न्ह्यब्वये । लुमंकेमाःगु छता खँ छु दु धाःसा - क्वय् न्ह्यब्वये त्यनापिं मध्येयापिन्त बियातःगु व यानावयाच्वंगु ज्या कथं लिसें - नँसा, त्वंसायात हे मुख्य जातीय रेखाया रूपय् छयलातःगु दु ।

जातीय धलः भीके थुकथं दु -

जाति

१. गुभाजु (वज्राचार्य)
२. बन्हे (बंडे शाक्य)
३. उराय्/उदास :
 - (क) तुलाधर
 - (ख) ताम्राकार
 - (ग) बनिया
 - (घ) रथापित
 - (ङ) कंसाकार
 - (च) राजकर्णिकार (मरि कःमि)
 - (छ) शिल्पकार (ज) ल्वहँ कःमि आदि

४. ज्यापु :

- (क) महर्जन (ख) सिं
- (ग) डंगोल (घ) सुवाल
- (ङ) सापू (च) काभुजा
- (छ) मुसा (ज) लपते
- (झ) हले (ञ) फै
- (ट) हँयपू (ठ) फैपू

५. कुमाः (प्रजापति)

६. गथु (मालाकार)
७. छिपा (रञ्जितकार)
८. पुं (चित्रकार)
९. नउ (नापित)

ज्या

पूजा, पाठ कर्मकाण्डया पूजा
लूँ, वहःया तिसा वस्तु दयेकेगु

व्यापार

सिजःया वसुला दयेकेगु

व्यापार (वासः)

सिँज्या

कँय्या ज्या

मरि दयेकेगु ज्या

ल्वहँया ज्या

बुँज्या

चा भारा छीगु ज्या याइपिं

स्वांया ज्या याइपिं

कापतय् रंग छीगु

चित्रकला च्वयेगु गथेकि पौभाः

वैद्यया ज्यालिसें लुसि ध्यंकेगु व

सँ चाकेगु

१. *People of Nepal by Dor Bahadur Bistha "Newar's" Research Paper by Gopal Chandra Singh Nepali.*

१०. खुसः (तण्डुकार)	ज्यामि
११. साय्मि (मानन्धर)	चिकं दयेकेगु
१२. दुई (दली वा नगरकोटी)	बुँ ज्यामि (भरिया)
१३. भःम्व (सुधाकार)	पि ध्यंकेगु, कुले बौ वायेगु
१४. बलमि	ज्यामि
१५. भागरा	घःसू न्ह्यः खुसिइ क्रिया च्वंपिन्त सर ।द याकीगु
१६. नाय् (खड्गी)	ला मीगु, सी बाजं, नाय्खिं थायेगु
१७. कुलु	बाजं दयेकेगु
१८. पुलु	पुलु दयेकेगु
१९. च्यामखलः (च्यामे)	बुँ पुइगु
२०. पोन्हे (घःला)	बुँ पुइगु, गंकी कायेगु
२१. हालाहुलु	बुँ पुइगु

कुमाः - थुमिसं चा भारा छीगु ज्या याइ । लुमंकेबहःगु छता खँ, थुमिगु हे जात खःसां ह्याउँभारा छीपिन्सं हाकु भारा छीपिनि ल्हातं जा नयेगु मयाः । मेमेगु चले जू ।

थुकथं सकसितं थःथःगु ज्या कथं छयला वनातःगु खनेदु । जातिकथं ज्या बियातःगु खनेदु । फुकस्यां थःथःगु कथं ज्या यानाः नयावयाच्वंगु खःसां सुयां ल्हातं लः त्वने ज्यू व मज्यूया रेखा क्रियातःगु दु । थ्व लःपाखें नं विशेष जातीय विभाजन स्पष्ट रूपं सी दयाच्वंगु खः ।

लः चलय् जूपिनि ल्हातं थ्यूगु मध्ये नं लुमंकेमाःगु छता खँ दु - व छु धायेबलय् लः चलय् जूपिनिगु ल्हातं नं सम्पूर्ण फुककं नये-त्वने ज्यू याना मतः । उमिसं सियातःगु, दायेकातःगु व मनातःगु चीजंबीज नयेज्यू यानातल । तर हलू तयाः दयेकातःगु जा, तःखाः, गोर्मा, सँन्या खुना आदि नयेमज्यू यानातःगु दु । थौं भीथाय् न्हापा स्वयाः छुं भचा परिवर्तन जुयाः वा सुयां पाखें दया कृपा कयाः निगू जातिया ल्हातं लः चले यानाथकूगु दु । उपिं खः (१) दुई - दुईया ल्हातं पृथ्वीनारायण शाहया पालनिसें (२) साय्मि - थुमिगु ल्हातं जंगबहादुरया पालनिसें लः चलय् जूगु खः धैगु धापू दु ।

लः चले मजूपिनि पाखे भाँडाकुडाय् दुगु प्रतिबन्ध

न्हापानिसें वयाच्वंगु परम्पराकथं थौतक नं भीसं भीगु समाजय् खना वयाच्वनागु व्यवहार मध्ये छगू खँ लः चले मजूपिं मनूतय्पाखें छुं नं चाया भेवाः तजिबजिया प्यखंनुना

थलबलय् थिल धा:सा वा सिया थलबलय् थिल धा:सा व वस्तु मजिल । सुनां थिल वयात तुं बिया छुवइगु परम्परा थौतकं म्वानाच्चंगु दनि । तर धातुया बस्जा गथेकि - लुं, वहः, ली, सिजः, आल्मोनियम, कय् आदि थिल धा:सा मि तया: सिला: ज्या, ख्यलय् यायेगु चलन दु । थज्या:गु परम्परा मानव सृष्टिया कालनिसें दुगु ला अवश्य खइमखु । जब जनसंख्या अप्व: जुजुं वन अले लिपा राज्य संचालनया निम्तिं सुं छम्ह शासकं थज्या:गु परम्परा कथं दयेकाबिल जुइ । गथेकि जयस्थिति मल्लं नेवा: समाजय् जातीय प्रथाय् ज्याया विभाजन यानाबिल ।

जातीय विभाजनया ज्याय् 'हलू'

हलूपाखें नं थ्व जात त:धं व जात चीधं धका: स्पष्ट यानात:गु दु - गथेकि साय्मिया ल्हातं हलू चले मजू । गुभाजु, बहे, उराय् तय्सं साय्मिया ल्हातं हलू चले मया:गुलिं लिपा ज्यापुतसैं उमिं ल्हातं हलू मनल । थ्व खँय् नं निता खँ दु - छु छु धा:सा ल: चले जूपिनिगु ल्हातं हलू क्वय्का: चले जू । तर छुनात:गु चले मजू । थ्व खँय् धापू थुकथं दु - हलू क्वयेकल धा:सा सियात:गु बराबर ख: । गथे ल: चले जूपिनि ल्हातं सियात:गु नये ज्यू अथे हे हलू क्वयेकात:गु नं नयेज्यूगु ख: । छुनात:गु जुलकि दयेकात:गु बराबर वा दयेकात:गुली जक हलू छुनातइ । उकिं व चीज नयेमज्यू धयात:गु ख: । उकिं हलुखं नं जातीय विभाजनय् यक्व तिबं: बियात:गु खनेदु । हलू नयेमज्यूपिन्सं दयेकूगु क:क्वा: नं प्यंगू जातं नयेगु मया: । थ्व प्यंगू जात - गथु, पुं, छिपा, नै अर्थात् नै नं लुसिं थिकीपिनिगु ल्हातिं दयेकूगु इलू नयेगु चलन मदु । अचारय् क्वयेकात:गु हलू धा:सा थ्व प्यंगू जातिइ नं चले जू । बराबर जातयापिं व थ:स्वयां छुं क्वय्या जातितय् दथुइ हलू चले-जू । च्वय् न्ह्यथनाथें प्यंगू जाति दुने गथे अचारय् हलू चले जू - अथेहे फसि घासा हलू चले मजू । कारण फसिइ हलू छुइगु ख: क्वयेकेगु मखु । तर थौं वया: हलुखलय् उलि कट्टरता खनेमदये धुकल ।

'त:खा:' जातीय विभाजनया क्षेत्रय्

त:खा: - नेवा:तय् अफ्र बौद्ध धर्म मानय् याइपिं मनूतय् नां जा:गु ला क्वा: मध्ये छगू ख: । थ्व ला - गुभाजु, बहे, उराय् व ज्यापुतय्सं दयेकूगु त:खा: बौद्ध धर्म मानय् याइपिं न्ह्याम्हसितं चले जू । तर ज्यापु क्वय्या जातं दयेकूगु त:खा: चलय् मजू । त:खा: तया: भ्वय् याये माल कि स्वजात बेजात छुटय् याना: अलग अलग भ्वय् यायेमा: । यानाच्चंगु नं खनेदु । स्वजात धका: खास याना: जा चलय् जूपिनिगु भ्वय् ख: । उकी त:खा, गोर्मा,

सँन्याखुना तया: भव्य नकी । छता खँ - गोर्मा धैगु जाकिचुं तया: सुकुला दयेकीगु क्वा: ख: । जाकि चुं तया: दयेकेगु छु जा नकेगु मजूला ? त:खा मन:गु जातं ख्व:गु ला नहे न: । छु ख्व:गु ला धैगु त:खा मजूला ? उकिं त:खा नं जातीय विभाजनया क्षेत्रय् यक्व तिब: ब्यूगु खँ निर्विवाद ख: ।

‘जा’ जातीय विभाजनय् महत्वपूर्ण थाय्

दक्कले सकलय् भीगु समाजय् भीसं न्हिं निछा: नया वयाच्चनागु जां जातीय विभाजनय् थौतकं व्यवहारिक रुपं स्पष्ट लक्ष्मण रेखा किया वयाच्चंगु भीगु न्ह्य:ने आ:तलें नं दहे दनि ।

यक्व न्ह्य:या खँ ख:, भीधाय् गुभाजु, बहे, उराय् व ज्यापु प्यखल:या छगू भान्छा वा भुतू-धाइ । तर थौं वया: निगूया जक बांलाक जा चले जुयाच्चंगु दु । व ख: गुभाजु व बहे । उराय्तय् ल्हा:तं नं जा मन:गु मखु, तर म्हो जक गुभाजुतय्सं जा चलय् याइगु जुयाच्चन । थुकिया मू कारण छु धा:सा गुभाजु व उराय् दथुइ जातीय ल्वापु जुल । ल्वापुया कारण छु धा:सा ल्हासां छम्ह बौद्ध लामा व:गु जुयाच्चन । ‘उम्ह लामाया धर्म उराय्त निम्ह, ज्यापु छम्ह व साय्मि छम्हस्यां माने यात’^२ अले धर्म माने यायां ध्व प्यम्हस्यां नं छगू हे भुतू याना: जा नयेगु यात । लिपा लामायागु पालि नं भवपुल । थये लामायागु संगतय् लाना: उराय्तय्सं गुभाजुतय्त माने यायेगुली पाका हल । गुभाजुतय्सं नं लामाया पालि भवपुइपिं व ज्यापु, साय्मिया ल्हा:तं जा नया वये धुकूपिं उराय्तय् ल्हातं जा नयेमखु, छाया:सां उम्ह लामाया धर्म मानय् या:पिं उराय्तय्सं ‘शुद्ध’ मयासे उराय् समाजय् हे दुहां व:गुलिं गुभाजुतय्सं उराय्तय्गु ल्हातिं जा नयेमखु धका: धयाहल । ध्वयां लिपा उराय्तय्थाय् पूजा मवनेगु व उमिगु ल्हा:तं जा चले मयायेगु खँ क्व:जित । थये जूगुलिं धर्म त्व:ते मफुपिं उगु ईया मन्तय्सं थ:हे गुभाजु जुया: तक नं पूजा चले या:गु उदाहरण दु । थये जूसां गुलिं गुभाजुपिं उराय्पाखे लिना: पूजा यानाच्चंगु नं मदुगु मखु । थुकथं गुभाजु व उराय्या दथुइ जक मखु ज्यापु, बहे समेत निध्व: जुयाच्चन । ज्यापु जातय् नं यक्व ल: चले जुया: नं ज्यापु स्वयां क्वजातपिं यक्व दु । उमिपाखें नं ज्यापुतसैं जा मनयेगु यानाहये सल वा यानाहल । थुलि जक नं मखु ज्यापु स्वयां क्वय्या जात तर ल: चले जूपिं, जा चले मजूपिन्सं नं ज्यापुतय्गु ल्हातं जा मनयेगु यानाहल । ध्व जातीय कलह

२. "Social Mobility in the Newar Cast System" by calin Rosser in cast and kin in Nepal, India and Ceylon.

नं मनूतयत् थुलि प्रभाव लातकि सामाजिक जीवनं थुकिं मखुगु व बांमलाःगु प्रभाव ह्वलाबिल । थुकिं यानाः वैवाहिक जीवन स्यन । गुलिखे मिसा मिजंया दथुइ पारपाचुके जुल । थुकिं यानाः विशेष मिसातय् जीवनय् भयानक प्रभाव लात । छायाधाःसा मिसां छम्ह भाःत त्वःता निम्हम्ह नापं जुइगु सामाजिक मान्यता मदुगु खँ खः । तर मिसा जगाजग दयेकं मिजंतय्सं निम्ह स्वम्ह मिसानाप इहिपाः यायेदु । थुकथं इहिपा जुइधुंकूपिं मिसातय्सं वैवाहिक सुख ल्वःमंके मालाच्वंगु दुसा मेखेर थःगु अंश भागय् हक लगय् मजुइका च्वना च्वनेमाः । थ्वला मचा मदुपिं मिसा मचातय्गु खँ जुल । मचा दयेधुंकूपिं मिसातय् भन् थ्व स्वयां दयनीय अवस्थाय् जीवन व्यतीत यायेमालीगु निर्विवाद खँ खः । मिजं मचातयत् जक थुकिं छुं असर मयाः धयागु मखु । थुकथं बौपिनि ल्वापुं वा लामा छम्हेस्यां यानाः उकिया सजायँ थः काय् म्हायाय्पिन्सं फयाच्वनेमाःगु तसकं दुःखया खँ खः ।

भीगु समाजय् अजूचायापुगु खँत यक्व दु । गथे धाःसा खीर धकाः दुरु, चिनी, घ्यः तयाः थुयातःगु (विशेष प्रकारया जा) यात धाःसा सकस्यां नये ज्यू (लः चले जुक्वस्यां थ्यूगु) तर जा नयेमज्यू । जाय् नं घ्यःया प्रमाण जक दतकि हे मेगु जात चले मजूपिनिपाखें थुयातःगुसां नयेज्यू यानावयाच्वंगु दु । विशेष यानाः मध्याःम्ह कलाःयापाखें नये मालकि अथे याइगु खः । थ्व ला बौद्धमार्गीतय्सं पवित्र नसा भाःपाः नल धाये । तर हाजा ला अथे मखु । न उकी घ्यः हे दइ । नत चिनी । दुरुस्त जा थें हे खः । फरक थुलि कि जा थुइत लः व जाकि नापं तयाः थुयाः बुकी, तर हाजायात बाफं बुकी । आखिर लःया अंश उकी मलाःगु मखु । थुलि जक नं मखु थुकथं हाजा दयेकाः थुयातःगु थ्वं छःनिसें कयाः न्ह्याम्हसित नं चले जू । थुकथं स्वयेबलय् भीगु परम्परा दुने जाति व लः छुखे छुखे यानाः जाकि मनाः नःसां ज्यू तर जाकि व लः छुथासं तयाः थुयाः नयेमज्यू । वास्तवय् निगूया नं प्रक्रिया जाकि मनाः नयेगु हे खः । नां जक फरक खः । छगू जा थुइगु मेगु हाजा हायेगु । थ्व खँ ख्वालय् मखु न्यतालय् जक धाःगु मखुला सखे ?

ह्वखापाखें खने दयावयाच्वंगु जातीय क्रम

नेवाः सम्प्रदायया दुने ह्वखाया प्रयोगय् न जातीय क्रम कथं न्ह्यानाच्वंगु दु । खतुं थ्व ह्वखाया प्रचलन अमल काःपिं वा बानी दुपिं दथुइ जक जुइगु खः । अथे अमलयागु बानी दुपिन्सं थजात क्वजात छुं नं धयाच्वनी मखु । न्ह्यात्थेसां

उकिया सेवन यायेगु जक ध्याउना जुयाच्चनी । अथे खःसां तबि नं जातीय मर्यादा क्रम अनुसारं बीगु व कायेगु चलन भीथाय् दुगु खः । तर थौकन्हय् चुरोट पिदंगुलिं थुकिया प्रचलन उलि मदु थें च्वनावंगु खः । ह्वखा गुभाजुनिसें नाय् तकं नं चलय् जू । उकिया अर्थ तप्यंक हे लः चले जूपिं व स्वजाततयत् थें चले जूगु मखु गथे धाःसा छसिकथं जातीय मर्यादा क्रमया अनुसारं ह्वखा बिया यंकबल्य गुभाजु, बहे, उराय्तक छगू हे नः कथि जुइ । वयां क्वय्यापिन्त नःकथि फरक फरक यानाः तयातइगु खः । गथेकि - गुभाजुया ह्वखा बहे, उराय्, ज्यापु, पुं, छिपा आदि तक चले जू । अथे हे पुं, छिपायागु ह्वखा गुभाजुनिसें नाय्तक चलय् जू । थुकथं चलय् याइबल्य लुमकेबहःगु छता खँ दु - व छु धाःसा मध्यम जातिया मनुखं ह्वखा सुयातं बीबल्य अर्थात् थजातयात बीबल्य कित नःकथि अलग यानाः बी वा ह्वखा हे अलग तयातइ । क्वजात वइबल्य नःकथि तयाः बीमखु अथें बी वा ह्वखा हे अलग तयातःगु दइ व बी । थजातयात बीबल्य नःकथि थःगु हे नं तया बी ध्याः । अथे थीबल्य थजातम्हेस्यां नःकथिं त्वने नं फु । सतःसे नं त्वने फु । ज्वलिंज्वःया मनु वःसा वयातला बालाक हे चलय् जूगु जुल । थ्व कथं जातीय क्रम छुटे जूगु धैगु क्यनातःगु भीसं थुइके अःपु । थुकिया प्रत्यक्ष प्रमाण यदि गुभाजु, बहे, उराय् व ज्यापु छथाय् भेला जुयाच्चन धाःसा भीसं च्वय् न्ह्यथनाथें छसिकथं न्ह्यानावंगु खनी ।

लुसि ध्यंकेगु

भीगु समाजय् छुं छगू जक नखः वःसां, मचा बूसां, सुं सीसां नीसी यायेगु चलन दु । थुकिया हे क्रमय् दुने लुसि ध्यंकेगु नं खः । लुसि नौनी नं ध्यंकी - उमिसं गुभाजु, बहे, उराय् व ज्यापु अले नौ थ्वहे प्यंगु जातयात जक लुसि ध्यंकी । वयां क्वय्या जातयात नौतय्सं लुसि ध्यंकीगु थौतक प्रचलनय् वयाच्चंगु खँ खः । तर नौ नं धाःसां सँ चाकेगु ज्या न्ह्याम्हसित नं यानाच्चंगु दु । थुकिया कारण छु जुइफु धाःसा सँ चायेगु ज्या छ्यंयागु ज्या व लुसि तुतियागु क्वह्यंगु ज्या जूगुलिं खः । थ्व स्वयाः क्वय् जातया तुति मथीगु परम्परां यानाः थथे जूगु वा यानातःगु खइ ।

पि ध्यंकेगु ज्या

मचा बुइबल्य पि ध्यंकेगु चलन दु । पि ध्यंकेगु ज्या निगू जातिं याइगु खः (१) भम्ब (ख) नाय् । थुपि निखलः न्हापा क्रम अनुसारं शायद विभाजन यानातःगु जुइ । भम्ब जाति धैगु न्हापा हे म्हो जक दुगु लिपा उमिसं थःगु जाति श्रेष्ठ धकाः तयेगु यासेलि उमिगु जात हे मदयावं थें जुल । पि ध्यंकेगु ज्या गेपाः तजिलजिया प्यखँगुला

थौकन्हय् अस्पतालया प्रभावं याये म्वाःला वनाच्वंगु दु । तर कुले बौ वाय्त व मचा बू व्यंकेत मदयेकं मगाः ।

बुँगाः

थ्व बुँगाःया प्रचलन न्हापा कलहितिया प्रचलन मुदुबलय् लःया नितिं दयेकातःगु छगू स्रोत खः । उगु इलय् कलहिति मदु अले उकिया पलेसा त्वहँ हिति, बुँगाः व तुं थ्व स्वंगू माध्यमं लः कायेगु यानाच्वंगु खः । उबलय् लः चलय् जूपिनि नितिं छगू बुँगाः जूसा लः चले मजूपिनि नितिं मेगु बुँगाः दयेकातःगु दु । यदि सुनानं थिल धाःसा उकिया नितिं सजायँया बन्दोवस्त तकं दु धइगु न्यनेदु । ख्वपय् थौतक नं सायमितय्त तुं वा बुँगाः थीगु अधिकार मदुनि । मथीकूनि । थ्व नं छगू जातीय भेदभावया ग्यसुलाःगु दसु खः ।

ईया ह्युपालं थौकन्हय् शिक्षितपिन्सं सकसितं समानताया आधारय् स्वये धुंकूगु दु । न्हापा-न्हापा लागि दयेकूगु थ्व व्यवस्था लिपा वनाः जातीय विभाजनया आधारय् जूवन । गुगुलिं यानाः समाजय् छगू कथं विकृति हे जुयाबिल । नेवाः समाजय् थज्याःगु समाज नं दुगु गन दक्कले क्वय्या जातयात दक्कले च्वये तयाः दक्कले च्वयेया जात धकाः धयातःगु जातयात दक्कले क्वय् तयाः भ्वय् नयेगु परम्परा नं दु । ग्वलय्या वैद्यतय् तःधंगुथि धकाः पुरोहित वैद्यनिसैं नाप पो तक छुइवः छुनाः सगं कयाः भ्वय् नयेगु परम्परा थौकुक नं दनि । ●

- ग्वयसां, ल्याः १, तहाचल क्याम्पस

मिजंयात बियाछ्वयेगु

छगू परम्परा - दोलाजी

थौया समाजय् दोलाजी प्रथा छगू न्हना वने धुकूगु प्रथा धाःसां छुं पाइमखु । दोलाजी कथं च्वनेगु व्यवहार जुया च्वंसां नं 'दोलाजी' धकाः धायेका च्वने मयः । अफ्र धायेगु खःसा 'दोलाजी' खँवःया अर्थ तकं मथुइ धुकूगु दु । थ्व सांस्कृतिक परम्परा भी पूर्खापिन्सं म्वाः मदयेक समाजय् दयेका थकूगु ला खइमखु जुइ । अथे जूसां नं मिजं प्रधानगु समाजं थ्व संस्कृतियात वास्ता मतल वा ययेकेगु मजुल । मिजंतय्सं क्वत्ययेका च्वपिं मिसातय्सं 'दोलाजी' प्रथा थःपिन्त सामाजिक मान्यता कथं समान मिजंतय्गु समानताया आधारय् दयेका तःगु धकाः महसुस याये मफुत । मिजंतय्सं न्हंकेत स्वयाच्वंसा मिसातय्सं उकियात ग्वाहालि याना जुल । समाजय् मिसातय्त नं मिजंतय्ति सामाजिक आर्थिक राजनैतिक आदि क्षेत्रय् समान अधिकार माः धकाः धयाबयाच्वपिं भद्र मिजपिं जुइमा वा भद्र मिसापिं जुइमा इमिसं 'दोलाजी' प्रथा मिसातय्त समान अधिकार बियातःगु सांस्कृतिक परम्परा खः धया वाः चायेकेगु मयाः ।

दोलाजी प्रथाया परिचय

साधारणतया मिजपिन्सं मिसात इहिपाः यानाः मिजंया छेंय् भौमच्चा हयेगु प्रथाथें तुं मिसाया छेंय् मिजंम्ह इहिपाः यानाः मिसाया छेंय् जिचाभाजु तये हयेगु प्रथाः दोलाजी प्रथा खः । मिसां थः बूगु मां-अबुया छें त्वःतेगु मजुसे काय्मचां थः बूगु मां अबुया छें त्वःताः मिसाया छेंय् वयाः च्वनेगु खः । दोलाजी थथे यानाः इहिपाः याःम्ह म्हाय्मचां थःगु गोत्र मत्वःतुसे दोला च्वंवःम्ह मिजंयात समेत थःगु गोत्रय् दुध्याकीगु खः । अथे यानाः इहिपाः धुंकाः जन्म जूपिं मचात मिसाया गोत्रय् जुइ, अर्थात मिसाया जात हे जुइ । मिसाया छेंया वंशज न्ह्याकेगु जुइ । मचातय्सं थः अबुया वंशज न्ह्याकेगु जुइमखु । मेकथं धायेगु खःसा मिजं नं थः बूगु छें त्वःताः मिसानाप इहिपाः यानाः मिसाया छेंय् च्वंवनेगु परम्परा दोलाजी प्रथा खः ।

ऐतिहासिक तथ्य

‘दोलाजी प्रथा’ थौकन्हय् गुगु कथं संकुचित जुयावंगु खः उलि न्हापा मजू । इतिहासयात पुइका यंकेगु खःसा राजसिंहासन खाली जुइगु अवस्थाय् म्ह्याय्पिन्त वा राजकुमारीपिन्त इहिपाः यानाः राजपरम्परा न्ह्याका वयाच्वंगु प्रमाण आपालं खनेदु । जुजु धायेवं काय्मचा बुइ हे माः धयागु मदु । म्ह्याय् जक नं बुइफु । म्ह्याय् जक जुल धकाः जुजुपिन्सं राजगद्दी मेपिन्त त्वःतेगु नं जुइमखु । थज्याःगु परिस्थितिइ जुजुपिन्सं थः राजकुमारीयात इहिपाः याकाः पित बिया मछूवसें दरवारय् हे मिजं हयाः राजकुमारीयात इहिपा याना बीगु परम्परा दु । अथे धकाः राजकूल हे खाली जुइगु अवस्थाय् जक मजुसे राजकुमारीपिं दरवारं पिहाँ वनाः इहिपाः यायेगु इच्छा मयात धाःसा नं दरवारय् मिजंत हयाः राजकुमारिपिन्त इहिपाः याना बीगु परम्परा दु ।

मध्यकालया जयरुद्र देव मल्लया काय् मदु । सन्तानया रुपय् नायक देवी छम्ह हे जक दु । जयरुद्र देवया मृत्यु लिपा देवलदेवी १३८६ ई न्ह्यः सु म्ह्याय् नायकदेवीयात काशीया छगू राजवंशया हरिश्चन्द्र नांया छम्ह मिजं हयाः इहिपाः याना बिल । तर हरिचन्द्रनाप नायकदेवीया सम्बन्ध उलि बांलाके मफुगुलिं यानाः वयात विष नकाः स्याना बिल । लिपा नायकदेवी जगतसिंहानाप इहिपाः यात । नायकदेवीया जगतसिंह पाखें म्ह्याय् छम्ह दत, वया नां राजल्लदेवी खः । मल्ल वंशया परम्परायात न्ह्याकेत नायकदेवीयात थें तुं राजल्लदेवीयात जयस्थिति मल्ल दोलाया रुपय् हयाः व्याहा याना बिल । फलस्वरुप जयस्थिति मल्लं थः जक राजगद्दीइ च्वंगु मखुकि थःगु सन्तानयात समेत राजगद्दीइ तयेगु यात । उकिं जयस्थिति मल्लं थःगु वंशज कथं शक्तिशाली जुजु जूगु मखसें राजल्लदेवी नाप इहिपाः यानाः नेपाःया छम्ह शक्तिशाली सुव्यवस्थितिम्ह जुजु जुयाः इतिहासय् नां तल । थ्व कारणं यानाः हे जयस्थिति मल्लं थः रानी राजल्लदेवीयात तच्चकं च्वछायातःगु खनेदु । देवलदेवी थःगु मल्ल वंशया परम्परा न्ह्याकेगु लागिं नायकदेवीयात दोला तयाः थःगु राजशक्ति काय्म यात । अथे तुं नायकदेवीया म्ह्याय् नं अथेहे थः म्ह्याय्यात नं दोलाजी तयेगु यात ।

सर्वसाधारण्य दोलाजी प्रथा

इतिहासय् उल्लेख यानातःगु थ्व दोलाजी प्रथां खालि राजगद्दीया परम्परा न्ह्याकेया लागिं जक दोलाजी प्रथाया प्रचलन यानातःगु थें आभाष

जनमानसय् दु । तर दोलाजी प्रथा राजपरिवारय् जक मखु सर्वसाधारणया दथुइ नं न्ह्यानाच्वंगु प्रमाण दु । इतिहासय् उल्लेख जुयाच्वंगुया कारण यांना: खालि राजपरिवारय् जक सीमित थें च्वंगु खः । समाजय् जूगु घटना इतिहासय् उल्लेख यायेगु मजू । श्रुतिशालीपिं इतिहासप्रति सचेतपिं जुल धा:सा जक अभिलेख च्वया: उकिइ अंकित यायेगु जूगु खनेदु । तर छम्ह मिसां इहिपा: या:गु वा दोलाजी त:गुयात अभिलेखय् उल्लेख यायेगु परम्परा खनेमदु । थज्या:गु प्रमाण ला जनताया खँलाबल्हाया धापू खः । वंश न्ह्याना हें च्वन धा:सा अथवा वंश परम्परा कथं सराद यांना: पिण्ड तयेगु यांनाच्वन धा:सा नं व खँ सत्य खः, प्रमाण खः । परम्परा व लोक धापूयात केन्द्रित यांना: धायेगु ख:सा ओमबाहा:स्थित छगू बज्राचार्य वंश व लगंबाहाया छगू बज्राचार्य म्हेयाय्मचां ब्राम्हण मिजं दोलाजी तया: थ्व वंश न्ह्याना वनाच्वंगु दु । आ: उगु ब्राम्हणया खँ हे मदये धुंकल । उलिं जक मखु बज्राचार्य म्हेयाय्मचां, ब्राम्हण मिजं नाप इहिपा: यांना: वयापाखें दुपिं काय्पिन्त ओमबाहा: व लगंबाहा: दुने बरे वा चूडाकर्म यायेगु तकं यांना च्वंगु दु । बज्राचार्य व शाक्यपिनि थ:थ:गु बाहा: वा बही दुने चूडाकर्म यायेगु परम्परा दु । अन उगु गोत्रबाहेक मेपिं चूडाकर्म याकेगु परम्परा मदु ।

राणा परम्परा दुने नं दोलाजी प्रथाया प्रचलन

जुजु खलकपिन्सं या:गु ज्याया अनुकरण राणापिन्सं नं याइगुला स्वाभाविक हे जुल । तर राणातय् बहुविवाह प्रथाया चरम प्रचलनया कारण शक्ति पदाधिकारया लागिं हे धका: दोलाजी प्रथाया प्रचलन मजुसैं सर्वसाधारण जनता स्वयां च्वय्यागु स्तरया कथं राणातय् म्हेयाय्मचात पित बिया मछूवसैं थ: म्हेयाय्मचातय् थ:गु छँय् हे मिजं हयां: ब्याहा यांना: पारिवारिक जीवन न्ह्याके बीगु प्रचलन दु ।

नेपा:या इतिहासय् थज्या:गु नं घटना जुल-राणातय्सं थ: म्हेयाय्मा लागिं दोलाजी तये यंकूम्ह मिजं थ:त इहिपा: याइम्ह मिसानाप मतिना जक यांना: सुम्क ऐश आरामय् जीवन महंसे राणातय्गु जहाँनिया बनावट, जहाँनिया कलह, जहाँनिया बैमनस्य आदि सर्वसाधारण जनतां पिने मखनीगु, मखनीगु स्थिति खंका: राणाप्रति विद्रोहया भावना दना: जनतातय् राणातय्गु निरंकुश शासनं मुक्त यायेगु लँपुइ न्ह्यात । उलि जक मखु लिपा प्रजातन्त्रया लागिं थ: शहीद तक नं जुया वन । उम्ह व्यक्तिया नां खः - शहिद दशरथ चन्द ।

नाटककार विजय मल्लं मिसा समानता खंकूगु दोला प्रथा

नाटककार विजय वहादुर मल्लजुया अप्वः याना नेपालभाषाया नाटक्य नेवाः संस्कृतियात छुं छुं पक्षय् थिया तःगु खनेदु । नेवाः समाजया दोलाजी प्रथायात सुमावेश यानाः नेपालभाषां चवयादीगु नाटक 'किपालुं लिनाचवंम्ह मनू' खः । थ्व नाटक सफूया रूपय् नेपालभाषाय् प्रकाशित जूगु मनुनिसां नेपाल राष्ट्रिय प्रज्ञाप्रतिष्ठानया दबुली अति सफल जुइक मञ्चित जुइ धुंकूगु खः । थ्व हे नाटकया बाखंयात कयाः नेपाली 'भूलै भूलको यथार्थ' कथं सफू प्रकाशित जुइधुंकूगु दु । थ्व नाटकया मुख्य पक्ष दोलाजी प्रथा कथं म्हाययात इहिपाः यानाः बीगु खः । गुकिं यानाः थःगु वंश काय् नं थें म्हाययनं कायम याइ । थःगु सम्पत्तिया हकया हकदारनं जिलाजं व म्हायय् समान रूपं जुइ । अधिकार नं म्हायय् व जिलाजंया जुइ । धनीम्ह अबुया याकः म्हाययात इहिपाः यानाः बिया छवेल धाःसा म्हाययनं हक व अधिकार थः भाःतया छैय् वनाः काः वनी बरु थःगु छैय् हे जिलाजं हयाः बिल धाःसा भौयात सम्पत्तिया हक व अधिकार बी थें जिलाजं भाजुयात बीगु जुइ । अनं वंश परम्परा नं न्ह्याइगु विचाः न्ह्यब्वयातःगु खः ।

कानून कथं दोलाजी

न्हापा न्हापा जूसा दोलाजी च्वंवम्ह मिजनं थः बूगु छैया हक व अधिकार त्वःताः मिसाया छैय् अधिकार काः वनीगु प्रचलन खः । तर मिजंतय्त अप्वः महत्त्व बियाः चवयातःगु थौयः मुलकी ऐनय् दोलाजी च्वंवम्ह मिजंयात मिसातय्सं वन्त्याकी कथं मजुसे मिजंतय्त स्वतन्त्र कथं हे थःगु छैय् हक व अधिकार प्राप्त जुइकथं कानूनी प्रावधान दु । मुलकी ऐनया महल १५ य् 'धर्मपुत्र' बुँदाय् दुध्याकातःगु दोलाया लागिं कानून धर्मपुत्र स्वयाः फरक कथं अधिकार बिया तःगु दु ।

कानून कथं म्हायय् जक दुपिसं म्हाययात दोलाजी हयाबिइफु । दोलातय्सं थः कलाःपाखेया चल अचल सम्पत्ति दावी याये मदु । कलातं खुशी जुयाः ब्यूगु सम्पत्ति जक प्राप्त जुइ । अशं धाःसा थः अबुयागु हे प्राप्त जुइ । तर धर्मपुत्र सुनानं लहीगु जुल धाःसा धर्मपुत्र काःम्ह मनूया सम्पत्तिया हक थम्हं बुइकांम्ह काय्या सरह जुइ, बुइकूपिं मां-अबुपाखेंया सम्पत्तिया हक छुं दइमखु ।

मेगु हानं कानून कथं दोलाजी दुम्ह म्हायया सन्तान मन्त धाःसा अपुताली म्हायय्सचाया पाखेंया हकवालायात सम्पत्तिया हक प्राप्त जुइ ।

यदि काय् मदुसा म्हाय् जक जुल धा:सा मामं म्हाय्यात नं दोलाजी हे तया: च्वे धका: च्वया बीमा: । अयेहे च्वन धा:सा उगु सम्पत्तिया हकदार जुइ मेपिं हकवालातय्गु हक जुइमखु । च्वया मब्यूसा म्हाय्यनं उगु सम्पत्ति विवाह खर्च व सम्पत्तिया सयकड़ा दश दरं प्राप्त जुइ, मेगु फुककं हकवालायात वनी ।

मेगु दोलाजी त:म्ह मिसाया काय् म्हाय् अर्थात सन्तान मन्त धा:सा दोलाजी त:म्ह मिसा ४५ दँ दतकि थ: भा:तया नामय् सम्पत्ति च्वया बीज्यु । मचा मदया: धर्मपुत्र का:म्ह मिसां थ: सस:अबुयाके सम्पत्ति कायेगु जुइ ।

नेवातय्गु समाजय् स्वयां क्षेत्रीतय्गु समाजय् अफ्र मिसाप्रधान समाजय् मिजंतय् व्याहा याना: दोला तयेगु परम्परा दु । थौं नं भीगु समाजय् थज्या:गु दोलाजी प्रथा दु । तर दोलाजी धायेके मिजंतय् मय: । धनी मनूया याक: म्हाय् नाप इहिपा: याइ, मिसाया छैय् हे च्वनी अनया रितितिइ दुथ्याइ तर मिजंया थ:गु छै दुथ्याकेगु मजू, अज्या:गु स्थिति दोलाजी परम्परा कथं पूर्णतया दोलाजी जूसांनं दोलाजी धायेकेगु मिजंतय् मय: । मिसातय् नं थ:गु छैय् भा:त तये य:, तर दोलाजी धायेके मय: । गुकिं याना: दोलाजी प्रथा समाजय् न्हना वंगु थें हे जुल ।

थन छगू घटना न्हयब्वये गुकियात दोलाजी धका: मघासे मगा: । त्रिभुवन विश्वविद्यालयया छम्ह शिक्षकं छम्ह मिसाम्ह विद्यार्थीयात ब्वंकेगु जक मखु शोध निर्देशनं यात । लिपा मिसाया मां-अबु उम्ह शोध निर्देशक भाजुयात थ:गु छैय् हे म्हाय्यनाप तया बिल । उम्ह मिसाया मां-अबुया काय् छम्ह हे मदु, म्हाय्या म्हाय् जक । मिजंया छैय् मिसायात भौमचा कथं छुं व्यवहार मया: तर मिसाया छैय् मिजंयात म्हाय्या भा:तया रुपय् व्यवहार यात ।

दोलाया परम्पराय् थ्व घटनाया मिजं दोला ख: । थज्या:गु घटना समाजय् यक्व जू । तर दोलाजी धायेगु मया:गु कारणं न्हापाथें मिजंया थ:गु छैया पूर्ण अधिकार हनन् जुइगु कथं मजुसे थ:गु हक अधिकार थ: बूगु छैय् थ:म्ह मां अबुयाके कायेगु जू । थथे दोलाजी च्वन धका: धायेवं भ्रगू समाजय् सुयां परिवारय् छम्ह दोलाजी च्वन धा:सा वया गुंगू पुस्ता तक नरकय् कुहाँ वनी धायेगु प्रचलन दु । गुगु कारणं याना: दोलाजी य:सां दोलाजी धायेगु प्रचलन तनावंगु ख: । ●

बौद्धमार्गीय नेवाःतय्

इहिपा प्रथाय् सँ प्याकेगु रीति

भिंखुगू कर्मकाण्डया दुनेलाःगु 'इहिपा कर्मकाण्ड' बौद्धमार्गीय नेवाःतय् थःगु हे पहःयागु संस्कृति दु । अथे धकाः बौद्धमार्गीय नेवाःत गुलि दुगु खः उपिं फुक्कसिया छगू हे पहःयागु संस्कृति खनेमदु । इहिपा प्रथा - दक्कसियां दुगु रीति जूसां 'सँ प्याकेगु रीति' छगू दक्क बौद्धमार्गीय नेवाःतय् ज्वः मलाः । सँ प्याकेगु रीति छगू सीमित जातं जक यानाच्चंगु यँय् खनेदु । थ्व सीमित जात खः - (१) गुभाजु (वज्राचार्य) (२) वडे (शाक्य) बहे (३) उराय् (तुलाधरपिनि फुक्क जात) ।

'सँ प्याकेगु' रीति यँय् गुलि प्रचलन जुयाच्चंगु खः उलि यल, ख्वप व उपत्यकां पिने खनेमदु । थथे स्वयेबलय् 'सँ प्याकेगु' धयागु उलि पुलांगु रीति मखुथें च्वं । थ्व मल्लकालय् यँ, यल, ख्वप स्वक् टुक्रा जुइधुंकाः जक जुइमाः धयागु प्रमाण थ्व परम्परां यँय् जक दुगुलिं क्यं । सँ प्याकेगुया अर्थ खः - सँ छयंका बीगु । इहिपा प्रथाया सिलसिलाय् सँ प्याकेगु धकाः न्यागः संपः हिंकेगुयात धाइ । थ्व ज्या काय्मचां भौमचायात याका बीगु खः ।

सँ प्याकेगु चलन गुभाजु, बहे व उराय् स्वखलः मध्ये न्ह्याम्हस्यां इहिपा याःसां काय्मचा व भौमचायात 'यज्ञशालाय्' तय्याः ह्वंकेगु यात धाःसा जक चलन दु । अथे यज्ञशालाय् तयाः ह्वंकेत नं इहिपा यदि छगू हे जात वा 'जा' चलय् जूम्ह नाप जुल धाःसा जक चलन दु ।

'सँ प्याकेगु' रीति भौमचा काय्मचाया छँय् दुतकाये धुंकाः काय् मचा व भौमचायात यज्ञशालाय् तयाः ह्वंके धुंकालि कन्हय् खुन्हु यायेगु चलन दु । थ्व सँ प्याकेगु दिन खुन्हु भौमचायात सँ प्याकेगु ज्वलं थःछँपाखें तयेके हयेमाः । सँ प्याकेगु ज्वलं मध्ये मुख्य ज्वलं थथे खः - (१) थक्चा (छगू कथंया सँ छयनेगु ज्वलं), (२) ककीचा (३) क्वं ख्वला (क्वँ... छगू खथंया ख्वालय् बुलेगु) (४) चिकं ख्वला (५) ज्वला न्हाय्कं (न्हापा ख्वाः स्वयेत न्हाय्क्या रुपय् छयलातःगु वस्तु) (६) सिन्हःमू (कपालय् तीगु सिन्हः तयेगु थल) (७) म्हय्खा पा (८) चुसा-पा (दुम्सीयागु कं) (९) कुम्हःका हिनातःगु

कतू (कुमारीम्ह मचां कतुल्य प्यनातःगु का) (१०) कूस गूँ (११) स्वां (१२) सगं ज्वलं (१३) निकःया नाच्चा (मरि कसि) (निकः=छुचुं व साखः तयाः दयेकातःगु छगू कथंया चाकुमरि, नांचा=कसि) ।

सँ प्याके ज्वलं ठीक जुल धायेवं काय्मचां भौमचायात यज्ञशालाय् ह्वंकूगु हे थासय् हयाः पञ्च गरिवें हाः याकाः नी याइ । अल्य भौमचायात प्यतुकाः भौमचाया न्त्यःने काय्मचायात तयाः भौमचायागु ख्वालय् क्वःचिकं बुइके बी । थुलि सिधयेकाः काय्मचायात भौमचाया ल्युने तयाः भौमचाया सँ चिकनं तिकाः थकूचां, ककीचां सँ छयंके बी । थुलि धुंकाः भौमचाया छयनय् चुसापां न्यागू सिंचा फायाबी । दक्कले न्हापां दथुइ छगः सँपः हिका बी । ध्व धुंकाः कपाःया चुलिंचू न्त्यःने छगः सँपः, देपागु न्हाय्पया च्वय् लाक्क छगः सँपः, गःपःया चुलंचू छगः सँपः व जबःगु न्हाय्पं च्वय् छगः सँपः यानाः न्यागः सँपः हिकाबिइ । ध्व धुंकाः कुम्हःका हिनातःगु कतूल्य्च्वंगु का दक्कले न्हापां विचय्च्वंगु सँपल्य् न्याहिं हिकाःलिं न्त्यःनेच्वंगु सँपल्य् हयाः हानं न्याहिं हिंकालिं न्त्यःनेच्वंगु सँपल्य् नं न्याहिं हिने धुंकाः देपा न्हाय्पं च्वय्च्वंगु सँपल्य् नं कुम्हःका न्याहिं हिनाबिइ । थथे देपायागु सँपल्य् सिधयेवं ल्युने गःपः च्वय्च्वंगु सँपल्य् नं न्याहिं हे हिनाः हानं जबःगु न्हाय्पं च्वय्च्वंगु सँपल्य् न्याहिं हिनाःलिं हानं न्यागः सँपः दक्कय्सं लाकाः न्याहिं हिनाः लिपा कतूनापं दथुइच्वंगु सवाल्य् हे तियाबी । थुलि सिधयेवं - चुसापा, कूस गूँ, म्हय्खापा व स्वां नं दथुयागु हे सँपल्य् छुकाबी । थथे न्यागः सँपः हिका बी धुनेवं भौमचाया रूप गथे च्वं धकाः ज्वला न्हाय्कं क्यनी । थथे काय्मचां भम्चायात सँ प्याके धुंकाःलि काय्मचा भौमचाया जवपाखे तयाः काय्मचा व भौमचायागु छयं ल्वाकाः सिफं^१ लुइकेगु ज्या याइ । थुलि धुंकाःलि भम्चायात ज्वला न्हाय्कं व सिन्हःमू ज्वंकाः गणेद्यः वा आगं द्यः (थःथःगु चलन अनुसार) याथाय् भौमचायात द्यःयात सिन्हः छायेके बीगु याइ । अनं हानं भौमचायात लित हयाः काय्मचाया क्वय् तयाः धौ सगं, ख्यें सगं बीगु वा लः ल्हायेगु ज्या जुइ । नापं थःछें पाखें वःगु वसः नं लःल्हायेगु याइ ।

ध्व सिधयेकाः काय्मचाया न्त्यःने भ्वँतं म्हुतुप्वाः तिनातःगु 'निकः

१. सिंयागु कुले, सिसाबुसा व जाकि, ताय् स्वां तयाः स्वक्वः सिफं लुइ । थथे याकेबल्य् काय्मचां देपा ब्वहल्य् पाचिनी, भौमचां क्वं ल्हातं पाचिकाः भौमचाया देपा व काय्मचाया जवःगु ल्हातय् निगः निगः ग्वय् तयाः थपू-क्वपू याइ ।

ग्वारा' तयातःगु नांचा हयाबी । काय्मचां ल्हाःतं म्हुतु प्वालय् च्वंगु भ्वँ तछ्याना बी । उकी दुनेच्वंगु निकः मरि घः, मां, अबु, फुकीपिं व भौमचायात समेत इनाबी । थुथाय् न्हयाइपुक ख्यालि न्हिलि यायेगु लागि नांचाय् च्वंगु भ्वँ तछ्याये धुनेसाथं चखुं, बखुं, छुँ हे तयाः महःसां अबीर छताला न्ह्याग्हेस्यां हे तयाहयेगु याः । गुगु नांचाय्च्वंगु भ्वँ तज्यायेवं हे ब्वयाः पिहां बइ । 'सँ प्याकेगु' रीतिइ दक्कले न्ह्याइपुसेच्वनीगु हे नांचाय् भ्वँ तछ्यायेगु व निकः मरि इनाबीगु खः । छायाःसा काय्मचां थ्व इना बीबलय् न्ह्याइपुसेच्वंक गुलिसित माया यानाः ब्यूसा, गुम्हसित कय्काछ्वइगु चलन दु । थ्व सँ प्याकेगु रीति वातावरणय् दुने भर परय् जुइ ।

थथे निकः मरि इचा बी सिधयेवं 'सँ प्याकेगु' रीति क्वचाइ । थ्व जुल साधारण रीतिकथं सँ प्याकेगुया खँ । आः थन भी थथे सँ प्याकेगु छाया ? अले न्यागः सँपः हिंकेमाःगु छाया ? धयागु खँय् छक्वः दुवाला स्वयेगु कुतः याये ।

मिसा मिजंया शक्तिया रूप धकाः भीगु धर्म शास्त्रं धयातःगु दु । अभ्र महायान व बज्रयानया पूजा स्वल धाःसा मिजंया शक्ति (मिसा) या महत्वबारे भ्रन् अप्वः मिखां हे खनीगु खः । विना शक्तिं सुं मनुखं छुं यायेफइमखु । भीगु इतिहासया पौ पुइका स्वल धाःसा अथवा ततःधंगु ज्या यानावंपिं मनूतय्के दुवाला स्वल धाःसा अन मिसा छम्ह पात्र दया हे च्वनीगु सत्य खँ खः । गनं मिसात खने दयेक हे च्वनाच्वनी, गनं धाःसा खने मदयेक च्वनाच्वनी । तर मिजंयात ज्याय् प्रोत्साहन बीगु ज्या मिसां हे यानाच्वनी । भीगु बौद्धमार्गीय नेवाःतय् संस्कृति धाःसा मिसा मिजंया विवाह जुइधुंकाः तिनि मिजंया शक्तिया रूपय् कायेगु चलन दु । थःगु शक्तियात बांलाकेगु अधिकार काय्मचायात दुगु जूगुलिं भौमचाया सँ प्याकेगु अधिकार काय्मचायात दुगु खः । इतिपा धुंकाः काय्मचा वा भौमचा अर्धाङ्ग अर्धाङ्गिनी धकाः धाइ । मिजंतयत् अर्धाङ्गिनीया सौन्दर्य हे प्रगतिया लँपुइ वनेगु हःपाः (प्रोत्साहन) धकाः नं धाइ । थ्व भीसं न्यना वयाच्वनागु नं खः कि समाः सिमधयेकं मिसात सुथय् भाःतया न्ह्यःने वने मज्यू धकाः धाइगु । गुम्हं गुम्हं कलाःया समाः यानामतःगु ख्वाः खनेवं तं पिकाइगु नं मदुगु मखु ।

गनं गनं मनूतयत् विचय् खँ जुयाच्वनीबलय् 'छुं छुं शक्ति ?' धकाः धायेगु चलन नं मदुगु मखु । थथे 'छंगु छुं शक्ति'या खँ बांलाक स्वल धाःसा छुं कलाः गुलि शक्तिशाली ? धकाः न्यनेगु खः । कलाःपिं गुलि शक्तिशाली

(बांलाःगु गुण दुम्ह मिसा) जुल अले मनूत बांलानाः चवय् चवय् लानावनी । धाइ नापं दु - 'गन परिवारय् गुणीम्ह, सुशीलम्ह मिसां बास याइ - अन स्वर्ग स्वयाः नं न्ह्याइपुगु आनन्द दइ ।'

थये इतिपां धुंकाः भौमचायात शक्तिया रूपय् मानय् याय्त काय्मचां भौमचायात न्यागः सँपः हिकाःलि स्वीकार याइ । छायाःसां व न्यागः सँपः दुने काय्मचां भौमचायात जीवनय् माःमाःगु धर्म, कर्म, रत्न, कुल, वज्र, पृथ्वी, वायु, आकाश, अग्नी, लः आदिया प्रतिस्था यानाः (नीस्वनाः) थःगु शक्तिं परिपूर्ण जुइमाः धकाः भाःपीगु खः ।

बौद्ध धर्मया महायान व वज्रयान दुने प्रत्येक छगः छगः सँपःयात न्यागू शक्तिया रूपय् कयातःगु खनेदु । न्यागः सँपःयात छु छु धापू कथं कयातल धयागु खँ थन स्पष्ट याये -

१) दक्कले न्हापां न्यागः सँपःयात पञ्च बुद्धया प्रतिकया रूपय् कयातःगु खनेदु । पञ्चबुद्धया नां, रंग, दिशा व सँपःया प्रतिक थथे खः ।

बुद्धपिं	रंग	दिशा	सँपः
(क) बैरोचन	तुयुम्ह	पूर्व	दथुयागु सँपः
(ख) अक्षोभ्य	बँचुम्ह	पूर्व व उत्तरया कुनय्	कपाः च्वसंच्वंगु सँपः
(ग) रत्नसम्भव	म्हासुम्ह	उत्तर	देपागु न्हाय्पं
च्वसंच्वंगु सँपः			
(घ) अमिताभ	ह्याउँम्ह	पश्चिम	ल्यूने गःपः च्वसंच्वंगु
सँपः			
(ङ) अमोघसिद्धि	वाउँम्ह	दक्षिण	जवःगु न्हाय्पं
च्वसंच्वंगु सँपः			

२) पञ्चतत्त्व - थ्व न्यागः सँपःयात पञ्चतत्त्वया प्रतिकया रूपय् नं कयातःगु खनेदु । पञ्चतत्त्वया सँपः थथे खः -

तत्त्व	सँपः
(क) वायु	- दथुयागु सँपः
(ख) आकाश	- कपाः च्वसंच्वंगु सँपः
(ग) पृथ्वी	- देपागु न्हाय्पं च्वसंच्वंगु सँपः
(घ) तेज (अग्नी)	- ल्यूने गःपः च्वसंच्वंगु सँपः

(ड) आप (लः) - जवःगु न्हाय्पं च्वसंच्वंगु सँपः

- ३) ध्व न्यागः सँपः हिकीबलय् गुरुभाजुं मन्त्र थये धकाः ब्वनाः हिके बी -
 (क) 'वज्र धातेश्वरीम्ह' धकाः दथुयागु सँपः हिके बी
 (ख) 'वज्र बरमी हूम्' " कपाः च्वसंच्वंगु सँपः हिके बी
 (ग) 'रत्न बज्जीता' " देपागु न्हाय्पं च्वसंच्वंगु सँपः हिके बी
 (घ) 'धर्म बज्जीम्ह' " ल्यूने गःपः च्वसंच्वंगु सँपः हिके बी
 (ङ) 'कर्म वज्जीअ' " जवःगु न्हाय्पं च्वसंच्वंगु सँपः हिके बी

४) कूल धर्मकथं - इहिपाया उद्देश्य छगू कूल स्थीर यायेगु निम्ति नं खः । उकिं ध्व न्यागः सँपःयात कूल धर्मकथं न्यागू प्रतिक बियातःगु दु ।

कल	सँपःया प्रतिक
(क) कूलत्रय कूल ^२	दथुयागु सँपः
(ख) मन्त्र विद्याधर कूल ^३	कपाः च्वसंच्वंगु सँपः
(ग) लोकालोक कूल ^४	देपागु न्हाय्पं च्वसंच्वंगु सँपः
(घ) महा मुद्रा कूल ^५	ल्यूने गःपः च्वसंच्वंगु सँपः
(ङ) लोकत्रय कूल ^६	जवःगु न्हाय्पं च्वसंच्वंगु सँपः

५) न्यागः सँपःयात पञ्च महाभूतकथं "गो, फु, द, ह, न"^७ प्रतिकया रूप्य कयातःगु खनेदु -

न्यागः सँपःयात नं कुम्हाःकां हिनाः छथासं हे सुरु यानाः अन हे अन्त यानाः पंच बुद्ध, पंच तत्व, पंच कुल आदि तारण तयाः छथासं यानातःगु धकाः धाइ । थये तारण न्यागलं सँपःयात 'वज्रसत्त्व'यां प्रतिकया रूप्य कयातःगु खः । कूप गू, स्वां, म्हय्खापा, - कुम्हाःका फुक्क शुद्धगुया प्रतिकया रूप्य कयातःगु खः । थये न्यागः सँपः हिनाःम्ह भौमचा व काय्मचायात छयं ल्वाकाः सिफं लुइगु रीति प्रत्येक सँपःया प्रतिकत वैवाहिक जीवनय्

२. कूल, मन्त्र जन्म कया वयाच्चंगु मन्त्र मात्रया भूत, भविष्य व वर्तमानकूल ।
३. कूल स्थीर यायेत विद्या, ज्ञान प्राप्त यायेगुया रूप्य कयातःगु खः ।
४. मिसाया कलया प्रतिकया रूप्य कयातःगु ।
५. ल्हातं, तृति वा शरीरया छुं नं अंगं अभिव्यक्ति याइगु कूल ।
६. मदये धुंकिपिं पुर्खाया रूप्य प्रतिक कथं कयातःगु खः
७. बौद्धमार्गीय बज्जयान पजाया न्यागू प्रतिक ।

दयेमा: धका: वज्रसत्त्वयाके आर्शिवाद का:गु धका: धाइ । अलय हान आर्शिवाद मंगलमय जुइमा: धका: गणेद्य: वा आगंद्य:याथाय् सिन्ह: त:वनीगु धका: धाइ । अले सगं नं फयेगु याइ ।

थथे धार्मिक रीतिकथं विश्व-ब्रम्हाण्डया प्रतिकया रूपय् कषातु:गु सँप:यात थौकन्हय् अर्थयात थुइका: महत्व मब्युसे खालि न्ह्याइपुकेगु व ब्वसाया रूपय् जक कयात:गु खनेदु । न्हापा थकूचा, ककीचा, चुसापा आदि सामानत प्रकृतिया वस्तुत व साधारणगु जक ख: । थौकन्हय् थुकिया मू तच्च: जुयावयाच्चंगु खनेदु । उप्ब: याना: वस्तुत मध्ये - क्वँ ख्वला, चिकं ख्वला व ज्वला न्हाय्कं ला वह:यागु हे जुइ । व बाहेक मेमेगु वस्तु नं अति हे च्वन्ह्या:गु हे जुयाच्चनी । थथे विधि व्यवहार तच्च: जुयावयेगु थौ कन्हय्या भा:, बेसा: कथं पाय्छि थें मच्चं । उकिं संस्कृति म्वाकेत जनताया आर्थिक स्तरं महत्वपूर्ण भूमिका म्हितेफु - आर्थिक अवस्था बांला:सा थातं च्वने नं फु, बांमला: कमजोर जुलकि न्हने नं फु ।

ता:हाक:गु, हाकुसेच्चंगु व प्वाँय्चिंगु मिसाया सँ सौन्दर्यया चिं ख: । सौन्दर्यया मिखाय् ध्व न्याग: सँप:यात कामदेवया न्यागू बाणया रूपय् नं खनाच्चंगु दु धैगु खँ न्यनेदु ।

बौद्धमार्गीतय् जक मखु न्याग: सँप: हिनेगु हिन्दूमार्गीतय् नं खनेदु । साधारणकथं बौद्धमार्गीतय् नापनापं हिन्दूमार्गीतय्सं नं न्याग: सँप:यात सगुणया प्रतिकया रूपय् कया वयाच्चंगु दु । इहिपाया रीति - न्याग: सँप: हिकेगु प्रथा अति हे बांला: जू । नापं अति हे अर्थपूर्ण व महत्वं जा:गु खनेदु । तर अथे धका: न्याग: सँप: हिका: इहिपा यानात:पिं मनूतय् जक सफल वैवाहिक-जीवन बिते जुइगु धइगु धारणा मखुकि - साधारण कथं इहिपा यानात:पिनि जीवन नं सफल न्ह्यांनाच्चंगु द हे दु । उकिं इहिपा जीवन हना वनेत मिसा मिजं निम्हेसियां चरित्रय् भर परे जुइ । ●

- कुलां, न्या: ७, ने.सं. ११०३

नेपालय् पारपाचुके (सम्बन्ध विच्छेद) - छपुलु

वैवाहिक सम्बन्ध वा कलाः-भाःतया सम्बन्धयात अन्त यानाः निम्हं ब्यागलं जुइगु प्रकृया हे पारपाचुके वा सम्बन्ध विच्छेद खः । कलाः व भाःतया सम्बन्ध विच्छेदयात नेवाः भासं 'पारपाचुके' धाइ । 'पारपाचुके' शब्द 'पार' व 'पाचुके' निगू शब्द स्वानाः दयेकूगु शब्द खः । 'पार' या अर्थ 'अलग' अले 'पाचुके'या अर्थ त्यपू वायेगु अर्थात त्यपू फायेगु वा त्यपू (जोडी) फायाः अलग जुइगु खः । हानं नेपालभाषाय् 'पा' या अर्थ स्वानाः गर्थेकि 'पा देखा काये' अर्थात जोडी नापं दिक्षा कायेगु खः । न्हापा 'पार' व 'पाचुके' शब्दया अर्थ छगू हे जूवःगु दु । गर्थे कि न्हापां सम्बन्ध विच्छेदयात 'पारपाचुके' छगू हे शब्द थें छयलेगु याःसां आः 'पार बिये' वा 'पाचुका बिये' धाल धाःसा सम्बन्ध विच्छेद याना बिइगु धकाः थुइकेगु याइ । अथे हे 'पार काये' वा 'पाचुका काये' धाल धाःसा सम्बन्ध विच्छेद याना काये धइगु अर्थ थुइकी ।

नेवाः समाजया 'पारपाचुके'

नेवाः समाज मातृसत्तात्मक सांस्कृतिक परम्पराया समाज जूगुलिं थनया परम्परा पूर्णतया नारी स्वतन्त्रताय् आधारित जू । तर पुरुष प्रधान समाजया परम्परा नेवाः समाजय् नं प्रभावित याःगु जूगुलिं नेवाः समाजया मिसातय्सं थःपिनि मूल्य व मान्यतायात विचाः यायेगु त्वःतूगु दु । बरु नारी स्वतन्त्रताया मागया सः थनाः थःत हे विचलित याःगु दु ।

नेवाःतय् समाजय् दयाच्वंगु पारपाचुके सामाजिक परम्परा पूर्ण रूपं स्वतन्त्रताया आधारय् दु । विवाहित नारी थः भाःत वा भाःतया छें मयेकल धाःसा भाःतयाके पारपाचुके कयाः थ छेंय् वयाः मेम्ह मिजलिसे इहिपाः यानाः च्वने ज्यूगु सामाजिक मान्यता दु । पारपाचुके कयाः वःम्ह मिसायात बिना किचकिचं समाजय् बांलाःगु दृष्टि हे हानं इहिपाः यायेत स्वीकार याइ । कलाःयात पारपाचुके काये माल धाःसा भाःतया छेंय् इहिपा जुइ न्हयः सम्झौताया रुपय् व्यूगु ग्वय भाःतया छेंय् बिया व्छयेगु वा भाःतयात बिइगु वा भाःतया फोंगां व्वय् तया बिइगु वा भाःतया सीम्हय् तया बिल धाःसा कलाः व भाःतया सम्बन्ध दइमखुत वा पारपाचुके जुइ । थन तक कि भाःत सिथं यंकाच्वंबले कलाःम्हेस्यां झ्याल सीम्हय् ग्वय् कुर्का ब्यूसां पारपाचुके

जुइ । मसानय् भाःतया सी उयाच्चंगु इलय् कलाःम्हेस्यां गव्य् तयाबिल धाःसां नं पारपाचुके जुयाः विधुवा जुइ मखु ।

कलाः व भाःतया दथुइ कचवं जुयाः जक पारपाचुके जुइगु मजूसे पारिवारिक बैमनश्यता वा सामाजिक मान-मर्यादा उल्लंघन यात धाःसा नं नेवाःतय् समाजय् पारपाचुके जूगु खनेदु । खामनिसें दण्डवत् यानाः नेपाः वःम्ह क्यांछें लामायात तुलाधरतय्सं तसकं सम्मान बियाः माने याःगुलिइ लामायात मान्य व लामायात अमान्य वर्गय् विभाजित जुयाः 'उराय्' व 'गुभाजु' दथुइ जा चले यायेगु व चले मयायेगुलिइ सामाजिक विचारय् मतभेद जुयाः यक्व परिवारय् पारपाचुके जूगु खः । पारपाचुके काइबले कलाःयात इच्छा दुसा कायेगु अधिकार दु । तर भाःतयात उगु अधिकारं बञ्चित यानातःगु खनेदु । लिपा पुरुष प्रधान समाजया प्रभावं जक भाःतयात कलाः मयल वा कलाः भाःतया छैय् वयाः बांलाक मच्चन धाःसा भाःतं वा भाःतया परिवारं भौमचाया क्वसः लमि मार्फत् लित छुवयाः 'क्वसः लित हःगु' प्रमाणित यानाः भाःतम्हं मेम्ह इहिपा याये दु । यदि भौमचापाखें नं सम्बन्ध बिच्छेद यायेगु इच्छा यात धाःसा इहिपाया निंतिं सम्भौता याःगु गव्य् लित बियाः पारपाचुके काइ । तर भौमचापाखें सम्बन्ध बिच्छेद यायेगु इच्छा मजुल धाःसा गव्य् लित बिइमखु । मेम्ह मिजपाखें न्हापांम्ह मिजपाखेंया क्वसः लित मब्यूतले इहिपा यात धाःसा भौमचापाखें क्वसः लित काइ अले गव्य् मिजपाखें बेइमान याःगु प्रमाणया रूपय् भौमचापाखे तइ । अथे हे मिसां गव्य् लित मबिइक मेम्ह मिजलिसे इहिपा यात धाःसा मिजपाखें क्वसः लित मबिसे इहिपाया सम्भौताय् ब्यूगु गव्य्लय् निगः तनाः लित काइ ! अले उगु निगः गव्य् मिसां बेइमान याःगु प्रमाणया रूपय् तया तइ । मिजनं मेम्ह इहिपा यानाः क्वसः लित छुवये धुंकूगु दुसा भौमचा गव्य् लित मकासें नं मेम्ह मिजलिसे इहिपा यायेत स्वतन्त्र जू । तर इहिपा मयासे भाःत सित धाःसा बिधुवा जुयाः चवने म्वाः । मिसायाथाय् गुब्बेतक गव्य् दयाच्चनी, उब्बे तक मिजयाके दइ । हक कायेगु मकायेगु पूर्ण अधिकार मिसायाके दयाच्चनी ।

पूर्ण रुपं पारपाचुके यायेधुंकाः मिजं नं मेम्ह मिसा इहिपा यानाः वैवाहिक सम्बन्ध कायम यायेधुंकाः न्हापायाम्ह कलाःलिसे चवने मन मन्त धाःसा हानं पारपाचुके यानाः गनं नं वैवाहिक सम्बन्ध कायम मयासे चवनाच्चम्ह मिसालिसे हानं कलाः-भाःत जुयाः चवनेगु मन दयेकाः मिसां नं सहमति बिल नेपाः तजिलजिया प्यसीगुला

धा:सा च्वने फइ । थुकथं कला: भा:त जुया: च्वनेत भा:तम्हं भिनिगू तिर्थया लखं म्व:ल्हुया: शुद्ध यायेधुंका: जक च्वने फइ । पारपाचुके या:पि कला: भा:त हानं लिपा सम्बन्ध कायम याना: कला: भा:त जुया च्वने फइ ।

कीर्तिपुर नगरपालिकाया वडा १४ अवस्थित जुयाच्वंम्ह च्वभा:च: । च्वभा: करुणामय् (आनन्दादी करुणामय्) थाय् कार्तिक शुक्ल प्रतिपदां निसैं सकिमिला पुन्हीतक्कं च्वनीगु माय् अपसंलय् नं अपसं च्वं:म्ह मिसायात वया भा:तं थें मवल धायेवं पारपाचुके जुइगु सामाजिक मान्यता दु । थ्व प्रचलन नेवा: समाजय् जक मखु अन माय् अपसं च्वं:पिं ब्राम्हण, क्षेत्री, तामाङ्ग, गुरुङ्ग, आदि सकल जातियात लागू जूगु प्रचलन ख: । (स्वयादिसैं 'च्वभा:च:या माय् अपसं व पारपाचुके' लेख)

भोते समाजय् पारपाचुके

भोतेतय्गु समाजय् नं पारपाचुके यायेगु परम्परा दु । तर अमि धा:सा म्वानाच्वंम्ह भा:तनापया पारपाचुके मजुसे सी धुंकूम्ह भा:तया लाश (सीम्ह) नामं पारपाचुके यायेगु परम्परा ख: । भा:त सित धा:सा उम्ह मिजनापं पारपाचुके याये न्ह्या:म्ह कला:म्हं सीम्ह भा:तया म्हय् सुकां चिना: उगु सुका थ:गु म्हय् नं चिना: तापाक वना: सीम्ह भा:तया म्हय् चिनात:गु सुका व थ:गु म्हय् चिनात:गु सुकां चफुना बिल धा:सा भा:त नापया सम्बन्ध मदया: पारपाचुके जुइगु चलन दु । अथे हे भा:तया म्हय् चिनात:गु सुका चफुना: भा:तया छैं हे दुहाँ वन धा:सा मिसाया पारपाचुके का:म्ह भा:तपिनं थाय् च्वंम्ह दाजुभत वा किजाभत नाप हानं इहिपा याना निम्हतिपु जुया च्वनीगु परम्परा दु । यदि सिइम्ह भा:त नाप थ:म्ह सुका चफुना भा:तया छैं दुहाँ मवंसे थ:छैं मिसा दुहाँ वन धा:सा भा:तनाप पारपाचुके याना: थ:छैंय् स्वतन्त्र जुया हानं मेम्ह सुं मिजनाप नं इहिपा याना: स्वतन्त्र जीवन हनेफु ।

इस्लाम समाजय् पारपाचुके

इस्लाम धर्म माने याइपिं नेपाली जनतातय्सं पारपाचुके यायेगु परम्परा दु । पारपाचुके याये न्ह्या:पिं कला: भा:त निम्हसिनं साक्षी तया: अमिगु न्ह्य:नें "तलाक" धका: धाइ । थथे धाये धुंका: समाजं अमित हानं छन्हुनिसैं लच्छि तक्कं विचार याना: नापं च्वनेगु सलाह बिइ । थुकी दुने कला: नं भा:तं निम्हसिनं धाथें पारपाचुके कायेगु हे खतला धका: बिचा: याइ । अथे बिचा: याये धुंका: हानं कला: भा:त निम्ह छथासं च्वंना साक्षीपिनिगु न्ह्य:नें निक्वगु "तलाक" धका: धाइ । हानं नं अमित साक्षी च्वपिन्सं नापं च्वनेगु

सल्लाह बिया: वायेमते विचार या: धका सरसलाह बिइ अथे धुंका: नं यदि कला: भा:तया दुने मेलमिलाप जुया नापं च्वने मफइगु हे जुलं धका: व्यक्त यात धा:सा हानं नं कला: भा:त निम्हसितं साक्षीतयगु न्ह्य:ने "तलाक" धका: धाल धा:सा अपिं धात्थें पारपाचुके जुइ ।

छक्व, "तलाक" बिइ धुंका: हानं नापं च्वने मास्तिवल धा:सा "तलाक" व्यूपिं कला: भा:त हानं नापं च्वना: तिपुजीवन हने फू थथे पारपाचुके धुंका हानं कला: भा:त हे जुया च्वनेगुयात "तलाक रजाई" धका धाइ । "तलाक रजाई" धुंका नं हानं न्हापाया:गु प्रक्या कथं "तलाक" बिया अलग च्वना: हानं कला: भा:त नापं च्वनधा:सा अज्यागुयात "तलाक-वाइन- प्रथा" धका धाइ । "तलाक-वाइन-प्रथा" धयागु निक्व: तक्कं पारपाचुके याना: हानं नापं च्वना: कला: भा:त जुया च्वनेगु खः।

यदि "तलाक" का:म्ह मिसा स्वतन्त्र जुया मेम्ह मिजंनापं इहिपा याना च्वन । लिपा उम्ह भा:त नापं च्वने म्हाल वा मफूत धा:सा लिपायाम्ह भा:तनापनं तलाक कायेफु । थथे तलाक का:म्ह मिसां न्हापायाम्ह भा:तनापं च्वने न्ह्याल धा:सा निम्हतिपुया सहमतिं हानं कला: भा:त जुया च्वनेगु जुल धा:सा अभिगु दथुइ हानं इहिपा: याना कला: भा:त जुया च्वनेफु थथे इहिपा: याना च्वनेगुयात "तलाकै मुगल्लमी" धाइ ।

नेपा:या कानूनय पारपाचुके

नेपा: दुने च्वीपिं थीथी जातजातितय थीथी कथं थ:थ:गु परम्परा चलन चलिं कथं पारपाचुके यायेगु प्रचलन दुसां नेपा:या कानून दक्व जातजातितयसं छगू हे कथं पारपाचुके यायेगु नियम दुः। पारपाचुके याये मज्यूगु समाज निसें पारपाचुके याये ज्यूगु समाज सकसितं छगू हे नियम कथं पारपाचुके यायेगु नियम व कानून दु । नेपा:या पारपाचुके कानून कथं भा:त व कला: निम्हसिया थ:थथे भा:तया कला: मयल वा नापं च्वने मफूत वा कला:या भा:त मयल वा भा:त नापं च्वने मफूत धा:सा कला: भा:त निम्हसियां खँया खँ दयेका: जिल्ला अदालतय वना: निम्हसिनं निवेदन बिया: निम्हसिया थ:थ:थथें वा आफू खुसि पारपाचुके यायेफु । थज्यागु पारपाचुकेयात जिल्ला अदालतनं निम्हसितं न्ह्य:ने तया: फुस निम्ह नापं तयेगु कुत: याइ मखु निम्हसियां नापं च्वनेगु इच्छा मयासे पारपाचुके कायेगु हे निर्णय यात धा:सा निम्हसिगु (कला: भा:त)या सम्बन्ध त्वाथला पारपाचुके यानावीगु कानून दु । थ्व बाहेक कला: भा:त निम्ह मध्ये छम्हसिनं मेम्हसित स्यायेगु अङ्गभद्र नेपा: तजिलजिया एखँगुना

यायेगु तच्चगु शारीरिक कसाः वीगु कथंया ज्या यात वा यायेगु कुतः यात धाःसा अभिसं अःपुक पारपाचुके यायेफु । अन्याय जूम्ह कलाः वा भाःतः न्ह्याम्हसां जिल्ला अदालतय् बनाः पारपाचुके काः वनेफु ।

कलाः भाःतया दथुङ्ग ल्वापु जुयाः पारपाचुके यायेगु इच्छा जुल धाःसा अपिं थःथःगु नगरपालिकाया कार्यालय वा गाउँ सभाय् आवेदन विया पारपाचुके यायेफु । यदि नगरपालिका वा गाउँ सभाय् निवेदन विल धाःसा नगरपालिका वा गाउँ सभां दच्छितक मिलेचले जुया च्वं पारपाचुके याये मते धका दच्छि ई बिइ । यदि दच्छिया दुने नापं च्वने फत धाःसा पारपाचुके हे याये म्वाःल यदि दच्छिया दुने नं मिलेचल जुया च्वने मफुत धाःसा लिपां अभिगु निवेदन कथं नगरपालिका वा गाउँ सभां पारपाचुकेया लागि अभिगु पारपाचुकेया निवेदन जिल्ला अदालतय् हयाः अनं पारपाचुके याना बिइ ।

अथेतुं भाःतयाके मन्यंसे ३ दै तक्क कलाः थःछें च्वन वा भाःतनाप मच्चन धाःसा भाःतम्हं उम्ह कलाःनाप पारपाचुके कयाः स्वतन्त्र च्वनेफु । भाःतम्हं मेम्ह कलाः हयाः भाःतनापं च्वने मफुत धाःसा कलातं जिल्ला अदालतय् बना भाःतं मेम्ह कलाः हयाः नापंच्वने मफुत पारपाचुके माल धकाः निवेदन तल धाःसां कलातं भाःतनाप पारपाचुके याना च्वनेफु ।

लिखें :-

नेपाःया कानूनय् उल्लेख जुयाच्चंगु कलाः भाःतया सम्बन्ध विच्छेदया महलय् मिजंतय्त सम्बन्ध विच्छेदया प्रधान बियातःगु दु । समाजया परम्पराय् चलय् जूगु चलन चलि स्वयेगु खःसा भाःत नापं सम्बन्ध विच्छेद वा पारपाचुकेगु अप्पो अधिकार मिसातय्त वा कलाःपिन्त बियातःगु खने दु । छुखा छेंया म्हाय् मचा थः बूगु छें त्वःता करपिनिगु छें भौमचा जुया परम्परा न्ह्याका यंकेगुलिं मिसां व छेंया वातावरणय् न्ह्यानाः वनेनं फु न्ह्याना वनेनं मफयेफु यदि मफत धाःसा वं भाःतया नामं पारपाचुके कयाः स्वतन्त्र जीवन न्ह्याकेफु धयाः सामाजिक मान्यतां दयेकातःगु मिसा स्वतन्त्रताया आधारय् दयेकातःगु सामाजिक परम्परायात मिसायात स्वयां अप्पो मिजंया पाखें पारपाचुके यायेफैगु प्रधान खनेदु । गनं गनं मिसा व मिजंयात समानताया आधारय् पारपाचुके यानातःसां मिजं प्रधान समाजया मान्यतां यानाः मिसातय्त क्वतेलगु याना अन्याय जुयाच्चंगु दु ।

चवभाःद्यःया माय्अपसं व पारपाचुके

बौद्धमार्गीतयसं हनातःपिं प्यम्ह करुणामय धायेबलय् यलया बुंगय् च्वम्ह बुंगःद्यः नालाया नाला करुणामय, यैया जनमाःद्यः व किपूया चवभाःद्यः खः । थ्व प्यम्हं करुणामयया नां थाय्या नामं नामाकरण जुयाच्वंगु दु । बुंग, नाला, चवभाः छगू छगू गांया नां जुयाच्वंगु दुसा जनबहाः छगू बहाःया नां जुयाच्वंगु दु । प्यम्ह करुणामय मध्ये चवभाःया करुणामय छम्ह गुँचव्य लानाच्वम्ह करुणामय खः । उगु गुँया नां खः - कछपाल पर्वत । जुजु जयप्रकाश मल्लया पालय् च्वयातःगु चवभाःद्यःया श्लोकय् 'कछपाल पर्वत च्वसं वसपोल दिल बस अमिताम्भ शिरे जपे ध्यान ।... धकाः च्वयातःगु दु । मल्लकालय् मल्ल जुजुपिनि थवंथवय् ल्वापु जुयाच्वनीबलय् किपू छगुलिं हे गुबलें यल जुजुया कब्जाय् लानाच्वनीगु जूसा गबलें गबलें यें जुजुया कब्जाय् लानाच्वनीगु खः । क्वय्याना खुसि मू सिमाना जूगुलिं हे 'क्वय्याना खुसिइ बसि तायेगु' धकाः कब्जा यायेगुयात खँत्वाः खँभाय् छयलेगु जूगु खः । वास्तवय् किपू उबले यैया हे लागा खः । थौकन्हय् कीर्तिपुर नगरपालिकाया वडा नं १४ य् चवभाःद्यः विराजमान जुयाच्वंगु दु । च्वभालय् च्वंगु अभिलेख कथं चवभाद्यःया देगः वि.सं. १०८२ स यैया जुजु भाष्कर मल्लं स्थापना याःगु खः । करुणामयपिन्त न्हवं याइबलय् मिसातय्त याइगु संस्कार व मिजंपिन्त याइगु संस्कार निगुलिं याइगुलिं करुणामयपिन्त मिसा व मिजं निम्ह द्यः कथं नं कायेगु याः । चौलाथ्व पारु कुन्हु चवभाःद्यः न्हवं यायेगु चलन दु ।

चवभाःया करुणामययात आनन्दादि लोकेश्वर नं धायेगु याः । थ्व करुणामययात विशेष यानाः रोगव्याधि मदयेकाः निरोगी यानाबिइम्ह द्यःकथं नाला कायेगु याः । स्वयम्भू पुराण कथं आनन्दादि लोकेश्वरया स्थापना आदिकालं निसें धकाः उल्लेख यानातःगु दु । च्वभालय् च्वंगु ल्वहँया चैत्य अध्ययन यायेबलय् ८-९ शहीपाखे हे थन बौद्ध धर्मावलम्बिपनिगु आस्था दुगु

थाय् खनेदु । उकिं हे ध्व करुणामयया श्लोकय् थये धयातःगु दु -

“हांदे लोकसेनं पवना वल धयागुलिं

बिल छिनं जित छता प्रसेन्न जुयेमाल ॥

हांदे स्वव स्वव जि पापीया ख्वाल्

चान्हं न्यखु हाला थें हाल आनन्दादि

लोकेश्वर देव

हांदे शरीरस ध्व ब्यधिनं पिरलपा

च्वनाम्हस मृत्युकाल तरे यानाबिवः ॥”

रोग ब्याधि जक मखु च्वभाःया करुणामय मृत्यु भयं तापाका तइम्ह करुणामय नं खः धयागु विश्वास दु -

“हांदे थुगु दुःख फुतकिम्ह छलपोल

छम्ह जक खना आशां वया छि भरोसा ॥”

बौद्धमार्गीतय् थः म्वानाच्चनीबलय् जक ध्व प्यम्ह करुणामय पूजा याइगु मखु इपिं सी धुंकाः वया छेंय् च्वंपिन्सं सीम्हेसिया नामय् सच्छि व च्याप्वाः मत च्याकः वनीबलय् ध्व प्यम्ह करुणामयया थाय् नं दच्छिया दुने मत च्याकः वनेमाःगु चलन दु । यें, यलया नेवाःतय् जक मखु, ख्वप, सक्व भवत आदि थासय् च्वंपिं बौद्धमार्गी नेवाःतय् नं अन मत तःवनेगु चलन दु । कार्तिक लच्छियंकं प्यम्ह नारायणया थाय् पूजा वनेगु वा प्यम्ह नाराधः सिइकःवनेगु चलन दुयें कार्तिकं लच्छि यंकं प्यम्ह करुणामय नं सिइकःवनेगु वा पूजा वनेगु चलन दु । अथे हे प्यम्ह करुणामययाथाय् लच्छि तक माय् अपसं च्वनेगु परम्परा नं नेवाः समाजय् दु । च्वभाःद्यःयाथाय् माय् अपसं च्वनेगु परम्परा श्री सम्वत् १९९९ कार्तिक शुक्ल चौथी तिथिनिसं न्ह्यात धयागु च्वभाःद्यःया न्ह्यःने च्वंगु अभिलेखय् उल्लेख यानातःगु दु । अथेतुं वि.सं. २०११ सालय् च्वभाःद्यःयाथाय् भजन यायेत भजनमण्डल गठन याःगु खँ स्थानीय वासिन्दातय्गु भनाइ दु ।

माय् अपसं धयागु लच्छि तक अपसं च्वनीगु जूगुलिं ध्व अपसंयात मासव्रत नं धाः । लच्छि यंकं माय् अपसं च्वनीबलय् छु द्यःयाथाय् अपसं च्वंगु खः व हे द्यःयात न्हिं न्हिं थः सुचिनिचि यानाः पूजा यानाः न्हिं छछाः पालं यानाः च्वनीगु खः, तर च्वभाःया करुणामययाथाय् माय् अपसं च्वनीगु मेमेथाय् माय् अपसं च्वनीगु स्वयां छुं भचा पाः । थन माय् अपसं च्वनीपिन्सं

कार्तिक शुक्ल एकादशी अर्थात् कछलाध्व ११ निसं कार्तिक शुक्ल पूर्णिमा अर्थात् कछलाध्व पुन्हि (सकिमिला पुन्हि) तक अपसं च्वनाः कछलागा (कार्तिक कृष्ण) पारु कुन्हु क्वचायेकीगु खः । मेथाय् माय् अपसं च्वनीबलय् हिं छछाः पालं यानाः च्वनीगु खःसा थन माय् अपसं च्वनीपिं न्यान्हु (५) तक अन्न फलफूल छुं हे मनंसे छालानाच्वनी । अपसं च्वनीपिन्सं पालं याइगु धयागु हे च्वभाः छः दुनेच्वंगु कलशया लः भचा भचा जक खः । अफ च्वभाःछःया पाजुं ब्यूगु लः जक हे त्वनीगु खः । नेवाःतय्सं थ्व न्यान्हु अपसं च्वनीगुयात माय् अपसं धायेगु याःसा ब्राम्हण, क्षेत्रीतय्सं थ्व न्यान्हुयात भीष्म पञ्चकया रूपय् माने यायेगु याः । नेवाःनिसं नेपाःया मेमेगु जातिपिं नं नापं माय् अपसं च्वनीगु जूगुलिं मेमेगु जाति थ्व माय् अपसंयात 'निर्जला' च्वनेगु धकाः नं धाः । ने.सं. ११२१ जूगु च्वभाःया माय् अपसं च्वपिं भक्तजनगिन्त थ्व अपसं न्ह्यानाः प्यन्हु दुकुन्हु अपसं च्वपिं भक्तजनतय् त स्वयेगु अवसर जितः नं दत । खालि लः भचा भचा जक त्वनाः अपसं च्वनाच्वपिं अथे प्यन्हु तक छालानाः च्वपिंथें च्वपिं तसकं म्हो हे जक खना । इपिं सुयां हे लः मगानाः म्हुतुसि गंगु धयागु मदु । छम्ह निम्ह त्वःताः मिखा दुहां दुहां वनाः न्यलाच्वपिं नं मखना ।

भुखाय् ब्वःबलय् (वि.सं. १९९०) जि भिनिदँ दत धकाः कम्ह ६९ दँ दुम्ह बज्रवाराहीइ च्वम्ह छम्ह नेवाःनीनं (ख्वाः स्वयेबलय् उगु उमेर स्वायां यक्व खनेदु) थःगु छैय् छुं खबर हे मबिसे माय् अपसं च्वंवयागु खँ कन । अन अपसं च्वंवःपिं मध्ये मिसापिं दक्कले जिथिम्ह खःसा दक्कले चीधकःम्ह १३ दँ तिनि दुम्ह छम्ह मगः मिसा खः । थुगुसी थ्व अपसं मिसात ५९ म्ह दु अले मिजपिं निम्ह जक खः । थःगु, थः भाःतयागु वा मेपिं छैजःपिनिगु ल्वय् लनेमाः धकाः वा मेगु छुं नं कामना यानाः वा छुं हे कामना मयासें धर्मया नितिं हे जक नं च्वनीगु थ्व अपसं कछलाध्व एकादशी कुन्हु नौनी नं लुसि ध्यंकाः (नौनी नं लुसि ध्यंके ज्यूपिं जक) वा लुसि ध्यना सुच्चिनिधि यानाः वनीगु खः । थ्व अपसं च्वनेत चान्हय् न्यागू हे कुण्ड वा तिर्थय् म्वःल्हुयाः च्वभाःछः पूजा यानाः च्वनेमाः । उगु न्यागू तिर्थया नां थुकथं दु -

१) कार्तिक शुक्ल एकादशी - क्वय्याना खुसि

२) कार्तिक शुक्ल द्वादशी - न्यखु खुसि

३) कार्तिक शुक्ल त्रयोदशी - जनक्व पुखू

नेपाः तजिबजिया प्यखीगुबा

४) कार्तिक शुल्क चतुर्दशी - वयगाः पुखू

५) कार्तिक शुल्क पूर्णिमा - चवगाः

दक्कले लिपा कछलागा पारु कुन्हु चवभाः करुणामय द्यःया न्त्यःनेच्वंगु 'दरुबः' लय् तयाः पाजुं लः लुयाः म्वःलुहकाः नीसी याकाः सकसितं म्हपूजा वा किजापूजा यायेथें मन्दः चवयाः तःसि, ख्वःसिं, केरा आदि फलफूल तयाः धलं दंकाः भव्य नकाः पालं याकाः छैय् छैय् च्वंपिन्सं थःथिति मुंकाः हर्ष उल्लासं थना यंकीगु खः । थथे थन माय् अपसं च्वनकि व अपसं च्वंपिं फुक्कं द्यः जुल धकाः धायेगु चलन दु । उकिं धलं दनाः थःथिति वा भाःत वा थः स्वयां थंजिपिन्त सं ब्यूसा भागि याये मजिउ धाइ । उलि जक मखु, उगु दैय् दच्छियंकं हे सुयातं भागि याये मजिउ, सुयागुं चिपः नयेमज्यू धयागु पर म्परा दु ।

द्यःया न्त्यःने सकल मनू जाति समान खः । अथे जूसां करुणामयया देगल्य् छ्वाःखेरं चव्य् हे लासा लानाः न्यान्हु तक च्वनीपिं नेवाःत हे जक खः । अन थाय् मगातकि द्यःया जवःगु सतः व अनंलि तिनि देपागु सतलय् च्वनी । नेवाःत च्वने धुंकल कि तिनि क्षेत्री ब्रम्हू, तामाड, मगः आदि आदि जातियापिं मनूत ल्वाकःबुकः जुडक च्वनेगु चलन अन दु । देगल्य् च्वँच्वंपिनि न्यान्हु तक ला देगल्य् हे लिधनाः च्वँच्वनेमाः । छाय्धाःसा ग्वातुलेत थाय् हे मदु । ग्वातुले माःसा सतलय् च्वनेमाः ।

थथे माय् अपसं च्वंपिन्सं पिनेयापिं सुनानं थिइ मज्यू थिलकि हानं म्वःलुहयाः सुचिनिचि यायेमाःगु जूगुलिं द्यःपाःलाः पांजुया परिवारया मिसातय्सं वा छैजःपिन्सं भक्तजनतय्त लासा लानाबिइगु, (च्वनेत सु लानाबिइगु) उकि द्यःने लासा यःपिनि जक, मखुसा सुइ हे च्वनाः न्यान्हु बिकेगु याइ । इमि त्तिं त्तिं तिर्थ व कुण्डय् यंकाः म्वःलुकेत पासा वनेगु इमि लः त्वने प्याःचाल धाःसा देगल्य् दुने लः कयाबिइगु, अले करुणामयया दुनेयात माःगु लः चव्यगालं हयाबिइगु । चव्यगाः धाल धायेवं च्वभाःकरुणामय थहाँ वनेबलय् बछिति लँ गये धुंकाः पःखाः ग्वयाः दुने चुकथें च्वंक दयेकाः त्वपुयातःगु छगू कुण्ड दु । व हे कुण्डयात चव्यगाः धाइगु खः । थ्व चव्यगाःया लः यंकाः हे करुणामययात म्वः लुकीगु व माय् अपसं च्वंपिं सकसितं जलया रुपय् बिइगु खः ।

माय् अपसं च्वंपिनि सकसियां हे न्हिं छगू तिर्थ वा कुण्डय्

म्बःल्हूवनीबलय् थाय् थासय् पूजा यायेमाः, नापं करुणामययात नं । इमित इमि छैजःपिन्सं रेखदेख यायेम्बाः । व फुक्कं पांजुया परिवारं याइ । बरु इमिसं अथे सुसाकुसाः याःगु वापतय् इमित छुं छुं कर (दस्तुर) बिइमाः । थुगुसी अपसं च्वपिन्सं दस्तुरया रूपय् म्हतिं मिस्रः दांवे निफा चुबूगु जाकि अले क्वचायेके कुन्हु सत्या दां ब्यूगु खः ।

पारपाचुकेया परम्परा

चवभाः करुणामययाथाय् माय् अपसं च्वनाः मिलय् मजूपिं कलाःभाःतया दथुइ पारपाचुके कायेगु परम्परा दु । थ्व परम्परायात अन माय् अपसं च्वंवःपिं दक्व जातियापिन्सं नाला काः । नेवाः जुइमाः, ब्रम्हू क्षेत्री जुइमा, न्ह्याम्हसितं थ्व परम्परा लागू जू । नेवाः समाजय् कलाः भाःत मिले मजुलकि इहिपाया लागि ब्यूगु भिगः ग्वय् मिसाया छें मिजंया छेंय् लित बियाछ्वत वा सीम्ह भाःतया लाशय् जक ग्वय् तयाबिल धायेवं हे पारपाचुके जुइगु खः । तर थन माय् अपसं च्वनाः पार कायेबलय् मिसापाखें मिजंयात ग्वय् तकं लित तयेके छ्वये म्बाः । पारपाचुके यायेगु सामाजिक परम्परा मदुगु जातिया समाजं तकं थन माय् अपसं च्वनाः पारपाचुके याः । थ्व परम्परा किपू, पांगा, नगां, चवभा लागायापित जक मखु न्ह्यागु थाय्यापिं वा न्ह्यागु जातयापिं मनूतय् नं लागू जू । थ्व कार्तिक शुक्ल एकादशीनिसें कार्तिक शुक्ल पूर्णिमातक माय् अपसं च्वनाः कार्तिक कृष्ण प्रतिपदा कुन्हु अपसं धुंकाः छेंय् वनीपिं सकसितं लगे जुइगु चलन खः ।

कार्तिक कृष्ण प्रतिपदा कुन्हु सकलें चवभाःद्यःया थाय् पूजा यानाः धलं दंवनी । धलं दने सिधल कि भाःत दुपिं मिसातय् जूसा भाःतं, भाःत मदुम्ह जूसा अबु वा दाजु किंजापिं वयाः थं वइ । अथे हे सुं मिजं ययेका तयाम्ह खःसा धलं दंथाय् व हे मिजं वयाः थंवल धाःसा वहे मिजं व मिसाया भाःत जुइ, हानं इहिपाया विधि पूवका च्वनेम्बाः । अथे हे सुं मिसाया थः भाःत जुयाच्वंम्ह मयल मेम्ह हे मिजं यल धाःसा भाःतम्ह हे वया थं वःसा भाःत कलाः निम्हं हानं मिले जुयाः त्यपू जीवन हनी सा भाःत मंवसे सुं मेम्ह मिजं हे वयाः न्हापा हे थना यंकूसा न्हापांम्ह भाःतनाप पारपाचुके जुयाः वयात अनं थना यंकूम्ह मिजं हे वया भाःत जुइ । अथे हे भाःत नं मवः, सुं मिजं नं मवःसा थःछेंय् च्वपिं दाजुकिजा, अबु न्ह्याम्हस्यां वयाः थनायंकल धाःसा व मिसा भाःतनाप पारपाचुके जुयाः थःछेंय् हे वनेगु याइ ।

परम्परा खः, समाजं दयेकूगु गुगु समाजय् वन उगु समाजया परम्परा नाले हे माः । वहे समाजया मूल्य व मान्यता खः । उकिं हे जुइमाः च्वभाः करुणामययाथाय् ध्व अपसं च्वनीपिं ब्रम्हू, क्षेत्री वा मेमेगु जनजातियापिं जूसां च्वभाः करुणामयया परम्परा सकसितुं उत्तिग्यंक लागू जुयाच्चंगु दु । अथे जूसां भक्तजनया द्यःयात श्रद्धा याइगु भावना धाःसा पाः । धलं सकसिनं हे दनी । तर धलं दंपिन्त लँस्वः वइगु धाःसा थःथः कथं हे दु । नेवाःतय् माय् अपसं च्वनाः छँय् थःथितिपिन्त भव्य सःताः नकेमाः । मेमेगु जातियापिनि धाःसा थःथितिपिन्त प्रसाद जक इनाबियां गाः । अथे हे नेवाः बाहेक मेमेगु जातियापिनि माय् अपसं च्वनाच्चंतले थःथाय् म्हतिं छप्वाः छप्वाः पाल्चा च्याकांतुं तयेमाःगु चलन दु । ध्व चलन नेवाःतय् मदु । नेवाःतय् जूसा थःथितिपिन्त माय् अपसं च्वंम्हेसित फुंग तयेकः वनेगु धकाः दसना चकति फुंगः तयेहयेमाःसा मेमेगु जातियापिनि द्यःपूजा यायेगु सामान जक ज्वनाः स्वःवंसां गाः । अथेतुं सिधइ कुन्हु नेवाःतय् जूसा अपसं च्वंम्हेसित थःथितिपिन्त संगं ब्यू वयेगु चलन दु । अथे संगं बीगु चलन मेगु जातियापिनि मदु । थुकथं पारपाचुके परम्पराया चलन सकसितं समान व व्यक्तिगतकथं याइगु ज्याय् धाःसा नेवाःतय् थःगु हे बिस्कं प्रक्रिया दुसा मेमेगु जातिया मेकथं हे दु । अथे जूसा द्यःपाःलानं याकीगु पूजा, व सेवा सकसितं व हे खः ।



- सन्ध्याटाइम्स, शुक्रवाःया तँसापौ, ने.सं. ११२१ कछलागा ६

भगीगु सिनाज्या म्येय् मिसा

नृत्यःखं

सिनाज्या गुबलेनिसैं न्ह्यात धयागु मस्यूसां नं मनुखं बुँइ वा पियाः वा सयेकाः वाया जाकि यांनाः जा नये सयेकूसानिसैं थ्व ज्या न्ह्याःगु अवश्य जुइ । उकिं वा बा जाकिया इतिहास गुलि पुलां, सिनाज्या नं उलि हे पुलांगु खः । बुँज्या यायां न्ह्याः ववं लः, फय्नाप परिचित जुया ववं छु इलय् छु पित धाःसा बांलाक सइ धयागु नं मनुखं सियादल । बुँया चा, फय्, लःया परिस्थिति स्वयाः वा वातावरण स्वयाः बुँइ पिइगु नं फरक-फरक जुजुं बल । प्यूगु वस्तु नं मेहनत यांनाः बांलाक सयेकाः काये सल । थये चा, लः, फय्, ई स्वयाः मेहनत यांनाः सयेकः कायेगु मध्ये छगू वा पियाः सयेका कायेगु नं जू । लः, फय्, चा बांलाःगु थासय् दच्छिया निगू बाली सयेकीपिं दुसा अप्वः धयाथें दच्छिया छक्कः बुँइ वा पिनाः वा बालि यायेगु याइ । बुँ दुपिनिगु मेमेगु बालि यायेगुलिइ उलि वास्ता मदुसां वा बालि छगू धाःसा त्वःतेगु याइमखु । उकिं हे जुइ, वा बालियात मुख्यगु बालि कथं कायेगु याः । नेपालय् वा बालि याइगु मुख्यगु थाय् धयागु पहाडी क्षेत्र व तराई क्षेत्र खः । पहाडी क्षेत्रय् स्वयां तराई क्षेत्रय् अप्वः थासय् वा नं पिइगु याः नापं अप्वः नं सः । नेपाःया तराई क्षेत्र जुइमा वा पहाडी क्षेत्रय् जुइमा, वा पिइगु ईयात विशेष महत्व बियाः म्हाः, मलाः मघासे याम कथं वा पिइगु ज्या यायेगु चलन दु । वा पिइगु ज्यायात छगू कथं संस्कृति दुने नखः, चखः हनेथें हे हर्ष उल्लासया वातावरणय् हे वा पिइगु ज्या याइगु खः । वा पिइगु ज्या दक्कले न्हापां याइबलय् भव्य न्यायेकेगु थें हे यांनाः यायेगु चलन नेवाः जातिनिसैं नेपाःया अनेक जातजातिया चलन दु । दक्कले न्हापां बुँ थुवालं थःगु बुँइ वा पिइगु इलय् हर्षउल्लास यायेगु मजुल धाःसा वा पिइगु क्वचाइगु इलय् बुँ थुवाःनिसैं वा प्यूवःपिं फुक्कनाप ख्यालि-न्हिलि यांनाः भव्य नयाः न्ह्याइपुक हर्षउल्लास यांनाः न्ह्याकेगु चलन दु ।

तराईबासीया सिनाज्या

तराईबासी विशेष यांनाः थारु जातिपिनि वा पिइगु इलय् दक्कले न्हापां पुवाचा तयेत बुँइ पुजा यांनाः सिनाज्या सुथां लायेमा धकाः वामायात नेपाः तत्रिलजिया एखंलुगा

माःछि गाक्क वा वयेमा, वा पिइबल्य् छुं विघ्न बाधा मवयेमा, वा यक्व सयेमा धकाः धर्ती, आकाश, बुँज्याया ज्याभः पूज्यानाः प्रकृतियात भिं कामनाया स्तुति यानाः सिनाज्या सुथां लायेमा धकाः कामना यायेगु याइ । अथेतुं वा पिइबल्य् दक्कले न्हापां बुँथुवाः नं पुवाचा पुयाः, बुँ पालाः, बुँइ लः मुक्काः वा पिइगु ज्या न्ह्याकी अले तिति मेमेपिन्सं वा पिइगु ज्या न्ह्याकेगु याइगु खः । वा पिइगु ज्या याइबल्य् गुम्हसिनं पुवाचा पुइगु, गुम्हसिनं वा पिइगु थासय् लः पनेगु, गुम्हसिनं वा पिइगु, गुम्हसिनं पुवाचा ल्ह्ययेगु ज्या यायेगु याइ । वा पिना च्वनीपिं विशेष यानाः मिसापिं हे जक जुइ । सलंसः मिसापिं छगू हे इवल्य् च्वनाः वा पिना, छगू हे सासलं सिनाज्या म्ये हालाः थःथःगु मनया भावना म्येपाखें व्यक्त यायेगु याइ ।

नेवाःतय् सिनाज्या

नेवाः समाज दुने नं वा पिइगु ज्यायात बुँज्या मध्ये दक्कले तःधंगु ज्या कथं कायेगु याः । थथे वा पिइगु ज्यायात 'सिनाज्या' धकाः धायेगु याः । 'सिनाज्या' छाय् धाल धयागु खँय् गुम्ह गुम्हसिन सिनाः-सिनाः अर्थात् तच्चकं ज्या थाक्कुक यायेमाःगु जूगुलिं सिनाज्या धकाः धाःगु धाइपिं नं दु । सिनाज्या बुँज्याय् दक्कले सकले तःजिगु ज्या जूगुलिं सिन्हःथें जुइगुलिं 'सिन्हःज्या' लिपा वनाः सिनाज्या जुल धाइपिं नं मदुगु मखु । न्ह्यागु हे जूसां जा नयाः म्वायेमाःपिं भूमी मनुतयगु लागिं म्वायेगु नसा पिइगु धइगु तःधंगु हे खः । उकिं सिनाज्या धयागु बुँज्याय् तःधंगु हे ज्या खः । वा पिइगु ज्यायात 'सिनाज्या' व सिनाज्या यानाः प्यूगु वा सयाः पाक्य् जुल धायेवं वा लयेगु ज्या जुइ । वहे वा लयेगु ज्यायात 'समाज्या' धकाः धायेगु याः । वा पिइगु गुलि महत्वपूर्णगु ज्या खः, वा लयाः वा छँय्छँय् दुत यंकाः छँय् अन्न परिपूर्ण-यायेगु नं उलि हे महत्वपूर्ण ज्या खः ।

वा पिइगु ज्या सिथिनखःया कन्हय् कुन्हुनिसें दिल्ला पुन्हितक वर्षा ऋतुं यायेगु याइ । उकिं नेवाः समाजय् वर्षा ऋतु शुरु जुइ न्ह्यः अर्थात् गृष्म ऋतुनिसें हे सिनाज्या तयारी यायेगु यानातःगु खनेदु । अक्षय तृतीया कुन्हु सिनाज्याबल्य् ज्या सुथालाक्क न्ह्याके फयेमाः, बांलायेमाः धकाः थाय्थासय् विशेष यानाः यँया बुँज्यापुमितय् भुतिसतलं वनाः भूतयात लुधकं नकाः पूजा यानाः थःथःगु छँय् सालाहयेगु चलन दु । थ्व ज्या थौकन्हय् उलि विश्वास मयाये धुंकल । नेवाः समाजय् भूत धयाम्ह बल्लाःम्ह, ज्या यायेफुम्ह कथं

कायेगु चलन दु । अले वर्षा ऋतु सुरु जुइसाथं वा वयेगु सुरु जुइ । अबलय हे वा पिइगु लागिं बुँइबुँइ पुवाचा तयेगु याइ । पुवाचा बःचाहाकः जुल धायेवं बुँइ लः दु मदु स्वयाः, बुँ पालाः, लः मुंकाः वा पिइगु याइ । थये पुवाचा तसानिसें वा पिइगु ज्या तुकयात सिनाज्या धकाः धायेगु याइगु खः । सिनाज्या व मिसा

वा पिइगु ज्या 'सिनाज्या' जूसा 'सिनाज्या' सनेगुली मिसापिनिगु बिस्कंगु थाय् दु । 'सिनाज्या' न्यायेकेगुलिइ दक्कले न्हापां मिसापिन्सं हे ज्याया थालनी छैनिसं जुइगु स्वभाविक खः । मेमेगु बुँज्या याइबलय् बुँज्या यानाः न्हिनय् बजि नयेगु धकाः न्ह्यागु नयेगु याःसां ज्यू, तर सिनाज्याबलय् छक्कः धाःसा छुता निता ल्वसाया नापं ला, अय्ला, थ्वं तयाः बजि नकेगु चलन दु । अथे बजि नकेगुया लागिं न्हापा-न्हापा जूसा सिनाज्या यायेत माः धकाः वर्षा ऋतु सुरु जुइ न्ह्यः हे मिसापिन्सं बजि ल्हुयाः बजि दयेकेगु, सिनाज्याबलय् त्वनेत धकाः थ्वं, अय्लाः दयेकेगु ज्या यायेगु याइ । थ्व इलय् विशेष यानाः 'सिनाज्या थ्वं' धकाः जाकिया थ्वंय् बजि नापं तयाः ताकुक् दयेकाः तयेगु ज्या मिसापिनिगु ज्याय् हे लाःगु ज्या खः । थ्व थ्वं दयेकेगुली विशेष यानाः मिसापिनिगु थःगु शीप क्यनेगु कथं खः । थज्याःगु थ्वं लाला तयातःसां छुं मजुइगु कथं भन् जक साइगु कथं काये फत धाःसा धात्थेगु शीपयुक्त बांलाःगु थ्वं धकाः धाइगु खः । थज्याःगु थ्वं सिनाज्या याइपिनिगु शरीरय् बल न्ह्याकीगु नं ज्या याइगु खः ।

बुँ बने न्ह्यः सिनाज्या न्यात् धाःसा ल्वसा-घासा ज्वरे यानाः बजि ज्वरे यायेगु, वा प्यूबपिन्त बजि नकेगु ज्या मिसातय्गु हे खः । उलि जक मखु बुँइ वा पिइबलय् मिजपिन्सं चापाँय् पालाः चा न्हायाबीगु वा चा नाइसे च्वंकेगु ज्या मिजंतय्गु जूसा मिसातय्गु ज्या धयागु पुवाचा पुइगु, पुवाचा पिइगु ज्या हे खनेदु । सिनाज्याय् मिजपिं स्वयां मिसापिनि ज्या अप्चः हे जुइ । पुवाचा छपु-छपु पिइगु ज्या मिसापिन्सं याइगु खः । छुं जुयाः पुवाचा पिइपिं मिसापिं मगात वा मिजंत आपाः दत धाःसा जक मिजंतय्सं नं वा पिइगु याइ, मखुसा मिसापिन्सं हे जक पुवाचा पिइगु ज्या याइ । थये वा पियाचवनीबलय् मिसातय्सं नं थःथःगु भावना व्यक्त यायेकथं सिनाज्या म्येया लसय् गुनुगुनु यायेगु जक मखु, म्ये हे हालेगु याइ । थ्व परम्परा थौं जक मखु न्हापा न्हापानिसें दुगु खः ।

सिनाज्या म्ये व मिसा

सिनाज्या म्ये तिथिमिति उल्लेख जूगु कथं ने.सं. ८२५ निसें पुनर्जागरण कालय् योगवीर सिंह तक नं सिनाज्या म्ये च्वयेगु याःगु खनेदु । ने.सं. ८२५ निसेंया सिनाज्या म्येनिसें योगवीर सिंहया म्ये तक मिसापिनिगुबारे थीथी खँ न्ह्यथनातःगु खनेदु । सिनाज्या थज्याःगु ज्या खः, गन मिसा व मिजंत मुनाः ज्या सनाः वा पिइगु खः । उकिं दच्छि यंक उकुसमुकुस जूगु यःचाःया भावना प्वकेंगु थाय् नं थन हे खः । सिनाज्या यायेगु थासय् न्ह्याम्हसिनं न्ह्याःगु धाःसा नं छुं च्यूताः तयाच्चने मज्यूगु थाय् खः । उकिं सुं मिसाया सुं मिजं यल धाःसा वा सुं मिसाया सुं मिजंयात ध्याचू नकेमाल धाःसा उपयुक्तगु थाय् धयागु हे सिनाज्या याइगु थासय् खः । शिष्ट अशिष्ट खंनिसें कयाः अशिलल खँतक नं अभिव्यक्त यानाच्चनीगु थाय् खः । अथेतुं मिसातय्त जुयाच्चंगु अन्याय, अत्याचार, मिसात वाध्य जुयाः थःगु जोवन बहः तयेमाःगु खँ जक उल्लेख जुयाच्चंगु मखुकि मिसातय्सं नं उच्छुइखल जुयाः थः यःम्हेसित ध्याचू यायेगु, यःम्ह मिजंयात थःगु मनया खँ व्यक्त यायेगु नं जुयाच्चंगु दु । अथेतुं सिनाज्याबलय् मिसातय्सं याइगु ज्याया तारिफ जक मखु मिसापिनिगु सौन्दर्यया तारिफ यानाः श्रृङ्गारिक म्ये नं सृजना जुयाच्चंगु दु । सुलोचना माधवया दुःखान्त मतिनाया म्ये 'जि वया ला लच्छि मनुनि' म्येनिसें कयाः मिसातय्गु रूपया वर्णन यानाः तक नं म्ये हालेगु चलन दु ।

सुलोचना माधवया म्ये माधवं सुलोचना खनाः वयात प्राप्त यायेगुया लागिं छम्ह गथुनीया छँय् बासं च्वनाः गथुनीपाखें हे थःगु यःगु भावना व्यक्त यायेगु जक मखु माधवं सुलोचनायात प्राप्त यायेगु उपाय तक नं दयेकी । माधवया खँ सुलोचनायात थ्यंकीम्ह हे गथुनी खः । सुलोचनां नं थःम्ह ययेकूम्ह माधवयात ययेकीगु जक मखु थःत इहिपा यायेत दरबारय् राजकुमारपिं सःतीबलय् माधव नं थ्यंकः वा धकाः धायेगु वातावरण दयेका ब्यूम्ह माधवया कुतलं गथुनी खः । गथुनी नं माधव व सुलोचनायात सम्पर्क तयेगु माध्यमया रूपय् "श्री गंगास स्नान याना' सिनाज्या म्ये थुकथं प्रस्तुत यानातःगु दु । माधव व गथुनीया खँ जूगु थुकथं दु -

“अय्ले मालिनी आमाजु न्हिन्हिछिया स्वान हनागु

आम स्वान सुयात हना न्हां ?

अयले भाजु हाय थुगुलि स्वान हनागु

सुलोचना रानीयात हन न्हा ।”

अयले मालिनी आमाजु जिमिसेन हने जिवला ?

छत्वाक निं हना स्वये न्हा,

आखलन स्वां हंसे मालको खँ तसे

मालिनीया लाहातिस बिल न्हां ॥

नेपाःया दक्कले न्हापां राज्य याःपिं गोपाली जाति थुमिगु न्हापाया ज्या सा मेस लहिनाः जीविका यायेगुया नापनापं बुँज्या नं थुमि मुख्य पेशा खः । थौतक नं सीमित संख्या जक दुपिं गोपाली जातिपिन्सं सिनाज्या म्ये हालाः वा पिङ्गु परम्परा दु । ‘गोपाल धनि पनेमते थनि’ धाःगु सिनाज्या म्ये छम्ह पाक्व उमेरम्ह गोपाली मिजं नं छम्ह नच्चाह नकतिनि नकतिनि यौवन जायावःम्ह गोपाली मिसाया सौन्दर्य भक्त जुयाः सम्पर्क तयेत्यम्ह मिसामचां उमेर मत्यःगुलिं मिजंयात नकारात्मक कथं थुइका बियाच्वंगु खँ उम्ह गोपाली मिसाया अभिव्यक्त खः ।

गोपाल धनी पनेमते थनि

सिन्हाज्या वने न्हां ।

जात जि ग्वालिनी लसिकल मसियानी

छि चित्त बुझ्ने जिनं याये मफुनि

जोनेरे मते धनी बिनति याये थनि

योवन कचिनि भ्रमर हाला जुल

उमेर जिके गाक मदुनि ।

यौवन जा छगु तिनि सेनके मते धनी

लिपतसं छि व रस याय न्हां ।

अथेतुं यौवनं मुक्त जूम्ह मिसां थःगु यौन सन्तुष्टिया लागिं मिजंयात अनुरोध याइगु खँ नं सिनाज्या म्येपाखें हे अभिव्यक्त जुयाच्वंगु दु । मिजं नं जक थःगु यौवनया सन्तोष मिसापाखें कायेगु अनुरोध याइगु मखु, मिसापिन्सं नं मिजंयात अनुरोध यानाच्वंगु दु । नेवाः समाज समानताया आधारय् न्ह्यानाच्वंगु धयागु क्वय् न्ह्यथने त्यनागु सिनाज्या म्ये नं स्पष्ट याः । थःगु मतिनाया भावनिसें यौनजनीय खँ व्यक्त यायेत तक नं मिसात लिमच्यू धयागु नेपाः तजिलजिया प्यच्चगुलाः

सी दु ।

भाजु सिया मेव मसिया

आशा छि हे छम्हसिया ॥

सिन्हाज्या वनया लँदाक मसिया

नुगल छिके तया वया न्हां ॥

थ्व भाव व्यक्त याःम्ह मिसां यच्चागु भाव नं थुकथं व्यक्त
यानातःगु दु -

यौवन नक्वया तरुनी जि जुया

पुसामि मदयकं चोने मफया ॥

वेलजुल कामया अचेत जि जुया

थ्व मन थमं चि मफया ॥

जोवनया भाव व्यक्त यायां थःगु यौनया भावना तक नं थुकथं व्यक्त
यानातःगु दु -

लनया दुनेचोन ब्याल निग्वलया

छित बिये धकाः मती तया न्हां ।

अये धकाः थ्व भाव व्यक्त यानाच्च्वम्ह मिसा यौनपिपासु मखु ।
प्राकृतिक रूपं दनावःगु भावना छम्ह हे मिजंपाखें न्हापां सन्तुष्ट कायेगु खँ
व्यक्त यानाच्च्वंगु थुकथं खः ।

लसिकल जि मसिया तरुनी जि जुयाया

मन मवनि ग्वम्ह मिजनया ॥

म्हिंग जिन मसिया थनि जिन सियाया

आव जि तोलते मफया ।

सिनाज्याबलय् थःगु मनया भावना व्यक्त याइगु इवलय् इहिपा
धुकूम्ह मिसायात नं वयागु रूपया वर्णन यानाः थःपिनिगु मतिना कालबिल
जक जुइगु मखु भाःतया छँय् सुथांलाक्क ज्या सनाजूसां सिनाज्याबलय्
मतिनाया कालबिलं न्हापाम्ह भाःतयात त्वःताः मतिनामि नाप जीवनया
सदाकाल तक नं हवनेगु याइपिं मिसापिं नं सिनाज्या म्यय् खनेदु । “प्याखनं
हुया थें न्यासि वने सबम्ह” सिनाज्या म्ये थज्याःगु चरित्रया मिसा न्ह्यः
व्वयातःगु खनेदु ।

प्याखन हुया थें न्यासि वने सबम्ह

हूँ ओम्ह त्यासेचा ॥
 अयले भलि हाये सिनाज्या नि वने
 ज्यामियात बजिनके मानि न्हां ॥
 पनेमते भाजु थन हतास जुल आव
 माजुन बोल बिगुव न्हां ॥

चोने जि उमानस उगुलि लंन भासैं
 मालगु खँ ल्हाये धुन न्हां ॥
 जिलस्वानया माल हनाव कोखायकाव
 स्वचाक उला भोक पुल न्हां ॥
 निगुलि शरीरस छगुलि जुय धुन
 सदान दया दय माल न्हां ॥

अथेतुं “छि व जिव जुल धका ननिकतकन सिल” धा:गु सिनाज्या
 म्ये मचा मदुतले मिजं नं वास्ता या:गु मचा दयेवं मिजं नं वास्ता मयासैं
 मिसायात त्व:तावंगु खँयात कया: विरह वेदना व्यक्त यानात:गु ख: । मचा
 दयानं भा:त मदुम्ह मिसायात समाजं उपेक्षित याइगु उगु समाजय् चवने
 थाकुइगु थ: मां-अबुं हे नं वास्ता मयासैं छैं नं पितिना चवनेमा:गुया वेदना
 न्ह्यव्वयात:गु दु ।

छि व जिव जुल धका: ननिकतकन सिल
 शरमन पिलुय मछाल न्हां ॥
 शरीरस मदुतले धुलुपुलखन भाल भाजु
 शरीर रस दसं निसैं मभा न्हां ॥

अबु दया: नं अबु मचा मना:म्ह मिसाया वेदना थुकथं प्वकात:गु दु -
 जला खला ननिकतकं अबु मदु मचा धाल
 जिगु नुग: तयां तय मज्यू न्हां ॥

‘सिनाज्या म्ये’ मिसापिनिगु मनया खँ जक व्यक्त यानात:गु मखु छँया
 (आयस्रोत) अन्नस्रोत जुयाचवंगु बूँ त:सिंपाखे बचय् यायेत त:सियात थ:गु
 जोवनतकं ल:ल्हाना: छैं भिकाचवपिं मिसापिनि भाव “संसारया कारण”
 धयागु सिनाज्या म्ये खनेदु । अथेतुं छँया आर्थिक अवस्था बांमलाना: विदेश
 वना: कमय् या:वने त्यंम्ह भा:तयात थ:गु सम्पत्ति क्वस: दक्वं ल:ल्हाना:
 गेपा: तजिलजिया छप्खँगुणा

त्यपु जीवन न्ह्याइपुक हनेगु अनुरोध यःइम्ह मिसा "जि वया ला लच्छि मदिनि" सिनाज्या म्ये खनेदु ।

मिजंतय्सं जक मिसानाप क्षणिक यौवनया रस याइगु जक सिनाज्या खनेदुगु मखु मिसापिन्सं नं कलाः दुम्ह मिजंयात थःनाप रसरंग या धकाः अनुरोध याइपिं मिसात नं सिनाज्या म्येय खनेदु ।

ज्या याना मचायकं ख्यालन न्वातके मदुला

यवन थये थ धाले भाजु छि व जि मखुला

छि कलातन न्वातसा भाजु जि पनि मदुला

कलाः हे दुसां छु जुल धकाः थःनाप रसरंग या धकाः मिजंयात अनुरोध याइपिं मिसापिं नं खनेदु । उकिं हे कलाः दुम्ह मिजंयात मिसां थुकथं अनुरोध यानाचवन -

आमथे मखु थे भाजु वार्डे कयता काहुने

मचालेन धाय धुन मनबोय विहुनि

थुकथं सिनाज्या म्ये थीथी चरित्र दुपिं मिसापिं खनेदु । गुम्ह मिसापिं मिजंतय्सं स्यंकाबी धकाः स्यंके मतेनि धकाः अनुरोध यानाचर्वापिं दुसा गुम्ह मिसापिं मिजंतय्सं प्वाथय् दयेकाः त्वःताब्यूपिं, गुम्ह मिसापिं थः भाःत दयाः नं भाःतपाखें सन्तुष्टि मदयाः मेपिं मिजंतपाखें सन्तुष्टि काइपिं दु ।

लिखें :

सिनाज्या म्येया स्वरुपयात स्वल धाःसा दक्व धयाथें म्ये मिसायात हे केन्द्रित यानातःगु खनेदु । मिजंपिन्सं हालीगु जूसा मिसातयगु सौन्दर्य तारिफ यानाः अमित थः याना कयाः यौन तृप्त यायेगु जूसा मिसातय्सं प्रस्तुत याइगु म्ये नं यौननाप स्वापू-दुगु खनेदु । सिनाज्या अप्वः यानाः यौन भावनानाप सम्बन्धित जूगुया मू हुनिं धयागु उगु इलय् मनोरञ्जनया साधन मदुगुलिं यानाः मिसा वा मिजं निगू वर्ग नं यौनया खँ लहानाः मनोरञ्जन यायेगु जुयाचवंगु खः । थुज्वःगु खँ लहाल्हां ज्या नं सिधइगु व मनोरञ्जन नं जुइगु जूगुलिं थुज्वःगु विषयवस्तुल्य केन्द्रित जूगु खः । हानं बुँइ वा पीबलय् मिसापिं व मिजंपिं नापनाप ज्या सनीगु जूगुलिं ध्व वर्गया दुने मेगु विषयवस्तुं नं उलि प्रभावित मयाइगु जूगुलिं नं यौवनया खँ लहानाः न्ह्याइपु छ्याइगु खः । उकिं हे जुइ सिनाज्या धुं धुं बुँज्या सनीपिनि न्ह्याय्मस्त तनीगु, न्हूपिं भम्चात दुहां वइगु आपालं दुगु खः । छायाःसा सिनाज्या खुल्ला वातावरणय्

मिसां मिजंनं मिसायात थःगु मतिनाया भावना व्यक्त यानाः नुगः कालबिल जुइगु खः । सिनाज्या ज्वःछि ज्या दुगुलिं मिसा मिजं नापनापं हे जुइ । सिनाज्या सिधल धायेवं सिनाज्याबल्य् थें नाप लायेगु वातावरण नं मदइगु जूगुलिं थःत प्वःचिइ मफयाः मिजंनं मिसायात छें नं बिसिके हयेगु, अथेतुं मिसा नं थःगु बूगु छें त्वःताः मिजंया छें वयेगु जुइगु खः । थथे छें त्वःताः वःपिं गुम्हसिया जिन्दगीभर हे व हे छेंया भौमचा जुयाः त्यपू जीवन हनेगु जूसा गुम्हसिया थः मिजंया छेंय् चवने मफयाः जिन्दगी हे उखेलाः थुखेलाः जुइक स्यनावंपिं नं दु ।

थौकन्हय् नं सिनाज्याबल्य् सिनाज्या म्हे हालेगु चलन दु, तर सिनाज्या म्ये गथे हाल अथेतुं चवयाः प्रकाशित यायेगु चलन धाःसा खने मन्त । अथेतुं सिनाज्या याना च्वंथाय् वनाः सिनाज्या म्ये संकलन जूगु नं खनेमदु । तर न्हापा न्हापायागु सिनाज्या म्ये खनेदगु भावना धाःसा सिनाज्या जुयाच्वंगु थासय् वनाः स्वःवन धाःसा आः नं खनेदनि । बांलाःपिं मिसातय्त ध्याचू नकेगु, उमिगु सौन्दर्ययात तारीफ यानाः उमिपाखें सन्तुष्टि कायेगु याः । मिसापिन्सं नं बूज्या यानाच्वंपिं मिजंतय्त बाह्य रूपनिसें नागःतुगः यानाः मिजंतय्त पुरुषत्व थनेगु तक नं जूगु खनेदु ।



ज्वमि

मां

अबु

थाय्बाय्

शिक्षा

डा. चुन्दा वज्राचार्य

मयजु ज्वालादेवी वज्राचार्य

भाजु वेदानन्द वज्राचार्य

७/८४१ मरु ख्यःक्यव, यें,

एम. ए. (नेपालभाषा व अर्थशास्त्र)

नेपाःया न्हापांम्ह मिसा विद्यावारिधि (नेपालभाषा)

लज्जसाः

प्राध्यापन नेपालभाषा केन्द्रीय शिक्षण विभाग, त्रि.वि.वि.

मेमेगु ज्या

नेवाः दे-दवू - सल्लाहकार

राष्ट्रिय आदिवासी जनजाति महिला महासघ - अध्यक्ष

जगतसुन्दर ख्वनेकुथि - कोषाध्यक्ष

नेपालभाषा एकेडेमि - सदस्य

शुक्रराज ट्रेपिकल तथा सरुवारोग अस्पताल विकास समिति - सदस्य

नेपालभाषा विषय समिति, त्रि वि.वि - सदस्य

नेपालभाषा मिसा खल. संस्थापक महासचिव

भ्रमण

थाइल्याण्ड, जापान, अष्ट्रेलिया, मलेशिया, न्यूजिल्याण्ड

पिदने धुकू सफू

नेवाः तजिलजिङ्ग नखःचखः, ने.सं. ११२१

नेपालभाषाया आधुनिक नाटक्य मिसा समस्या, ने.सं. १११८

भिक्षु सुदर्शनया नाटक ल्हागू विवेचना, ने.सं. १११८

जितामित्र मल्लकालीन धर.पौ, वि.सं. २०५३

मल्लकालया छुं संस्कृति, ने.सं. ११०५

मध्यकालीन छुं घटनावली, ने.सं. ११०७

रणजीत मल्लया विवाहया भञ्चा का वंगु धर.पौ, ने.सं. ११०९

मातिलक्ष्मी उपासिकाया जीवनी, ने.सं. ११०८

नेवाः तजिलजिया च्वखँमुना, ने.सं. ११२१

